

EL SANTO EVANGELIO SEGÚN SAN LUCAS

Dedicatoria a Teófilo

1 Hua ga'i ni tsínj gahuin ruhua garun rian yanj xi'i si daj gahuin scanij né!. ²Ni garun ni sij nuguán' daj daj rún' digyán ni tsínj guini'lí daran' si gui'yaj Jesús asij sini yan. Ni ga'mi ni sí' si-nuguán' Yan'anj rian ni ngüi, gui'yaj Jesús. Ni gunun ni únj nuguán' digyán ni tsínj daj. ³Hué dan ni gan'anj xacaj sa' man'anj cuenta xi'i daran' si gahuin asij gaxi'lí si-nuguán' Jesús. Ni gani ruhuáj sisí dugu'naj huin garúnj 'ngo yanj gaya re' huín re' Teófilo, tsínj sa' nin' ruhua. Ni huin ruhuáj nata' nica yyaj da' go'ngo ni nuguán' xi'i daran' ni nuguán' gahuin daj. ⁴Ngaa ni ga'ue gahuin yya ruhuá re' sisí xanga' nuguán' digyán ni sij rián re'.

Anuncio del nacimiento de Juan

⁵Ni ngaa gane rey Herodes estado Judea, ni nne 'ngo chrej gu'naj Zacarías. Ni nico' sij xi'nin' gu'naj Abías. Ni nica sij gu'naj Elisabet huin unj da'ní si'ní chrej Aarón gane sí' asij ná. ⁶Ni hua nica niman nungüej nica tsínj daj rian Yan'anj. Ni dagahuin sa' nungüej nica sij

daran' sun a'nin' Señor rian né!. Ni nitaj gaquin' da'ui nungüej sij mánj. ⁷Sani nitaj da'níj nungüej sij si yatin Elisabet. Ni achij nungüej sij nej.

⁸Ni ngaa natúj xi'nin' nico' Zacarías gui'yaj sun ni sij rian Yan'anj, ⁹ni hua 'ngo güi guiri' níyanj Zacarías gatúj sí' chruhua si-nuhui Yan'anj gutin' sí' siquíj gaca-á!. Daj si da'nga' daj hua ducuánj nicej ni sij. ¹⁰Ni da hua gue aca siquíj daj, ni achínj jni'yaj daran' ni ngüi rian Yan'anj mán ne' xe!. ¹¹Ngaa ni gurugüi' 'ngo ángel 'nq' rian Señor rian Zacarías. Ni niquin' ángel daj ne' ra'a sa' nna aca siquíj. ¹²Ni ngaa guini'lí Zacarías ángel daj, ni gan'anj ruhua sij. Ni ducu guxu'ui' sij nej. ¹³Sani gataj ángel:

—Zacarías, si guxu'uí' re' mánj. Daj si hua gunun Yan'anj nuguán' gachínj jni'yaj re' rian sij. Ni ga'nga 'ngo da'níj re' guinicaj nica re' Elisabet. Ni dugu'naj re' lij daj Juan. ¹⁴Ni gahuin nia' ruhua man'án re'. Ni ngaa ga'nga lij daj, ni gahuin nia' ruhua nico ni ngüi. ¹⁵Ni gahuin achij da'níj re' rian Yan'anj. Ni si go'o sij vino nga nnee xunaj mánj.

Ni asij nún sij riqui nni sij, ni ga'na' Espíritu Santo rian sij.¹⁶ Ni ganani ruhua nico ni tsínj israelita xi'í si-gaquin' ni sij. Ni nanico' ni sij Dan'anj ni sij, gui'yaj da'níj re!.¹⁷ Hua sini da'níj re! táj dian sini yan ga'mi sij si-nuguan' Yan'anj rian ni ngüi. Ni da rucu ga'na' man'an Señor. Ni daj rún' hua nucuaj si-nuguan' tsínj gu'naj Elías asij ná, ni da'nga' daj ga'mi da'níj re!. Ni gan'anj na'mi ruhua' yún ni ngüi nga ni da'níj ni sí!, gui'yaj sij. Ni gahuin chrun ni ngüi nunun. Ni gache ni sí! si-chrej ni ngüi hua nica niman rian Yan'anj, gui'yaj sij nej. Ni hué ducuánj daj gui'yaj xugüi sij rian ni ngüi sisí nahuin ra'a ni sij man'an Señor. —Daj gataj ángel gunun Zacarías.

¹⁸ Ngaa ni nachínj snan'anj Zacarías ángel. Ni gataj sij:
—Daj gahuin yya ruhuāj xi'í si-nuguan' re! si hua achí nga nicaj nej.
—Gataj Zacarías rian ángel daj.
¹⁹ Ngaa ni gataj ángel daj:
—Huéj huin Gabriel tsínj niquin' rian Yan'anj. Ni ga'níj man'an Yan'anj ga'naj ga'mi nga re!. Ni gatā nuguan' sa' nan rián re!.²⁰ Yyaj ni rian nun guxuman ruhuá re! nuguan' ga'mi rián re!, ni gahuin re! 'ngo tsínj si ga'ue ga'mi da ga'nga lij daj. Ni gahuin yya daj rún' gata gunún re! güi gani Yan'anj. —Daj gataj ángel gunun Zacarías.

²¹ Da hua gue da ni mán ni ngüi xe' ana'uij ni sij si gahuin Zacarías chruhua nuhui. Ni nachínj snan'anj ni sij man'an dugüi' ni sij un sin huin, ni gahuin ran sí! gahui sí! chruhua nuhui daj.²² Ngaa ni ngaa gahui sij xe', ni na'ue ga'mi sij nga

ni ngüi mánj. Ngaa ni xacaj ni ngüi cuenta sisí gurugüi' 'ngo rasun guini'i sij chruhua nuhui, gui'yaj Yan'anj. Ni maan si digyán ra'a yún sij si na'ue ga'mi sij.

²³ Ngaa gachin güi gui'yaj sun Zacarías rian Yan'anj chruhua nuhui, ni guinən' sij ducuá sij.²⁴ Ngaa síj ni guiri' nica sij Elisabet 'ngo lij. Ni un'un! yahui nun gahui unj ducuá unj.²⁵ Ni gataj unj gunun man'an unj: “Ni gui'yaj Yan'anj 'ngo sinduj riānj. Ni güi yyaj ni si guiri'íj si-na'aj rian ni ngüi ga mánj.” Daj gani ruhua man'an unj.

Anuncio del nacimiento de Jesús

²⁶ Ngaa guisíj huatan' yahui gunun riqui Elisabet, ni ga'níj Yan'anj ángel gu'naj Gabriel gan'anj sí! 'ngo xuman' gu'naj Nazaret ngaj rian estado Galilea.²⁷ Ni guisíj ángel daj rian nne 'ngo yun'unj xana yan gu'naj-á! María. Ni hua guisíj gahuin yya xacaj 'ngo tsínj gu'naj José man'an ún!. Ni huin sí! da'níj da'níj si'ní rey David.²⁸ Ngaa ni gatúj ángel daj rian nne ún!. Ni gataj sij:

—Hua sa' nné re! ní!. Gui'yaj Yan'anj sinduj rián re!. Ni achéj Señor nga re!. Sa' man'án re! scanij ni yun'unj xana, gui'yaj Yan'anj. —Gataj ángel gunun María.

²⁹ Saní ngaa guini'i unj ángel, ni gani huíj ruhua unj xi'í nuguan' ga'mi sí!. Ni nachínj snan'anj unj man'an unj un sin huin ruhuaj gata nuguan' daj únj.³⁰ Ngaa ni gataj ángel:

—María, si guxu'uí' re! mánj. Gahuin niq' ruhua Yan'anj, gui'yaj re!. Ni hua gui'yaj Yan'anj 'ngo

sinduj rián re^l. ³¹Yyaj n̄i guíri' re^l
 'ngo lij gunun riquí re^l. Ni ga'nga
 'ngo lij sno'o rián re^l. Ni dugu'naj
 re^l lij daj Jesús. ³²Ni gahuin sij
 'ngo tsínj huin achij nin' ruhua. Ni
 gu'naj sij da'nij Yan'anj achij nne
 xata!. Ni ga'ui' Yan'anj achij xanga'
 daj sun guinicaj sij rún' guinicaj
 sun xi sij David. ³³Ni da'nga' daj
 gu'yaj Yan'anj sisi guinicaj niganj
 nin' sij sun rian ni da'nij Jacob,
 huin ni sí' ni tsínj israelita. Ni nitaj
 si hua si ganahuij sun nicaj sij mánj.
 —Daj gataj ángel daj gunun María.

³⁴Ngaa ni nachínj snan'anj María
 ángel. Ni gataj unj:

—Asa! ga'ue guíri' man'anj lij sisi
 nitaj tsínj sno'o nne ngāj únj. —
 Gataj María gunun ángel daj.

³⁵Ni gataj ángel gunun María:
 —Ga'na' Espíritu Santo rián re^l. Ni
 ga'na' si-fuerza Yan'anj achij rián
 re^l. Xí'i daj guruj re^l 'ngo lij sa' nin'.
 Ni da'nij Yan'anj gu'naj lij guruj
 re^l daj. ³⁶Ni dugúi' re^l Elisabet
 huin 'ngo yun'unj achij. Sanj guisij
 huatan' yahuí nun riquí ún!. Ni ataj
 ni ngüi sisi 'ngo yun'unj xana yatin
 huin ún!. ³⁷Nitaj 'ngo si huaj sisi si
 ga'ue gu'yaj Yan'anj mánj. —Gataj
 ángel daj gunun María.

³⁸Ngaa ni gataj María:

—Huéj huin 'ngo yun'unj xana
 'yaj sun rian Señor. Xí'i daj ni ga'ue
 gu'yaj Yan'anj ngāj daj rún' gatáj
 re^l gununj. —Daj gataj María
 gunun ángel.

Hué dan ni gahui ángel daj rian
 María.

María visita a Elisabet

³⁹Ni hué ni güi daj ni naxuman
 María. Ni gahui unj gan'anj yoo

unj 'ngo xuman' ngaj estado Judea.
 Ni hua dacuj rian gachin unj. ⁴⁰Ni
 gan'anj unj ducuá Zácarías. Ni gatúj
 unj chruhua hue!. Ni gataj unj
 gunun Elisabet:

—Hua sa' nné re^l ní!. —Daj gataj
 María.

⁴¹Ni ngaa gunun Elisabet nuguan'
 ga'mi María, ngaa ni güéj lij riquí
 ún!. Ngaa ni ga'na' Espíritu Santo
 rian ún!. ⁴²Ni nucuaj ga'mi ún' rian
 María. Ni gataj ún':

—Gahuin 'ueé man'án re^l scanij
 ni yun'unj xana, gu'yaj Yan'anj. Ni
 gahuin 'ueé lij guchruij re^l, gu'yaj
 Yan'anj nej. ⁴³Ni un sin huín si
 ga'na' nil'yaj nni Señor riánj huín re^l
 únj. ⁴⁴Daj si hué gue hora gununj
 nuguan' ga'mí re^l riánj, ni gahuin
 niq' ruhua lij nun riquij. Ni güéj
 lij nej. ⁴⁵Ni hua 'ueé rián re^l xi'i
 si guxuman ruhuá re^l si-nuguan'
 Yan'anj sisi gahuin yya daj rún'
 gataj Yan'anj gunún re^l aj. —Daj
 gataj Elisabet rian María.

⁴⁶Ngaa ni gataj María nuguan' nan:
 A'mi sa' 'ueé nimānj rian Señor.

⁴⁷Ni gahuin niq' ruhua nimānj ni'l
 nimānj Yan'anj huin si nacaj
 man'anj.

⁴⁸Daj si acaj Yan'anj cuenta xi'i
 huínj 'ngo yun'unj xana niqui
 'yaj sun rian Yan'anj.

Ni asij güi yyaj ni ga'mi sa'
 niganj ni ngüi xi'i si hua 'ueé
 riánj.

⁴⁹Daj si gu'yaj Yan'anj nucuaj 'ngo
 nuguan' nico ngāj.

Ni sa' nin' ruhua hua si-xugüi
 Yan'anj anj.

⁵⁰Ni niganj huin 'i ruhua Yan'anj
 ni'ya daran' ni ngüi unun
 rianj.

- 51** Ni gui'yaj sun nucuaj Yan'anj.
 Ni gunucuaj gui'yaj gana
 Yan'anj rian ni tsínj nne.
 Ni ganahuij nuguan' gani nne
 ruhua ni sij.
- 52** Ni guiri Yan'anj ni tsínj huin
 achij huin ni tsínj huin rey
 rian hua nucuaj nne ni sí!.
- Ni gahuin achij ni tsínj niqui,
 gui'yaj Yan'anj.
- 53** Ni gara sa' riqui ni ngüi achin
 xi'na, gui'yaj Yan'anj.
 Ni rani Yan'anj ni xuru'ue nañ'
 yun ni sij.
- 54** Ni chracuuj Yan'anj ni tsínj
 israelita, huin ni sij ni tsínj
 unánj guitsi rianj.
 Ni nun guini'yun ruhua Yan'anj
 gahuin 'i ruhuaj guini'ya ni
 tsínj daj.
- 55** Ni da'nga' daj hua gataj yya
 Yan'anj gunun Abraham nga
 ango xi né!
 Ni xi'í daj huin 'i ruhua Yan'anj
 ni'ya né' niganj xi'í si huin né'
 ni da'níj da'níj si'ní Abraham.
- Daj gataj María.
- 56** Ni huá'nij yahui guna María
 ducuá Elisabet. Rún' sij ni nañ' ún'
 ducuá ún'!
- Nacimiento de Juan el Bautista**
- 57** Ni ngaa guisíj güi ga'nga da'níj
 Elisabet, ni ga'nga 'ngo lij sno'o,
 gui'yaj ún'. **58** Ni ngaa gunun ni
 dugüi' ún' sisí nín' ruhua gahuin 'i
 ruhua Yan'anj ni'ya ún', ni gahuin
 nia' ruhua ni sij xi'í ún'. **59** Ngaa
 guisíj lij itunj güi, ni ga'na' ni tsínj
 guta' da'nga' nnee lij daj. Ni huin
 ruhua ni sij dugu'naj ni sij lij rún'
 gu'naj chre-é! Zacarías. **60** Sani gataj
 nni lij daj:

—Si ga'ue mánj. Si-xugüi lij nan
 huin Juan. —Daj gataj nni lij.
61 Ngaa ni gataj ni sij:
 —Ni a 'ngo ni dugüi' re' nitaj si
 gu'naj da mánj. —Gataj ni sij.
62 Ngaa ni nachínj snan'anj ra'a yun
 ni sij chrej lij daj sisi guini'li ni sij daj
 dugu'naj sí' lij daj. **63** Ngaa ni gachínj
 chrej lij daj 'ngo ruguechra' le garun
 sí!. Ni garun sí!: "Juan gu'naj si-xugüi
 lij." Daj garun sí!. Ni gahuin yan'anj
 ruhua daran' ni sij xi'í nuguan' daj.
64 Ngaa ni 'ngo hora ni ga'ue ga'mi
 Zacarías. Ni gaxí'i sí' ga'mi sa' 'ueé sí'
 rian Yan'anj. **65** Ni gara yan'anj ruhua
 daran' ni ngüi nne níchrun' xi'í si
 guiran' Zacarías. Ni gunun daran' ni
 ngüi mán nín' gachra' ni dacan estado
 Judea xi'í ni nuguan' daj. **66** Ni ga'níj
 daran' ni ngüi gunun ni nuguan' daj
 chruhua cíj niman ni sij. Ni nachínj
 snan'anj ni sij ni man'an dugüi' ni sij.
 Ni gataj ni sij: "Ni un tsínj gahuin lij da
 únj." Gataj ni sij. Daj du'ua ni sij xi'í si
 gui'yaj sa' 'ueé Yan'anj nga lij daj.

Profecía de Zacarías

- 67** Ni ga'na' 'ueé Espíritu Santo
 rian chrej lij daj huin tsínj gu'naj
 Zacarías. Ni gataj sij:
- 68** Ga'mi sa' né' rian Señor huin
 Dan'anj ni tsínj israelita.
 Daj si ga'na' ni'ya sij ni tsínj
 nico' sij.
- Ni ga'na' nacaj sij ni sí!.
- 69** Ni ga'níj Yan'anj 'ngo tsínj
 nucuaj ga'na' nacaj yun' huin
 sí' 'ngo da'níj si'ní David.
- Ni David huin 'ngo tsínj gunánj
 guitsi rian Yan'anj.
- 70** Ni da'nga' daj gataj ni tsínj
 ga'mi si-nuguan' Yan'anj,
 gui'yaj Yan'anj asij ngaa ná.

⁷¹ Ni nacaj Yan'anj né' rian ni tsínj unun' nga né' nga rian daran' ni tsínj nun huin xan' ruhua ni'yaj né' nej.

⁷² Ni da'nga' daj gahuin 'i ruhua Yan'anj ni'ya ni xi né' daj rún' gataj yya sij rian ni sí'!

Ni nānun ruhua Yan'anj daj gui'yaj yya sij nuguan' sa' nga ni sí' nej.

⁷³⁻⁷⁴ Ni ga'mi nica yya Yan'anj rian xí' Abraham sisí gahuin ní'nij né' rian ni tsínj unun' nga né', gui'yaj Yan'anj.

Ngaa ni si guxu'ui' né' gui'yaj sun né' rian Yan'anj.

⁷⁵ Ni gahuin sa' niman né' rian Yan'anj.

Ni gahuin nica niman né' daran' güi guiman né'.

Daj gataj Zacarías.

⁷⁶ Ngaa ni gaxí'i Zacarías ga'mi sij rian da'níj sij. Ni gataj sij:

Ni gahuin so' 'ngo tsínj ga'mi sini si-nuguan' Yan'anj achij nne xata' asij nun ga'na' man'an Señor.

Ni gui'yaj xugüi re' si-chrej man'an Señor.

⁷⁷ Ni digyán so' rian ni ngüi nico' Señor sisí nicaj sij niman nico xi'i si-gaquin' ni sí'.

Ngaa ni ga'ue xacaj ni sí' cuenta sisí nacaj Yan'anj ni sí'.

⁷⁸ Ni da'nga' daj gahuin si huin 'i nin' ruhua Yan'anj ni'ya né'.

Ni daj rún' xiguin 'yaj güi ne' nigan', ni da'nga' daj guixiguin chruhua niman né', gui'yaj Yan'anj ngaa ga'na' Señor ne' xata' rian né' aj.

⁷⁹ Ni guixiguin rian ni ngüi mán rian rumí' huin ni ngüi xu'ui' xi'i si gahui' ni sij.

Ngaa ni gahuin din'inj rian né' gache né', gui'yaj Yan'anj.

Daj gataj Zacarías rian da'níj sij.

⁸⁰ Ngaa ni gachij lij daj. Ni gahuin nucuaj niman sij. Ni gane sij quij qui'yanj naco da' güi gaxí'i sij nata' sij si-nuguan' Yan'anj rian ni tsínj israelita.

Nacimiento de Jesús

2 Hué ni güi daj ni ga'nin' rey gu'naj Augusto César sun rian ni tsínj mán nín' gachra' chruhua xungüi sisí nachi nicaj ni sij 'ngo yanj censo. ² Ni tsínj gu'naj Cirenio gahuin gobernado gane sí' estado Siria ngaa gui'yaj sini yan ni sij yanj censo daj. ³ Ni gan'anj daran' ni ngüi xánj ni sij guta' ni sij si-xugüi ni sij rian yanj.

⁴ Ngaa ni gahui José xuman' Nazaret xuman' ngaj estado Galilea. Ni gachin sij xuman' Belén, xuman' ngaj estado Judea huin rian ga'nga rey David. Daj si huin Jesús da'níj da'níj si'ní sí'. ⁵ Ni gan'anj guta' nuguan'an sij si-xugüi sij nga María rian yanj. Ni huin ruhua nungüej sij xacaj nungüej sij dugüi' sij. Ni nun riqui man'an ún'. ⁶ Ni ngaa gane nungüej sij xuman' Belén, ni guisíj güi ga'nga lij, gui'yaj María. ⁷ Ni ga'nga 'ngo lij xahua', gui'yaj María huin-in' lij sno'o. Ni chri'yanj ún' atsij lij daj. Ni ga'níj ún' chruhua rio xa xucu si nitaj si hua ní'nij 'ngo lugua guna nungüej sij chruhua mesón.

Los ángeles y los pastores

⁸ Ni nichrun' xuman' Belén daj, ni mán ni tsínj dugumi dán ni sij xachij. ⁹ Ngaa ni gurugüi'

'ngo si-ángel Yan'anj rian ni sij. Ni guixiguin 'ngo yan'an ganicaj xi'níj ni sij, gui'yaj Yan'anj nej. Ni ducu guxu'ui' ni sij. ¹⁰Saní gataj ángel gunun ni sij:

—Si guxu'ui' ni é re' mánj. Daj si níca 'ngo nuguan' sa' 'náj rian ni é re'. Ni gahuin níá! níñ! ruhua daran' ni ngüi, gui'yaj nuguan' nan. ¹¹Yyaj ni ga'nga 'ngo lij xánj David huin sij Cristo. Ni ganacaj sij ni ngüi. Ni huin sij Señor nej. ¹²Ni hué nan huin 'ngo da'nga' si daj ga'ue nári' ni é re' lij daj. Ni nári' ni é re' lij daj chruhua rió xa xucu. —Gataj ángel gunun ni tsínj dugumi xachij daj.

¹³Ni hué 'ngo hora gue daj, ni gurugüi' nico ni ángel mán xata' nichrun' rian ángel daj. Ni ga'mi sa' ni sij rian Yan'anj. Ni gataj ni sij:
¹⁴Ga'mi sa' 'ueé né' rian Yan'anj achij nne xata'.

Ni gahuin din'inj chruhua ni ngüi huin ni ngüi hua sa' niman.

Daj gataj ni ángel daj.

¹⁵Ni ngaa nan' ni ángel xata', ni gaxi'l ga'mi ni tsínj dugumi xachij gataj ni sij gunun ni dugüi' ni sij:

—Gan'anj né' xuman' Belén guini'i né' si gahuin daj rún' gataj Señor gunun né'. —Daj gataj ni sij.

¹⁶Hué dan ni gan'anj yoo ni sij, ni nari' ni sij María nga José. Ni nari' ni sij lij nun-ún' chruhua rio xa xucu. ¹⁷Ni ngaa guini'i ni sij lij, ngaa ni nata' ni sij nuguan' ga'níj Yan'anj rian ni sij xi'l lij rian ni ngüi mán yu'uj daj. ¹⁸Ni gahuin yan'anj ruhua daran' ni ngüi gunun nuguan' nata' ni tsínj dugumi xachij daj. ¹⁹Ni ga'níj María daran' nuguan' daj chruhua cúj niman unj. Ni gani sa'

ruhua unj xi'l si gui'yaj sa' Yan'anj nga unj. ²⁰Hué dan ni guinán! ni tsínj dugumi xachij daj. Ni ga'mi sa' 'ueé ni sij rian Yan'anj xi'l daran' ni nuguan' gunun ni sij ngá si guini'i ni sij. Daj si rún' gataj ángel, ni da'nga' daj gahuin daran' anj.

Presentación de Jesús en el templo

²¹Ni ngaa gachin itunj güi, ni guta' ni sij da'nga' nnee lij daj. Ni dugu'naj ni sij lij Jesús si hua gataj ángel rian Marfa sisí da'nga' daj gu'naj lij daj asij nun gahuin guiri' ún' lij daj.

²²Ni ngaa guisíj ni güi ganahuin sa' María rún' ataj níca si-ley Moisés, ni nícaj nungüej sij lij gan'anj sij xuman' Jerusalén naga'ui' nungüej sij lij daj rian Señor. ²³Ni da'nga' daj gui'yaj nungüej sij si hua níca yya rian si-ley Señor sisí go'ngo da'níj ni ngüi israelita tsínj xahua' gahuin sil'yaj Señor. ²⁴Ni gan'anj ga'ui' nungüej sij xucu rian Yan'anj daj rún' ga'nin' si-ley Señor sun rian ni tsínj israelita. Ni ga'ue ga'ui' ni sij huij xu'man, asi ga'ue ga'ui' ni sij huij gucu nej.

²⁵Ni ngaa daj nne 'ngo tsínj gu'naj Simeón xuman' Jerusalén. Ni 'ngo tsínj 'yaj níca huin sij. Ni níco' 'ueé sij Yan'anj nej. Ni ana'uij sij si ganani ni ngüi israelita, gui'yaj Yan'anj. Ni nne Espíritu Santo nga sij nej. ²⁶Ni hua gataj Espíritu Santo rian tsínj daj sisí si gahui' sij da' guini'i yya sij tsínj sa' ga'nij Señor rian ni ngüi. ²⁷Ni ga'níj Espíritu Santo gan'anj sij nuhui nico. Ni nícaj José nga María lij Jesús gatúj nungüej sij chruhua nuhui

nej. Ni huin ruhua nungüej sij guí'yaj nungüej sij xi'í Jesús daj rún' ga'nin' si-ley Yan'anj sun rian ni tsínj israelita. ²⁸Ngaa ni gana'yanj Simeón lij Jesús. Ni ga'mi sa' 'ueé sij rian Yan'anj. Ni gataj sij:

²⁹Yyaj ni guisíj yya daj rún' gatáj re' riánj.

Ngaa ni ga'ue ríqui re' sisi gahui' din'in huinj 'ngo tsínj 'yaj sun rián re', Señor.

³⁰Daj si hua guini'línj sisi ga'na' tsínj ganacaj ni únj.

³¹Ni gui'yáj re' daj rian daran' ni ngüi mán chruhua xungüi nan.

³²Ni daj rún' huin 'ngo yan'an xiguín, da'nga' daj gahui' lij nan rian ni ngüi 'na' anéj chrej.

Ni ga'mi sa' ni ngüi xi'í ni únj, ni tsínj israelita, gui'yaj sij nej. Daj si nico' ni únj man'án re'.

Daj gataj Simeón gunun Yan'anj.

³³Ni gahui yan'anj ruhua José nga María si gataj Simeón xi'í lij Jesús. ³⁴Ngaa ni gachínj jni'yaj Simeón rian Yan'anj sisi gahui' 'ueé rian anin' sij, gui'yaj Yan'anj. Ni gataj sij gunun María huin unj nni Jesús:

—Ngaa gachij lij nan, ni gunun' nico ni ngüi israelita xi'í sí'. Ni ga ni'ya ni sij nej. Sani guxuman ruhua ango da'aj ni sij ni'yaj ni sij sí'. Sani ga'mi xi'i ni tsínj unun' nga sí' xi'í sí'. ³⁵Da'nga' daj ga'ue guini'lí né' daj hua nimana nico ni ngüi, guí'yaj sí'. Ni ducu guiran' nimana man'án re' sayun xi'í sij nej. —Gataj Simeón gunun María.

³⁶Ni nne 'ngo yun'unj xána achij ga'mi si-nuguan' Yan'anj, gu'naj ún'

Ana. Ni huin ún' da'níj tsínj gu'naj Fanuel. Ni huin sí' xi'nin' gu'naj Aser. Ni achij níj' ruhua ún'. Ni hua le xacaj ún' tsínj sno'o. Ni gane nungüej níca ún' ichij yo', ni gahui' sí'. ³⁷Ni gahui ún' yun'unj mmij gan'anj xia gan'anj yo'. Ni nitaj si 'yaj ún' gahui ún' chruhua nuhui. Ni nugüi nígan' gui'yaj sun ún' rian Yan'anj. Ni gui'yaj ún' ayuno. Ni gachínj jni'yaj ún' rian Yan'anj nej. ³⁸Ni hué gué hora daj guisíj ún'. Ni gaxíli ún' naga'ui' ún' si guruhua Yan'anj. Ni ga'mi ún' xi'í lij Jesús rian daran' ni ngüi mán ana'uij sisi nácaj Yan'anj ni ngüi mán xuman' Jerusalén.

El regreso a Nazaret

³⁹Ngaa guisíj dagahui nungüej níca José daran' si ga'nin' si-ley Señor rian ni ngüi israelita, ngaa ni nán' nungüej sij xánj sij xuman' Nazaret, huin xuman' ngaj estado Galilea. ⁴⁰Ni gachij lij Jesús. Ni gahui nucuaj sij. Ni gahui chru' sa' sij si sica' chra sij. Ni gui'yaj Yan'anj sinduj rian sij.

El niño Jesús en el templo

⁴¹Ni daran' yo' huan'anj nungüej níca José gui'yanj pascua xuman' Jerusalén. ⁴²Ni ngaa guisíj Jesús xuhuij yo', ngaa ni gan'anj anin' sij gui'yanj daj si da'nga' daj hua si-costumbre ni sij. ⁴³Ngaa guisíj gachin gui'yanj, ni huaj nán' José nga María nasíj nungüej sij ducuá sij. Ni gunáj tsin' Jesús xuman' Jerusalén. Sani nun xacaj nungüej sij cuenta. ⁴⁴Ni rian gani ruhua nungüej sij sisí huaj Jesús scanij ni dugüi' sij, ni gachéj nungüej sij

nugüi. Hué dan ní nano' nungüej sij scanij ni dugüi'ij. ⁴⁵Ní ngaa na'ue nari' nungüej sij Jesús, ní nanicaj ruhua' yún sij Jerusalén nano' nungüej sij. ⁴⁶Ní gachin huq'nij güi da nari' nungüej sij Jesús chruhua nuhui, nne sí' dani ni tsínj digyán ley unun sí' si a'mi ni sij. ⁴⁷Ní gahuin yan'anj ruhua daran' ni sij ngaa gunun ni sij nuguan' sa' ga'mi Jesús. Daj si chrún sa' sí', ruhua ni sij. ⁴⁸Ní ngaa guini'i chre ngä nni, ní gan'anj ruhua nungüej sij. Ní gataj nni Jesús gunun sí':

—Da'ní!, ní yun sin huin, ní 'yáj so' nánj únj. Chré so' ngä man'änj nano' únj so!. Ní huéj ta' ata' niman nungüej únj chré so' nano' únj so' aj. —Daj gataj nni Jesús.

⁴⁹Sani gataj Jesús:

—Ní yun sin huin ní nano' nungüej é re' yünj únj. Nun ní'i nungüej é re' sisi hua niqñ guí'yaj sünj si-sun chré a!. —Daj gataj Jesús.

⁵⁰Sani nun gara da'nga' ruhua

nungüej nica sij si gataj Jesús.

⁵¹Ngaa ní nanicaj Jesús nan' sí' ngä nungüej sij xuman' Nazaret. Ni dagahuin sí' daran' si ataj nungüej sij. Ní ga'níj nni Jesús ni nuguan' sa' daj cíj nimanunj. ⁵²Ní gachij Jesús gahuin sij tsínj. Ní gahuin chrún sa' sij. Ní garan' ruhua Yan'anj ni'yaj sij. Ní garan' ruhua ni ngüi ni'yaj ni sij Jesús nej.

Predicación de Juan el Bautista

3 Ní ngaa guisíj xinun' yo' ga'nin' rey gu'naj Tiberio César sun, ní huin tsínj gu'naj Poncio Pilato gobernado estado Judea. Ní tsínj gu'naj Herodes ga'nin' sun estado Galilea. Ní jnánj

sij Felipe ga'nin' sun estado Iturea ngä Traconite. Ní ga'nin' tsínj gu'naj Lisania sun estado Abilinia. ²Ní nungüej chrej a'nin' huin Anás ngä Caifás. Ní hué ni güi daj, ní riqui Yan'anj si-nuguan'anj rian tsínj gu'naj Juan ngaa gachéj sí' riqui quij qui'yanj naco huin sí' da'níj Zacarías.

³Ní gachéj Juan daran' yu'uñ ngaj níchrun' du'ua xinéj nnee gu'naj Jordán. Ní gataj sij gunun ni ngüi sisi ganani ruhua ni sij xi'í si-gaquin' ni sij. Ní nānico' ni sij Yan'anj. Ní gata' nnee ni sij. Ngaa ni ga'ue guinicaj Yan'anj niman nico xi'í si-gaquin' ni sij nej. Daj gataj Juan.

⁴Ní da'nga' daj gahuin daj rún' ataj nuguan' garun tsínj gu'naj Isaías 'ngo tsínj ga'mi si-nuguan' Yan'anj xanga' asij ná. Ní hué nan huin si garun sí':

Unun né' si-nane 'ngo tsínj a'mi nucuaj 'ngo yu'uñ qui'yanj naco aj.

Ní ataj sí' sisi nagui'yaj xugüi né' si-chrej Señor.

Ní nagui'yaj nica né' niman né' xi'í si ga'na' Señor rian né'.

⁵Ní nagui'yaj nica né' rian atúj ga'man.

Ní ga'ne né' dacan sisi nahuin nica chrej daj.

Ní nagui'yaj nica né' chrej cuyu daj nej.

Ní nagui'yaj ta né' rian chrej quij hua ta nej aj.

⁶Ní guini'i daran' ni ngüi man chruhua xungüi daj nacaj Yan'anj né'.

Daj garun Isaías xi'í Juan asij ná.

⁷Ní guisíj nico ni ngüi rian Juan xi'í si huin ruhua ni sij gata' nnee ni

sij, *gui'yaj Juan*. *Ni gataj sí' gunun ni sij:*

—Da'níj xucuáj huin a ni é re' aj. *Ni un tsínj gataj chrun rian a ni é re' sisi gunánj a ni é re', ni ganani a ni é re' rian castigo nico, gui'yaj Yan'anj únj.* ⁸*Sisi hua yya gahuin sa' niman án re', ngaa ni gan'anj gui'yaj á re' daj rún' 'yaj ni ngüi gahuin sa' niman anj. Ni si gani ruhua á re' sisi xi'lí si da'níj Abraham huin a ni é re', ngaa ni nitaj gaquin' da'ui a ni é re' mánj. Daj si atā gunun a ni é re' sisi yej ngaj nan, ni ga'ue *gui'yaj Yan'anj da'níj Abraham*.* ⁹*Ni a hua chrun gaga' hacha ga'nij sij ya'a siú ni chrun. Ni daj rún' 'yaj 'ngo tsínj nga gaga' hacha, ni da'nga' daj *gui'yaj Yan'anj* nga daran' chrun nitaj si ayu chruj sa' chra. Ni ga'nij Yan'anj ni chrun daj gaca-á' rian yan'an.* —Gataj Juan gunun ni ngüi.

¹⁰*Ngaa ni nachínj snan'anj ni ngüi Juan. Ni gataj ni sij:*

—Daj *gui'yaj únj, ruhuá re' únj.* —Daj gataj ni sij.

¹¹*Ni gataj Juan:*

—Tsínj nun huij atsij, ni ga'ui' sij gunun tsínj nitaj si-gan!. Ni tsínj nicaj si xa sij, ni ga'ui' sij xa tsínj nitaj si nicaj xa aj. —Daj gataj Juan.

¹²*Ni gahuin nichrun' go'ngo ni tsínj a'nej san'anj pesto si gata' nnee ni sij. Ni nachínj snan'anj ni sij Juan. Ni gataj ni sij:*

—Maestro, daj *gui'yaj ni únj, ruhua á re' únj.* —Gataj ni sij.

¹³*Ni gataj Juan:*

—Si ga'nej xacan ni é re' san'anj mánj. Daj rún' a'nin' ley sun da'nga' daj ga'nej a ni é re' san'anj rian ni ngüi aj. —Gataj Juan gunun ni sij.

¹⁴*Ni hué daj nachínj snan'anj ni snado Juan nej. Ni gataj ni sij:*

—Daj *gui'yaj ni únj, ruhuá re' únj.* —Gataj ni sij.

Ni gataj Juan:

—Si *gui'yaj fuerza á re' sisi ga'ui' ni ngüi san'anj rian án re' mánj. Ni si ga'ui' yun ni é re' gaquin' ni ngüi güenda si *guiri* ni é re' sí'yaj ni sij mánj. Ni gahuin niqal ruhua á re' nga du'ue ni é re' nej.* —Daj gataj Juan gunun ni snado.

¹⁵*Ni gani ruhua ni ngüi sisi si ruhuaj, ni Juan huin Cristo. Xi'lí daj ni anal'uij ni sij sisi gataj Juan un tsínj huin man'an sí!* ¹⁶*Xi'lí daj, ni gataj Juan gunun daran' ni ngüi daj:*

—Hua yya duguata' nnee man'anj nga nnee ni é re'. Sani ga'na' ango tsínj duguata' nnee Espíritu Santo niman án re', ni nga yan'an nej.

Hué tsínj daj nicaj sun nico daj nga si nicaj sun man'anj. Ni na'aj yänj nachij nnij correá 'nij dacánj sij xi'lí si huin achij nin' sij. ¹⁷*Ni hua da'a sij pala si nagui'yaj sa' sij riqui strigo. Ni gahui coj riqui-í.* ¹⁸*Ni nara sa' sij strigo chruhua guru. Sani gari yan'an sij coj gaca-á' niganj nin!* Ni strigo daj huin ni ngüi sa' rian Yan'anj. Ni coj daj huin ni ngüi nun aráj xina si-nuguan! Yan'anj nej aj. —Daj gataj Juan gunun ni sij.

¹⁸*Ni hué ducuánj nan huin si ga'mi sa' Juan ango ni nuguan' sa' na' rian Yan'anj gunun ni ngüi.*

¹⁹*Ni chran' Juan tsínj gu'naj Herodes huin sí' gobernado xi'lí si xacaj sí' nicaj jnánj sí' Felipe huin ún' Herodías. Ni chran' Juan Herodes xi'lí ango rasun quij *gui'yaj sí' nej.* ²⁰*Hué dan ni nata' man'an**

Herodes angó gaquin' rian ni gaquin' gui'yaj sij daj. Daj si garij sij Juan ducuaga' nej aj.

El bautismo de Jesús

²¹Ni ngaa achin gari Herodes Juan ducuaga', ni gata' nnee ni ngüi, gui'yaj Juan. Así ni duguata' nnee Juan man'an Jesús nej. Diaj hua gue achíni jni'yaj Jesús rian Yan'anj, ni naxi'níj xata!. ²²Ni 'na' guinij Espíritu Santo rian Jesús. Ni rún' hua 'ngo xu'man hua Espíritu Santo ga'na' rian sij. Ni gunun ni sij ga'mi Yan'anj xata!. Ni gataj-á':

—Hué re' huin da'ní 'i ruhuāj. Ni hua niá' ruhuāj ni'yā so!. —Daj gataj Yan'anj gunun Jesús.

Genealogía de Jesús

²³Ni 'ngo si yo' ico chi' huaj Jesús ngaa gaxí'i sij gui'yaj sun sij si-nuguan! Yan'anj. Ni Jesús huin da'níj José, ruhua ni ngüi. Ni José huin da'níj Elí. ²⁴Ni Elí huin da'níj Mataj. Ni Mataj huin da'níj Leví. Ni Leví huin da'níj Melqui. Ni Melqui huin da'níj Jona. Ni Jona huin da'níj José. ²⁵Ni José huin da'níj Matías. Ni Matías huin da'níj Amós. Ni Amós huin da'níj Nahúm. Ni Nahúm huin da'níj Esli. Ni Esli huin da'níj Nagai. ²⁶Ni Nagai huin da'níj Maat. Ni Maat huin da'níj Matías. Ni Matías huin da'níj Semei. Ni Semei huin da'níj Josec. Ni Josec huin da'níj Judá. ²⁷Ni Judá huin da'níj Jonán. Ni Jonán huin da'níj Resa. Ni Resa huin da'níj Zorobabel. Ni Zorobabel huin da'níj Salatiel. Ni Salatiel huin da'níj Neri.

²⁸Ni Neri huin da'níj Mequi. Ni Mequi huin da'níj Adi. Ni Adi

huin da'níj Cosam. Ni Cosam huin da'níj Elmadam. Ni Elmadam huin da'níj Er. ²⁹Ni Er huin da'níj Jesús. Ni Jesús huin da'níj Eliezer. Ni Eliezer huin da'níj Jorim. Ni Jorim huin da'níj Matat. ³⁰Ni Matat huin da'níj Leví. Ni Leví huin da'níj Simeón. Ni Simeón huin da'níj Judá. Ni Judá huin da'níj José. Ni José huin da'níj Jonam. Ni Jonam huin da'níj Eliaquim. Ni Eliaquim huin da'níj Melea. ³¹Ni Melea huin da'níj Mena. Ni Mena huin da'níj Matata. Ni Matata huin da'níj Natán. ³²Ni Natán huin da'níj David. Ni David huin da'níj Isaí. Ni Isaí huin da'níj Obed. Ni Obed huin da'níj Booz. Ni Booz huin da'níj Sala. Ni Sala huin da'níj Naasón.

³³Ni Naasón huin da'níj Aminadad. Ni Aminadad huin da'níj Amin. Ni Amin huin da'níj Arni. Ni Arni huin da'níj Esrom. Ni Esrom huin da'níj Fares. Ni Fares huin da'níj Judá. ³⁴Ni Judá huin da'níj Jacob. Ni Jacob huin da'níj Isaac. Ni Isaac huin da'níj Abraham. Ni Abraham huin da'níj Taré. Ni Taré huin da'níj Nacor. ³⁵Ni Nacor huin da'níj Serug. Ni Serug huin da'níj Ragau. Ni Ragau huin da'níj Peleg. Ni Peleg huin da'níj Heber. Ni Heber huin da'níj Sala. ³⁶Ni Sala huin da'níj Cainán. Ni Cainán huin da'níj Arfaxad. Ni Arfaxad huin da'níj Sem. Ni Sem huin da'níj Noé. Ni Noé huin da'níj Lamec. ³⁷Ni Lamec huin da'níj Matasalén. Ni Matasalén huin da'níj Enoc. Ni Enoc huin da'níj Jared. Ni Jared huin da'níj Mahalaleel. Ni Mahalaleel huin da'níj Cainán. Ni Cainán huin da'níj Enós. ³⁸Ni Enós

huin da'níj Set. Ni Set huin da'níj Adán. Ni Adán huin da'níj Yan'anj xanga' aj.

Tentación de Jesús

4 Ni nara sa' Espíritu Santo niman Jesús. Ngaa ni gahui sij du'ua xinéj gu'naj Jordán. Ni gan'anj sij quij qui'yanj naco, gu'yaj Espíritu Santo. ²Ni huij xia yya güi gui'yaj fuerza sichre sisí gui'yaj Jesús gaquin!. Ni a 'ngo xico' nun xä sij ni güi daj. Ni ngaa guisíj gunucuaj sij huij xia güi daj, ni achin xi'l'nä riqui sij aj. ³Ngaa ni gataj sichre gunun Jesús:

—Sisi xanga' re' huín re' da'níj Yan'anj, ni nagui'yaj re' si ganahuin yej nan chrachrúnj xä re' stoj. —Daj gataj sichre gunun Jesús.

⁴Saní gataj Jesús:

—Ataj si-nuguan! Yan'anj sisí sé urin chrachrúnj gui'yaj si ga ni'l'na' ni ngüi mánj. Saní ga ni'l'na' xanga' ni ngüi gui'yaj daran' ni nuguan' 'nä' rian Yan'anj. —Daj gataj Jesús gunun sichre.

⁵Hué dan ni nicaj sichre Jesús gan'anj-án' chra 'ngo quij xacan. Ni riqui urin hora digyán sichre daran' xuman' ngaj chruhua xungüi rian Jesús. ⁶Ni gataj sichre gunun Jesús:

—Riquiñ daran' ni sun nan guinicaj man'án re'. Ni gahuin 'ueé nin' re', gu'i'yä xi'lí si gahuin achíj re' rian daran' ni xuman' nan. Daj si hua nahuin ra'äj daran' nan, gui'yaj Yan'anj. Ni un tsínj rian garan' ruhuaj, ni ga'uñj daran' nan anj.

⁷Ngaa ni sisí guiniquin' ráj dacoj re' riänj, ni guinicó' re' yünj, ngaa ni daran' nan gahuin si'yáj re', gu'i'yä. —Daj gataj sichre gunun Jesús.

⁸Ni gataj Jesús:

—Guxun man'án re' riänj Satanás.

Daj si gataj si-nuguan! Yan'anj:

Ganiquin' ráj dacoj né' rian

Señor huin Dan'anj né'.

Ni dagahuin né' rian urin

Yan'anj.

Da'nga! daj gataj si-nuguan! Yan'anj.

—Daj gataj Jesús gunun sichre.

⁹Hué dan ni nicaj sichre Jesús gan'anj-án' xuman' Jerusalén. Ni gahui Jesús chra nuhui nico, gu'yaj sichre. Ni gataj sichre:

—Sisi yya huín re' da'níj Yan'anj, ngaa ni güej re' nica' nánj. ¹⁰Daj si gataj si-nuguan! Yan'anj:

Ga'nin' Yan'anj sun rian ni

ángel sisi ga'na' dugumi ni sí' man'án re'.

¹¹Ngaa ni guinij re' rian ra'a ni ángel sisi si garij re' dacój re', gu'i'yaj yej.

Da'nga! daj gataj si-nuguan! Yan'anj.

—Gataj sichre gunun Jesús.

¹²Ngaa ni gataj Jesús:

—Gataj si-nuguan! Yan'anj: "Si xacaj so' cuenta sisí xanga' si-nuguan! Señor huin Dan'anj so' mánj." Daj gataj si-nuguan! Yan'anj. —Gataj Jesús gunun sichre.

¹³Ni ngaa guisíj ganahuuj gatsij sichre niman Jesús, ni guxun-ún' man'an-án' rian Jesús 'ngo ni güi.

Jesús principia su ministerio

¹⁴Hué dan ni nanicaj Jesús gan'anj sij estado Galilea. Ni gahuin nucuaj niman sij xi'lí si-sun Yan'anj, gu'yaj Espíritu Santo. Ni guisíj nuguan' xi'lí Jesús rian daran' ni xuman' ngaj yu'uj daj. ¹⁵Ni da' go'ngo yu'uj huaj sij, ni digyán sij rian ni ngüi chruhua si-nuhui ni

tsínj israelita. Ni ga'mi sa' 'ueé ni ngüi xi'í Jesús.

Jesús en Nazaret

¹⁶Ngaa ni nən' Jesús xuman' Nazaret rian gachij sij. Ngaa ni güi naránj ruhua ni ngüi, Ni gatúj sij chruhua nuhui daj rún' gu'yun sij gui'yaj sij. Ni ganiquin' sij gaya sij si-nuguan' Yan'anj. ¹⁷Ni ga'ui' 'ngo tsínj daj yanj garun tsínj gu'naj Isaías gaya Jesús. Ni Isaías huin 'ngo tsínj ga'mi si-nuguan' Yan'anj asij ná. Ni na'níj sij rian yanj. Ni nari' sij 'ngo yu'uj rian a'mi nica yya si-nuguan' Yan'anj:

¹⁸ Nne Espíritu Santo ngāj.

Ni xi'í daj ga'nin' Yan'anj sun riánj sisi gan'anj ga'mi nuguan' sa' rian ni ngüi yaco ran!.

Ni ga'níj Yan'anj gan'anj ga'mi nga ni tsínj nani ruhua sisi gahuin nia' ruhua ni sij, gu'yā.

Ni ga'níj Yan'anj gan'anj ga'mi nga ni tsínj nun ducuaga!. Ngaa ni gahui ni sí!.

Ni gan'anj gu'yā si naxi'ni rian ni ngüi duri.

Ni ga'níj Yan'anj gan'anj gu'yā si ga'níj rian ni ngüi ran' sayun 'yaj si quij hua.

¹⁹ Ni ga'níj Yan'anj gan'anj ga'mi nuguan' sa' rian ni ngüi sisi yo' yyaj, Ni huin nia' ruhua Yan'anj ga'na' nacaj-á' ni ngüi man chruhua xungüi.

Da'nga' daj gataj yanj daj gaya Jesús.

²⁰ Ngaa ni naránj Jesús rian yanj daj. Ni ga'ui' sij rian tsínj dugumi yanj chruhua nuhui. Ni gan'anj

gane sij. Ni ni'yaj sa' daran' ni tsínj nne chruhua nuhui rian Jesús. ²¹ Ni gaxi'li sij ga'mi sij. Ni gataj sij:

—Hué güi nan huin si guisij gahuin yya nuguan' garun Isaías si gayā rian ni é re' aj. —Daj gataj Jesús.

²² Ngaa ni ga'mi sa' daran' ni sij xi'í Jesús. Ni gahuin yan'anj ruhua ni sij nga nuguan' 'ueé ga'mi sí!. Ni nachínj snan'anj ni sij dugüi' ni sij. Ni gataj ni sij:

—Sé da'níj José huin sí' a!. —Daj gataj ni sij.

²³ Xi'í daj ni gataj Jesús:

—Xāngā' yya gataj ni é re' nuguan' nan gunünj: "Gu'yaj gono'ó re' man'án re' huín re' tsínj 'yaj gono'ó." Ni gataj ni é re' sisi daj rún' gu'yā si sa' nico xuman' Capernaum, ni da'nga' daj gu'yā xánj né' nan nej aj. —Daj gataj Jesús.

²⁴ Ngaa ni gataj ruhua' yún Jesús:

—Ataj yyāj gunun a ni é re' sisi nitaj si a'mi sa' ni tsínj rian 'ngo tsínj a'mi si-nuguan' Yan'anj sisi huin ni sij ni tsínj xānj.

²⁵ Ni huin yya atā gunun a ni é re' sisi guimán nico ni ngüi mmij rian nne ni tsínj israelita ni yo' gane tsínj gu'naj Elías yu'uj daj asij ná. Ni nun gaman' hu'a'nij yo' táj nej. Ni ducu ga xi'nā nin' gachra' yu'uj daj. ²⁶ Sani nun ga'níj Yan'anj gan'anj Elías chracuuij sí' ni ngüi mmij guimán Israel. Sani gan'anj sí' ne' xe' rian 'ngo ngüi mmij gane xuman' Sarepta rian gu'naj Sidón.

²⁷ Ni guimán nico ni ngüi ga'nán' xi'i nnij scanij ni tsínj israelita ngaa gane Eliseo huin sí' 'ngo tsínj ga'mi si-nuguan' Yan'anj yu'uj daj asij ná.

Saní nun ganahuin ní a'ngo ni sij mánj. Saní ganahuin tsínj gu'naj Naamán huin sij 'ngo tsínj 'ná! ango yu'uj gu'naj Siria, gui'yaj Eliseo. — Daj gataj Jesús gunun ni tsínj mánchruhua nuhui daj.

²⁸Ní ngaa gunun ni sij nuguan' ga'mi Jesús, ní ducu ga'man ruhua ni sij ní'yaj ni sij Jesús. ²⁹Ní naxuman ni sij guiri ni sij chruhua xuman' Jesús. Ní gan'anj ni sij chra' ngo quij xacan rian gui'yaj ni sij xánj ni sij. Ní huin ruhua ni sij dugüéj ni sij Jesús ne' nica! ³⁰Sani gachin Jesús dani ni sij gan'anj sí' nánj.

Un hombre que tenía un espíritu inmundo

³¹Hué dan ní gan'anj Jesús xuman' Capernaum huin xuman' ngaj estado Galilea. Ní yu'uj daj gaxíl'i Jesús digyán sij rian ni ngüi ni güi naránj ruhua ni sí!. ³²Sani gahuin yan'anj ruhua ni ngüi daj digyán sij rian ni sí!. Daj si sij nuguan' sij nicaj sun.

³³Ní nne 'ngo tsínj nún nané xí'lí chruhua niman chruhua nuhui. Ni gaguáj nucuaj sí!. Ni gataj sí!:

³⁴—Dunáj re' ni únj. Ní un sin huin ní diguíj re' ngá ni únj huín re' Jesús Nazareno únj. Ni 'ná! re' duguanj ni'yáj re' ni únj ní!. Ni hua ni'inj re' si huín re' tsínj sa' nín' chruhua niman 'ná! rian Yan'anj xanga' nej aj. —Gataj nane xí'lí daj gunun Jesús.

³⁵Ngaa ní ga'mi huee Jesús rian nane xí'lí daj. Ni gataj sij:

—Dínj gane du'uá so!. Ni gahui so' chruhua niman sí!. —Daj gataj Jesús.

Ngaa ní naxiru' tsínj daj dani ni ngüi, gui'yaj nané xí'lí daj. Ní gahui'-i chruhua niman tsínj daj. Ní nitaj 'ngo si gahuin gui'yaj nané xí'lí tsínj daj gá mánj. ³⁶Ní gan'anj ruhua daran' ni sij. Ní gataj ni sij gunun ni dugüi' ni sij:

—Ní un nuguan' huin nuguan' nan únj. Nicaj nucuaj tsínj nan sun. Ni a'nin' sí' sun rian ni nané xí'lí. Ni ahui'-i chruhua niman ni ngüi, 'yaj sí!. —Daj gataj ni sij nej aj.

³⁷Ní nuna ni ngüi nín' gachra' rian ni xuman' xí'lí Jesús si gui'yaj sa' sí!

Jesús sana a la suegra de Pedro

³⁸Ngaa ní gahui Jesús chruhua nuhui daj. Ní gatúj sij chruhua ducuá Simón. Ní a'nan' nni chej Simón. Ní ducu nún gachi' ún!. Ní ga'mi yaco ni sij xí'lí yun'unj a'nan' daj rian Jesús. ³⁹Ngaa ní ga' nitu Jesús rian yun'unj xána daj. Ní ga'nin' sij sun sisi guxun anéj xí'lí daj rian ún!. Ni hué 'ngo hora daj, ni xí'nej gachi' daj nachica ún!. Ni gaxíl'i man'an ún' gui'yaj xugüi ún' si xa ni tsínj daj.

Muchos sanados al ponerse el sol

⁴⁰Ní ngaa gatúj güi, ní nicaj ni sij daran' ni ngüi a'nan' ga'i rian xí'lí ga'na' ni sij rian Jesús. Ní guta' sí' ra'a sí' rian daran' ni ngüi daj. Ni nahuin daran' ni sij, gui'yaj sí! ⁴¹Ní gahui nané xí'lí chruhua niman nico ni ngüi a'nan' daj. Ní gaguáj ni nane xí'lí gahui daj. Ní gataj ni sij:

—Hué re' huin da'níj Yan'anj xanga!. —Daj gataj ni nane xí'lí daj.

Saní ga'mi huee Jesús rian ni nane xí'lí. Ni nun ga'uej ruhua sij ga'mi

ni nane xi'i daj. Daj si ni'i-ín' si hué Jesús huin Cristo, tsín' 'na' nacaj ni ngüi.

Jesús recorre Galilea predicando

⁴²Ni ngaa guixiguín ango güi, ni gahui Jesús xuman' daj gan'anj sij yu'u j rian nitaj ni ngüi mán. Sani nano' ni ngüi sij. Ni guisíj ni sí' rian nne sij. Ni nun ga'uej ni sí' sisi gan'anj Jesús rian ni sí'.

⁴³Sani gataj Jesús gunun ni sí':

—Hua niqan gan'án ango ni xuman' ga'mi nuguan' sa' xi'i si nicaj sun Yan'anj rian ni ngüi si da'nga' daj ga'níj Yan'anj yünj ga'náj. —Gataj Jesús gunun ni ngüi.

⁴⁴Ngaa ni huaj Jesús ga'mi sa' sij si-nuguan' Yan'anj chruhua si-nuhui ni tsínj israelita nne estado Galilea.

La pesca milagrosa

5 Ni 'ngo güi niquin' Jesús du'ua laguna xachij gu'naj Genesaret. Ni gada'ui ni ngüi rian sij si huin ruhua ni sí' gunun ni sí' si-nuguan' Yan'anj. ²Ni guini'i Jesús niquin' huij rio chéj rian nnee du'ua laguna daj. Ni hua gahui ni tsínj da'a xucuaj ruhua nungüej-é' na'nin' ni sí' nnánj. ³Ngaa ni gatúj Jesús chruhua 'ngo rio huin si-rio Simón. Ni gachínj sij rian Simón sisi guxun sí' doj rio daj gan'anj-án' doj rian laguna daj. Ngaa ni gan'anj gane Jesús. Ni hué asij yu'u daj gaxi'i sij digyán sij nuguan' sa' rian ni ngüi mán du'ua laguna daj. ⁴Ni ngaa guisíj ga'mi Jesús rian ni ngüi, ni gataj sij gunun Simón:

—Nicaj re' rio gan'anj re' rian gunun däni nnee. Ni dinij re' nnánj

chruhua nnee guida'á re' xucuaj. —Daj gataj Jesús.

⁵Sani gataj Simón:

—Maestro, hua gui'yaj sun ni únj nigan!. Sani ni a 'ngo xucuaj nun ga'ue guida'a únj mánj. Sani xi'i si gataj man'án re' sisi dinij ruhua' yún únj nnánj, ni da'nga' daj gui'yaj únj nánj. —Daj gataj Simón.

⁶Ni ngaa gui'yaj ni sij daj, ni ducu guida'a ni sij xucuaj da' xi'nin' nnánj, gui'yaj xucuaj. ⁷Ni gui'yaj ra'a ni sij dugüi' ni sij, ni tsínj man chruhua ango rio sisi ga'na' ni sí' chracuji ni sí' ni sij. Ni ga'na' ni sí'. Ni gara daran' ni sij xucuaj chruhua nungüej rio. Sani ducu gara chruhua nungüej-é' da' doj, ni naga' nungüej-é' daqui nnee. ⁸Ni ngaa guini'i Simón Pedro si gahuin, ni ganiquin' ráj däcoj sij ne' rian Jesús. Ni gataj sij:

—Guxun anéj re' man'án re' riánj si huinj 'ngo tsínj da'ui gaquin'. —Gataj Pedro gunun Jesús.

⁹Ni hué daj guxu'ui' daran' ni dugüi' Simón si hua yya guida'a ni sij nico xucuaj. ¹⁰Ni gan'anj ruhua nungüej tsínj gu'naj Jacobo nga Juan huin nungüej sí' da'níj Zebedeo. Ni huin nungüej sí' tsínj nicaj dugüi' nga Simón nej. Sani gataj Jesús rian Simón:

—Si guxu'ui' re' mánj. Daj si asij acuan' ni daj rún' gui'yáj re' guida'a re' xucuaj, ni da'nga' daj gui'yáj re' nga ni ngüi sisi guinico' sa' ni sij man'ánj. —Daj gataj Jesús.

¹¹Ni nicaj ni sij nungüej rio ga'na' ni sij rian yo'ój. Ni 'ngo dunáj ni sij daran'anj. Ni gaxi'i ni sij guinico' ni sij Jesú.

Jesús sana a un leproso

¹²Ni 'ngo güi nne Jesús 'ngo xuman!. Ni guisij 'ngo tsínj a'nán' xi'i nnij rian sij. Ni ngaa guini'i sí' Jesús, ni ganiquin' ráj dacoj sí' rian Jesús. Ni ga' rian sí' da' rian yo'ój. Ni ga'mi yaco sí' rian Jesús. Ni gataj sí':

—Señor, sisi huin ruhuá re!, ni ga'ue gui'yaj gono'ó re' yünj, ni xi'ne xi'i a'nánj. —Gataj tsínj a'nán' daj.

¹³Ngaa ni guta' Jesús ra'a sij chra tsínj daj. Ni gataj sij:

—Huin ruhuáj sisi ga sa' nnee cúj re' aj. —Daj gataj Jesús.

Ngaa ni 'ngo hora xi'nej xi'i a'nán' tsínj daj.

¹⁴Ngaa ni ga'nin' Jesús sun rian sí', ni gataj sij:

—Si ganata' re' rian ni a 'ngo ni ngüi mánj. Maan si gan'anj re' digyán re' man'án re' rian chrej. Ni nicaj re' 'ngo xucu ga'ui' re' rian Yan'anj daj rún' ga'nin' Moisés sun güenda gahuin-ín' 'ngo da'nga' sisi hua ganahuín re'. Ngaa ni xacaj ni chrej cuenta sisi hua ganahuín re', gui'yaj man'anj. —Daj gataj Jesús.

¹⁵Sani guixi'ni nuguan' xi'í si sa' gui'yaj Jesús. Ni nahuin yu' nico ni ngüi huin ruhua gunun si-nuguan' sij. Ni ruhua ni sij si ganahuin xi'i a'nán' ni sij, gui'yaj Jesucristo nej.

¹⁶Sani guxun anéj Jesús man'an sij rian ni ngüi. Ni gan'anj sij 'ngo yu'uj nitaj ni ngüi mán gachínj jni'yaj sij rian Yan'anj.

Jesús sana a un paralítico

¹⁷Ni 'ngo güi nne Jesús digyán sij rian ni ngüi. Ni nne ni tsínj

fariseo nga ni tsínj digyán ley nga sij nej. Ni 'na' ni sí' ni xuman' ngaj estado Galilea nga estado Judea nej, xuman' Jerusalén nej. Ni ganahuin ni ngüi a'nán', gui'yaj Jesús nga si-fuerza man'an Señor huin Yan'anj.

¹⁸Hué dan ni guisij go'ngo ni tsínj ata ni sij 'ngo tsínj nare' dacoj rian 'ngo chrun xéj. Ni nano' ni sij daj gatu ni sij chruhua hue' guruj ni sij tsínj a'nán' daj rian Jesús. ¹⁹Sani rian mán nin' ruhua ni ngüi, ni nun ga'ue guiri' ni sij rian gachin ni sij nga tsínj daj. Ngaa ni gahui ni sij chra hue!. Ni ga'nej ni sij teja. Ni dunij ni sij nañaj rian chrun xéj tsínj a'nán' daj. Ni gurúj ni sij tsínj daj dani ni ngüi rian Jesús.

²⁰Ni ngaa guini'i Jesús sisi xuman ruhua ni sij ni'yaj ni sij sí', ni gataj sí' gunun tsínj a'nán' daj:

—Jnān, nicā 'ngo niman nico rian si-gaquin' so' nánj. —Gataj Jesús.

²¹Ngaa ni gaxi'i gani ruhua ni tsínj fariseo nga ni tsínj digyán ley nuguan' nan nga ni dugüi' ni sij:

—Ni un sin huin tsínj nan, ni a'mi quij sij rian Yan'anj únj. Urin Yan'anj ga'ue guinicaj niman nico rian si-gaquin' ni ngüi aj. —Da'nga' daj gani ruhua ni tsínj daj.

²²Sani xacaj Jesús cuenta daj gani ruhua ni sij. Ni gataj sij:

—Ni un sin huin ni ani ruhua á re' nuguan' da únj. ²³Hua huj nuguan' ga'ue gatā gunun tsínj nan. Asi ga'ue gatā gunun sij: “Nicā 'ngo niman nico rian xi'í si-gaquin' re'.” Asi ga'ue gatā gunun sij: “Nachica re' gache re'.” Nan huin huj nuguan' ga'ue gatā gunun sij. ²⁴Ni huin ruhuáj sisi xacaj á re' cuenta sisi nicaj sūnj rian xungüi nan huinj

da'níj ni ngüi. Ni ga'ue guinicā 'ngo niman nico xi'í si-gaquin' ni ngüi aj. —Daj gataj Jesús gunun ni sij.

Ngaa ni gataj Jesús gunun tsínj nare' dacój daj:

—Atā gunun man'án re' sisi nachica re', ni nacaj re' chrun xéj. Ni güij nañ' ducuá re' nánj. —Daj gataj Jesús gunun tsínj daj.

²⁵Ni 'ngo hora da ni nachica tsínj daj rian daran' ni ngüi. Ni nacaj sij chrun xéj taj sij daj. Ni nañ' sij ducuá sij. Ni ga'mi sa' 'ueé sij rian Yan'anj.

²⁶Ni gan'anj ruhua ni ngüi mán yu'uj daj ga'mi sa' ni sij rian Yan'anj. Ni guxu'ui' ni ngüi daj. Ni gataj ni sij:

—Yyaj ni guini'i né! 'ngo si sa', gui'yaj Yan'anj. —Daj gataj ni ngüi daj gunun dugüi' ni sij.

Llamamiento de Leví

²⁷Hué dan ni gahui Jesús ne' chrej xe'. Ni guini'i sij 'ngo tsínj a'nej pesto. Ni gu'naj sí' Leví. Ni nne sí' rian mesa a'nej sí' pesto. Ngaa ni gataj Jesús gunun sí':

—Guinico' re' man'ánj gan'anj né!. —Daj gataj Jesús.

²⁸Hué dan ni naxuman sí', ni dunáj sí' daran' si nicaj sí'. Ni guinico' sí' Jesús gan'anj sí'.

²⁹Ngaa ni gui'yaj Leví gui'yanj nico ducuá sí' xi'í Jesús. Ni man nico ango ni tsínj a'nej pesto nga ango ni ngüi nej. Ni nne daran' ni sij rian mesa xa ni sij ngä Jesús.

³⁰Sani gaxi'i ga'mi quij ni tsínj fariseo ngä ni tsínj digyán ley. Ni gataj ni sij rian ni tsínj nico' Jesús:

—Ni un sin huin ni xa ni é re' go'o ni é re' ngä ni tsínj 'yaj gaquin' nej únj. —Daj gataj ni sij.

³¹Ngaa ni gataj Jesús:

—Nitaj si ní'yanj ni ngüi hua sa' 'ngo tsínj 'yaj gono'o mánj. Sani ni ngüi a'nan' ní'yanj 'ngo tsínj gono'o aj. ³²Sé si 'naj gaquin ni ngüi hua sa' mánj. Sani ga'naj gaquin ni ngüi 'yaj gaquin' sisi ganani ruhua ni sij xi'í si-gaquin' ni sij. —Gataj Jesús gunun ni sij.

La pregunta sobre el ayuno

³³Ngaa ni gataj ni sij gunun Jesús:

—Ni un sin huin ni nico' huaj 'yaj ni tsínj nico' Juan ayuno únj. Ni achínj jni'yaj nin' ruhua ni sij rian Yan'anj. Ni hué daj 'yaj ni tsínj fariseo nej. Sani ni tsínj nico' man'án re', ni ya'yoj xa ni sij go'o ni sij aj. —Daj gataj ni sij.

³⁴Ngaa ni gataj Jesús:

—Daj rún' 'yaj 'ngo tsínj xacaj yun'unj xana da'nga' daj 'yā. Ni ngaa gahuin gui'yanj xacaj 'ngo tsínj daj yun'unj xana, ni si ga'ue gui'yaj tsínj gan'anj gui'yanj daj ayuno mánj. ³⁵Sani hua 'ngo güi ngaa guida'a ni tsínj quij tsínj xacaj yun'unj xana daj. Hué dan ni gui'yaj ni tsínj nico' man'ánj ayuno aj. —Daj gataj Jesús gunun ni sij.

³⁶Hué dan ni nani Jesús 'ngo nuguan' digyán sij rian ni sij. Ni gataj sij:

—Ni a 'ngo né' si ga'ue ga'nin' né' du'ua atsij naca, ni nara né' du'ua atsij re'e mánj. Sisi da'nga' daj gui'yaj né', ni guere' atsij naca da, gui'yaj né' nánj. Ni da'nga' daj si ga'ue ga'uee atsij re'e daj, gui'yaj né' ngä atsij naca da mánj. ³⁷Ni si ga'ue ga'nij né' vino naca chruhua nnij re'e. Daj si tsitsi' nnij daj gui'yaj vino naca da nej. Hué dan ni 'ngo guere'

vino nga nnij nej. ³⁸Hué dan ní hua niñan ga'nnij né' vino náca chruhua nnij náca. Ngaa ní 'ngo mán sa' vino ngá nnij. Ní daj rún' huin vino náca daj huin si-nuguan'anj. ³⁹Ní ngaa go'o ni sij vino gachij, ní nitaj si huin ruhua ni sij go'o ni sij vino náca. Daj si: "Vino gachij huin si sa' go'o ni sij", ataj ni sij nej aj. Xí'lí daj na'uej ruhua ni é re' guinico' ni é re' si-ducuānj huin nuguan' náca. —Daj gataj Jesús gunun ni sij.

Los discípulos recogen espigas en el día de reposo

6 Ní 'ngo güi naránj ruhua ni ngüi, ní achéj Jesús ríqui nnaa strigo. Ngaa ní rocoj ni tsínj nico' Jesús ca strigo. Ní dixa ra'a ni sij ca. Ní gahui strigo, ní xa ni sij. ²Ngaa ní nachínj snan'anj ni tsínj fariseo ni sij. Ní gataj ni sí!:

—Ní un sin huin ni 'yaj á re' da únj. Ní na'uej si-ley Yan'anj sisí guí'yaj né' sun daj güi naránj ruhua né' mánj. —Daj gataj ni sij.

³Ngaa ni gataj Jesús:

—Hua gaya á re' si guí'yaj xí' David ní!. Daj si 'ngo güi ngaa gachin xi'ná ríqui ni dugüi' sij, ⁴ní gatúj sij chruhua ducuá Yan'anj. Ni xacaj sij si-chrachrunj Yan'anj. Ni xa sij. Ní ga'u'i si xa ni tsínj man nga sij nunj si urin chrej ga'ue xa chrachrunj daj. —Daj gataj Jesús.

⁵Ní gataj ruhua' yún Jesús:

—Ní nicaj súnj rian ni güi naránj ruhua né' huinj da'níj ni ngüi. —Gataj Jesús gunun ni tsínj fariseo.

El hombre de la mano seca

⁶Ango güi naránj ruhua ni ngüi, ní gatúj Jesús chruhua si-nuhui ni

tsínj israelita. Ní gaxi'i sij digyán sij rian ni tsínj daj. Ní yu'u'j daj ní nne 'ngo tsínj hua naco anéj chrej ra'a sa' sí!. ⁷Ní naga'naj ni tsínj digyán ley ngá ni tsínj fariseo sisí ganahuin tsínj daj, guí'yaj Jesús güi naránj ruhua ni ngüi. Daj si huin ruhua ni sí' ga'mi gaquin' ni sí' xí'lí Jesús. ⁸Sani guini'i Jesús si ani ruhua ni sí!. Ngaa ní gataj Jesús rian tsínj daj:

—Naxuman so', ni guiniquin' so' dani ni únj. —Daj gataj Jesús.

Ngaa ní naxuman tsínj daj. Ní ganiquin' sij.

⁹Ní gataj Jesús gunun ni tsínj naga'naj daj:

—Nachínj snan'an 'ngo nuguan' a ni é re'. A'uej si-ley Yan'anj sisí guí'yaj sa' né' güi naránj ruhua né' ní!. Así sa' guí'yaj quij né', ruhua á re' ní!. Ní a'uej si-ley Yan'anj sisí nacaj né' 'ngo tsínj ruhua gahui' ní!. Así sa' gahui' sij, ruhua á re' sa!. —Daj gataj Jesús.

¹⁰Ní ni'yaj Jesús rian daran' ni tsínj mán ganicaj xi'níj sij. Ní gataj sij gunun tsínj daj:

—Ducua so' ra'a so!. —Gataj Jesús.

Ní ducua sí' ra'a sí!. Ní ganahuin ra'a sí!. ¹¹Sani ducu ga'man ruhua ni tsínj naga'naj daj. Ní gaxi'i ni sij diga'mi dugüi' ni sij sisí daj guí'yaj xí'lí ni sij ngá Jesús.

Elección de los doce apóstoles

¹²Ní 'ngo ni güi daj gan'anj Jesús ríqui 'ngo quij. Ní gachínj jní'yaj sij nigan' nín' rian Yan'anj. ¹³Ní ngaa guixiguín, ní gaquínj sij ni tsínj nico' sij ga'na!. Ní nacui sij xuhuij ni sí!. Ní dugu'naj sij ni tsínj daj apóstol. Ní nuguan' daj huin ruhuaj

gata tsínj a'mi si-nuguan' Jesús rian ni ngüi. ¹⁴Ni 'ngo ni sij huin Simón. Ni dugu'naj Jesús Pedro s'i' nej. Ni ango s'i' huin jnánj Pedro, tsínj gu'naj Andrés. Ni ángo ni s'i' huin Juan nej, Felipe nej, Bartolomé nej, ¹⁵Mateo nej, Tomás nej, Jacobo, da'nij Alfeo nej. Ni ángo s'i' huin Simón huin s'i' tsínj gu'naj Celote nej. ¹⁶Ni ángo s'i' huin Judas, tsínj huin jnánj Jacobo. Ni ángo s'i' huin Judas, tsínj digyán chrej rian ni tsínj ga'na' guída'a Jesús.

Jesús atiende a una multitud

¹⁷Ni nanij Jesús riqui quij nga xuhuij ni apóstol. Ni ganiquin' sij rian hua ta. Ni nahuin yu' nico ni tsínj nico' rucu sij nga nico ni ngüi 'na' estado Judea nga xuman' Jerusalén nej, ni ngüi man du'ua nnee yan'anj huin nungüej xuman' gu'naj Tiro nga Sidón nej. Ni guisij ni ngüi daj rian nne Jesús si gahuin ruhua ni sij gunun ni sij si-nuguan' s'i!. Ni gahuin ruhua ni sij ganahuin ni sij sisí xi'nej xi'í a'nán' ni sij, guí'yaj Jesús. ¹⁸Ni ganahuin ni ngüi yaco ran' yaj ni nane xi'í, guí'yaj Jesús. ¹⁹Ni gahuin ruhua ni ngüi ganun ra'a ni sij man'an Jesús xi'í si nicaj fuerza s'i!. Ni ganahuin daran' ni sij, guí'yaj s'i!.

Bienaventuranzas y ayes

²⁰Ngaa ni nachica Jesús rian sij ni'yaj sij ni tsínj nico' sij. Ni gataj sij:

—Hua 'ueé rian án re' si huin ni é re' ni ngüi yaco ran!. Daj si gane niganj ni é re' rian nicaj sun Yan'anj.

²¹'Hua 'ueé rian ni é re' si huin ni é re' ni ngüi achin xi'ná riqui yyaj.

Daj si guíri' a ni é re' si xá nico ni é re', guí'yaj Yan'anj.

'Ni hua 'ueé guí'yaj Yan'anj rian án re' si huin a ni é re' ni ngüi aco. Daj si ga'nga' ni é re', guí'yaj Yan'anj.

²²'Ni hua 'ueé rian án re' si nun huin xan' ruhua ni ngüi ni'yaj ni sij ni é re', sisí ri níni ni sij ni é re' nej, sisí a'mi quij ni sij rian xi'í ni é re' nej, sisí a'mi quij ni sij xi'í si-xugüi ni é re' xi'í si nico' ni é re' man'anj, huinj da'nij ni ngüi. ²³Ngaa ni güi guiran' a ni é re' daj, ni ducu gahuin niq' ruhua á re'. Ni güej a ni é re' gahuin niq' ruhua á re' xi'í si guí'yaj sa' 'ueé Yan'anj nga á re' ngaa nan' ni é re' xata!. Ni hué daj guí'yaj quij ni xi ni tsínj 'yaj quij daj nga ni tsínj ga'mi si-nuguan' Yan'anj asij ná.

²⁴'Sani ducu niqui niman ni é re' huin ni é re' ni tsínj xuru'ue. Daj si urin xungüi nan guíri' ni é re' si huin niq' ruhua ni é re'.

²⁵'Ni ducu niqui niman ni é re' ni tsínj gara ran riqui yyaj. Sani ne' rucu ni qachin xi'ná riqui ni é re'.

'Ni ducu niqui niman ni é re' ni tsínj a'nga' acuan!. Sani ne' rucu ni náni ruhua á re'. Ni gaco ni é re' nej.

²⁶'Ni ducu niqui niman ni é re' ngaa a'mi sa' ni ngüi xi'í ni é re'. Ni da'nga' daj ga'mi ni xi ni ngüi daj rian ni tsínj gataj sisí a'mi ni s'i' si-nuguan' Yan'anj xanga!. Sani tsínj digya' yun'unj huin ni s'i!. —Daj gataj Jesús.

El amor hacia los enemigos; la regla de oro

²⁷Ni gataj ruhua' yún Jesús:
—Sani atá gunun a ni é re' sisí gahuin 'i ruhua á re' ni'yaj á re' ni

ngüi unun' nga á re'. Ni gui'yaj sa' á re' nga ni tsínj nun huin xan'
ruhua ni'yaj á re' nej. ²⁸Ni ga'mi sa'
a ni é re' rian ni ngüi a'mi nuguan'
quij rian án re'. Ni gachinj jni'yaj á
re' rian Yan'anj sisi gui'yaj Yan'anj
sinduj rian ni ngüi a'mi quij rian án
re' nej. ²⁹Ni sisi hua 'ngo tsínj ga'ui'
anéj chrej rián re', ni ga'nin' ruhuá
re' danicaj re' ga'ui' sí' anéj chrej
rián re' nej. Sisi ga'nej 'ngo tsínj si-
reto re', ni ga'nin' ruhuá re' si ga'nej
sij si-gató re' nánj. ³⁰Gara xiná re'
ga'ui' re' si achínj ni ngüi rián re'. Ni
sisi ga'nej ni ngüi 'ngo si'yaj re', ni si
nachínj re' si'yaj re' mánj. ³¹Ni daj
rún' huin ruhua ni é re' gui'yaj sa'
ni ngüi nga ni é re', ni da'nga' daj
gui'yaj sa' man'an ni é re' nga ni sij.

³²Ni sisi 'i ruhua ni é re' ni'yaj
ni é re' urin ni ngüi 'i ruhua ni'yaj
man'an re', ngaa ni si gani ruhua á
re' sisi naru'ue Yan'anj rian án re'
mánj. Daj si da ni tsínj 'yaj gaquin',
ni 'i ruhua ni sij ni'yaj ni sij ni tsínj
'i ruhua ni'ya ni sij. ³³Ni sisi gui'yaj
sa' re' rian urin ni ngüi 'yaj sa' nga
man'an re', ngaa ni un sin huin ni
naru'ue Yan'anj rian án re', ruhua
á re' únj. Daj si 'yaj sa' ni ngüi 'yaj
gaquin' rian ni dugüi' ni sij. ³⁴Ni sisi
chracuij re' san'anj rian urin ni ngüi
ga'ue naru'ue rián re', ngaa ni sé
'ngo nuguan' huin mánj. Ni un sin
huin ni naru'ue Yan'anj rian án re',
ruhua á re' únj. Daj si da'nga' daj
'yaj ni tsínj 'yaj gaquin', chracuij ni
sij san'anj rian ni dugüi' ni sij. Ni
ana'uij ni sij si nahuin ra'a ni sij.

³⁵Hué dan ni gahuin 'i ruhua á re'
ni'yaj á re' ni ngüi unun' nga á re'.
Ni gui'yaj sa' á re' rian ni ngüi nej.
Ni chracuij a ni é re' rasun ni ngüi.

Ni si gana'uij ni é re' si nariqui
ruhua' yún ni sij rian án re' mánj.
Ngaa ni man'an Yan'anj gui'yaj 'uee
nin' nga á re'. Ni gahuin a ni é re'
da'níj Yan'anj achij nne xata!. Daj
si 'yaj sa' Yan'anj nga ni ngüi nitaj
si acaj cuenta si 'yaj sa' Yan'anj rian
ni sij. Ni hué daj 'yaj sa' Yan'anj nga
ni ngüi xi'i nej. ³⁶Ni gahuin 'i ruhua
ni é re' ni'yaj á re' ni ngüi daj rún' 'i
ruhua chrej ni é re' nne xata! ni'ya
yun' nej aj.

El juzgar a los demás

³⁷Sí ga'ui' a ni é re' gaquin'
dugüi' a ni é re' mánj. Asíj ni si
ga'ui' Yan'anj gaquin' a ni é re'. Ni
si gataj ni é re' sisi da'ui dugüi' ni
é re' gaquin' mánj. Ngaa ni nitaj si
gataj Yan'anj si da'ui man'an án re'
gaquin' nej. Guinicaj ni é re' 'ngo
niman nico rian ni dugüi' ni é re',
ngaa ni Yan'anj guinicaj 'ngo niman
nico rian xi'l man'an ni é re' nej.

³⁸Ga'ui' ni é re' rian ni ngüi, ngaa ni
Yan'anj riqui rian án re' nej. Ni daj
rún' 'yaj 'ngo tsínj sa' ruhua du'uej
'níj, ni ara sa' sij rio, ni da'nga' daj
guiriun sa' Yan'anj rio riqui-í' rian
né' ga'nij né' chruhua xinánj né'. Ni
gui'yaj ran Yan'anj rio. Ni naqunan'-
án' rio daj. Ni gara sa' Yan'anj rio
daj nej. Ni daj rún' 'yaj ni é re' nga
dugüi' ni é re', ni da'nga' daj gui'yaj
Yan'anj nga ni é re' nej. —Daj gataj
Jesús gunun ni sij.

³⁹Ngaa ni nani Jesús 'ngo cuento
digyán sij rian ni tsínj nico' sij. Ni
gataj sij:

—Ni ga'ue digyán tsínj duri daj
chrej rian ango tsínj duri gan'anj
nungüej sij ruhua á re' ní'. Si ga'ue
mánj. Gan'anj nungüej sij, sani

guinij nūngüej sij chruhua 'ngo yu'uj nánj. ⁴⁰Nitaj si huin rian 'ngo tsínj 'na' gahuin chrun daj nga tsínj digyán rian sij. Sani sisi gahuin chrun sa' sij, ngaa ni gahuin sij rún' huin tsínj digyán rian sij. ⁴¹Ni un sin huin ni ni'yáj re' sisi nun daru chrun rundij rian jnánj re' únj. Sani nitaj si ni'yáj re' si nun 'ngo caj rundij rian man'án re'. ⁴²Ni sisi nitaj si acáj re' cuenta si nun 'ngo caj rián re', ni asa' ga'ue gataj re' rian jnánj re': "Guiniquin' acuán' re', ni guirij daru chrun rundij rián re' aj." Ni sisi daj atáj re', ni tsínj digya' yun'unj huín re'. Guiri siní re' caj nun rian man'án re' aj. Ngaa ni ga'ue guini'yaj sa' re' guiri re' daru chrun rian jnánj re' aj. —Daj gataj Jesús gunun ni sij.

Por sus frutos los conoceréis

⁴³Ngaa ni gataj ruhua' yún Jesús: —Ni chrun sa', ni si ga'ue gayu chruj nitaj si hua sa' mánj. Ni chrun nitaj si hua sa', ni si ga'ue gayu chruj hua sa' chraj mánj. ⁴⁴Ngaa ni'yaj né' daj hua si ayu chrä 'ngo chrun daj, ni ni'i né' un chrun huinín!. Si ga'ue ga'ne né' higo riqui ni coj tanj mánj. Ni si ga'ue naran' né' uva riqui coj yatan mánj. ⁴⁵Ni 'ngo tsínj sa', ni a'mi sí' nuguan' sa' xi'í si nara sa' sí' nuguan' hua sa' chruhua niman sí!. Sani tsínj quij hua, ni a'mi sí' nuguan' quij xi'í si nara sí' nuguan' quij chruhua niman sí!. Daran' ni nuguan' nara né' chruhua nimún!, ni hué ni nuguan' daj ahui du'ó! a'mí!. —Daj gataj Jesús.

Los dos cimientos

⁴⁶Ngaa ni gataj ruhua' yún Jesús:

—Ni un sin huin ataj ni é re' sisi Señor huinj, sani nitaj si dagahuin a ni é re' si atā gunun a ni é re' únj. ⁴⁷Yyaj ni gatā gunun a ni é re' daj hua 'ngo tsínj 'na' riānj. Ni unun sí!. Ni dagahuin sí' si atā gunun sí' nej. ⁴⁸Huin sí' rún' huin 'ngo tsínj guiyaj hue!. Gánj gunun sini yan sí' gunun nín' ruhua. Ni gune' sí' daqui hue' é' rian huej. Hué dan ni ducu gahui nané. Ni gara xinéj nnee. Ni ga'ui' nucuaj nnee daj rian hue!. Sani nun guisiqui' hue' daj. Daj si gahuin ran sa' hue'-é' gune' sí' rian huej. ⁴⁹Ni hua ango tsínj unun si-nuguan'ānj. Sani nun digahuin sí' si atā gunun sí!. Ni tsínj daj huin rún' huin 'ngo tsínj guiyaj hue' rian yo'ój chru. Sani nun ganj gunun sí' rian gune' sí' daqui hue!. Ngaa ni gara xinéj nnee. Ni ga'ui' nucuaj nnee daj rian hue!. Ngaa ni 'ngo ganatúj ó!. Ni 'ngo guere' hue'-é' da aj. Daj hua tsínj nun unun si-nuguan'ānj. —Gataj Jesús gunun ni tsínj nico' sij.

Jesús sana al siervo de un centurión

7 Ngaa guisij ga'mi Jesús rian ni ngüi daj, ni gan'anj sij xuman' Capernaum. ²Ni yu'uj daj nne 'ngo snado centurión. Ni a'nán' 'ngo simoso capitán daj. Ni ruhua gahui' sí!. Ni 'i ruhua sij ni'yaj sij si-moso sij. ³Ni ngaa gunun centurión daj si a'mi ni ngüi xi'í Jesús, ni ga'níj sij go'ngo ni tsínj huin achij man scanij ni tsínj israelita, gan'anj gachinj jni'yaj ni sí' rian Jesús sisi ga'ná' guiyaj gono'o Jesús si-moso centurión daj. ⁴Ni ngaa guisij ni sij rian Jesús, ni ga'mi yaco ni sij. Ni gataj ni sij:

—Hua niān chracuij re' centurión daj. ⁵Daj si 'i ruhua sij ni'yaj sij né' huin né' ni tsínj israelita. Ni hué sij gui'yaj si-nuhui né' nej. —Gataj ni sij gunun Jesús.

⁶Ngaa ni gan'anj Jesús nga ni sij. Ni ngaa ruhua gahuin nichrun' Jesús guisij sij hue', ni ga'nj centurión daj gan'anj go'ngo ni tsínj nicaj dugüi' nga sij, gataj ni sí' gunun Jesús:

—Señor, si gahuin ruhuá re' mánj. Daj si sé tsínj sa' huin tsínj daj, ataj sij. Xí'l daj ni si gatúj re' chruhua ducuá sij, ataj sij mánj. ⁷Ni xi'l si sé tsínj sa' huin sij ruhua sij, ni nun guisij ruhua sij guchi' sij rián re', ataj sij. Maan si ga'nin' re' sun, ni ganahuin si-moso sij, guil'yáj re', ataj sij. ⁸Daj si hua tsínj a'nin' sun rian sij. Ni hué sij a'nin' sun rian ni snado nej. Ni ngaa a'níj sij 'ngo snado gan'anj sí', ni huq'ananj sí'. Ni ngaa ataj sij ga'na' 'ngo sí', ni 'na' sí' nej. Ni ngaa a'níj sij si-moso sij guil'yaj sun sí', ni hué daj guil'yaj sun sí' nej. —Daj gataj ni dugüi' centurión daj gunun Jesús.

⁹Ni ngaa gunun Jesús nuguan' gataj tsínj daj, ni gan'anj ruhua sij. Ni guini'yaj sij rian ni tsínj nico' sij. Ni gataj sij:

—Xanga! atā gunun a ni é re' sisi nun nari'ij 'ngo tsínj israelita xuman ruhua rún' xuman ruhua tsínj centurión nan mánj. —Daj gataj Jesús.

¹⁰Ni ngaa nanicaj ni tsínj nicaj dugüi' nga centurión daj gan'anj ni sij ducuá sí', ni xacaj ni sij cuenta sisi hua ganahuin moso daj.

Jesús resucita al hijo de la viuda de Naín

¹¹Hué daj sij ni gan'anj Jesús 'ngo xuman' gu'naj Naín. Ni huaj ni tsínj

nico' sij nicaj dugüi' ni sí' nga nico ni ngüi huaj ni sí' nej. ¹²Ni ngaa huaj guisij sij du'ua xuman' daj, ni guini'i sij si huaj gachin' ni ngüi xanj daj 'ngo níman. Ni tsínj gahui' daj huin urin da'níj yun'unj mmij. Ni huaj nin' ruhua ni ngüi xanj nga yun'unj mmij da nej. ¹³Ni gani yaco ruhua Señor ni'i sij yun'unj mmij daj. Ni gataj sij:

—Sí gacó so' mánj. —Gataj Jesús gunun ún'!

¹⁴Ngaa ni gan'anj nichi Jesús.

Ni ganun ra'a sij chrun xéj. Ni guiniquin' ni tsínj ata níman. Ni gataj Jesús gunun tsínj gahui' daj:

—Tsínj sno'o. Nachica re'. —Daj gataj Jesús.

¹⁵Ngaa ni nachica tsínj gahui' daj gane sí'. Ni gaxi'l i sí' ga'mi sí'. Ni naga'ui' Jesús man'an sí' ra'a nni sí'.

¹⁶Ni ngaa guini'i ni ngüi si guil'yaj Jesús, ni guxu'ui' daran' ni sij. Ni gaxi'l i ni sij ga'mi sa' ni sij rian Yan'anj. Ni gataj ni sij:

—Gurugüi' 'ngo tsínj huin achij a'mi si-nuguan' Yan'anj scanij né'. —Daj gataj ni sij.

Ni gataj ni sij nej:

—Ni 'na' ni'yaj Yan'anj ni ngüi nico' man'an Yan'anj. —Gataj ni sij gunun ni dugüi' ni sij.

¹⁷Ni gaxa'ni nuguan' xi'l si guil'yaj Jesús nin' gachra' estado Judea nga ango ni xuman' ngaj nichrun' naga'á.

Los mensajeros de Juan el Bautista

¹⁸Ni nata' ni tsínj nico' Juan si guil'yaj Jesús gunun man'an sí'. Ngaa ni gaquínj Juan huij tsínj nico' sí' ga'na' nungüej sij rian sí'. ¹⁹Ngaa ni ga'nj Juan gan'anj nungüej sij

nachin' snan'anj n_ungüej sij Jesús. Ni nan huin nuguan' ga'níj Juan rian Jesús:

—Hué re' huin tsínj n_acaj ni ngüi ní'. Así gana'uij únj si ga'na' ango tsínj sa'. —Da'nga' daj huin nuguan' ga'níj Juan rian Jesús.

²⁰Hué dan ni guisíj n_ungüej sij rian Jesús. Ni gataj n_ungüej sij:

—Ga'níj Juan, tsínj duguata' nnee, ga'na' n_achin' snan'anj nungüej únj man'án re' sisi so' huin tsínj ga'na' n_acaj ni ngüi ní'. Así gana'uij únj ango tsínj ga'na' sa'. —Gataj n_ungüej sij gunun Jesús.

²¹Ni hué gué hora daj, ni ganahuin nico ni ngüi a'nan', gui'yaj Jesús. Ni guiri sij nan_e xi'i niman ni ngüi nej. Ni naxiguin rian ni ngüi duri, gui'yaj sij nej.

²²Hué xi'í daj ni gataj Jesús gunun n_ungüej sij:

—Güij n_ungüej é re'. Ni n_ata' n_ungüej é re' gunun Juan si guini'i n_ungüej é re' ng_a si gunun n_ungüej é re' nej. Daj si xiguin ni'yaj ni ngüi duri. Ni chéj ni tsínj yacuan nej. Ni nahuin sa' ni ngüi a'nan' xi'i nnij nej. Ni naxi'níj chraquij ni tsínj so'o nej. Ni ganá'nij ni níman gahui' nej. Ni unun ni ngüi yaco ran' nuguan' sa' nej. ²³Ni hua 'ueé rian 'ngo tsínj nitaj si n_anica j ruhua ni'yaj sij xi'ij. Daj gataj n_ungüej é re' rian Juan.

—Daj gataj Jesús rian n_ungüej tsínj daj.

²⁴Ni ngaa nanica j n_ungüej sí' nan' n_ungüej sí' rian Juan, ngaa ni gaxi'i ga'mi sa' Jesús rian ni ngüi xi'í Juan. Ni gataj sí':

—Ni ngaa gan'anj ni é re' gunun ni é re' si-nuguan' Juan qui j qui'yanj n_aco, ni daj hua sij guini'i

ni é re', ruhua ni é re' únj. Daj rún' yaj ri_a ngaa xinunj yaj nane, ni da'nga' daj yaj sij, ruhua ni é re' ní'. ²⁵Ni sisi sé daj yaj sij, ni un sin huin ni gan'anj ni'yaj á re' rian huaj sij únj. Gan'anj ni'yaj á re' 'ngo tsínj nun atsij ni'a' ní'. Sani sé daj huin sij mánj. Ni'i ni é re' sisi ni tsínj nun atsij ni'a' nga ni tsínj utin' nico san'anj, ni nne ni sí' ducuá ni rey. ²⁶Ni un sin huin ni gan'anj ni'yaj á re' rian nne sij únj. Así 'ngo tsínj a'mi si-nuguan' Yan'anj ní'. Xanga' ni hué daj huin sij aj. Ni hua achij Juan daj ng_a daran' ango ni tsínj ga'mi si-nuguan' Yan'anj anj.

²⁷Ni asij ná ni garun sa' 'ngo tsínj ga'mi si-nuguan' Yan'anj xi'í Juan. Ni gataj Yan'anj:

A'ni 'ngo tsínj guinicaj nuguan' guchi' sij.

Ni tsínj daj guitaj dian sini rián re' gan'anj sij.

Ni gui'yaj xugüi sij si-chréj re' aj. Daj gataj si-nuguan' Yan'anj.

²⁸Ni atā gunun a ni é re' sisi scanij ni tsínj ga'nga, gui'yaj ni yun'unj xana, ni nitaj si rugüi 'ngo tsínj huin achij daj rún' huin man'an Juan tsínj duguata' nnee. Sani tsínj hua lij nin', ni huin achij sij rian nicaj sun Yan'anj daj ng_a man'an Juan ga. — Daj gataj Jesús gunun ni ngüi.

²⁹Ni ngaa gunun ni ngüi ng_a ni tsínj a'nej pesto si gataj Jesús, ni gataj ni sij sisi dugu'naj huaj gui'yaj Yan'anj. Daj si hua gata' nnee ni sí', gui'yaj Juan. ³⁰Sani ni tsínj fariseo ng_a ni tsínj digyán ley, ni nun ga'uej ruhua ni sij gunun ni sij daj huin ruhua Yan'anj gui'yaj Yan'anj xi'í ni sij mánj. Daj si nun gata' nnee ni sij, gui'yaj Juan.

³¹Ngaa ni gataj Jesús:

—Daj yun sin huin gui'yā guiri' digyānj rian án re' daj hua ni ngüi mán acuan' nan ún̄j. ³²Daj rún' 'yaj ni tsin' gan'anj gane rian yu'ue ngaa ducuj, ni agua ni dugüi!, ni hué daj huin ni sij. Ni ataj anin'inj: "A'yanj ún̄j riq rian án re' saj. Sani nun guiran'anj a ni é re' mánj. Garáj ni ún̄j chra' snanga. Sani nun gaco ni é re' mánj." Hué daj ataj ni tsin' rian ni dugüi! ni tsin' anj. ³³Daj si ga'na' Juan tsínj duguata' nnee, ni nun xa sij chrachrúnj, nun go'o sij nnee vino nej. Ni xi'lí daj ataj á re' sisi nñun nane xilí niman sij aj. ³⁴Asíj ni ga'na' da'níj ni ngüi huin man'anj. Ni xáj, ni go'oj aj. Ni ataj ni é re' sisi huinj 'ngo tsínj xa nasa', go'o nasa'. Ni huinj 'ngo tsínj nicaj dugüi! nga ni ngüi 'yaj gaquin' nga ni tsínj a'nej pesto nej, ataj á re' xilí nej. ³⁵Sani sisi 'yaj sa' 'ngo tsínj daj, ni ga'ue guini'lí né' sisi tsínj ni'i sa' huin sij. —Daj gataj Jesús gunun ni sij.

Jesús en el hogar de Simón el fariseo

³⁶Ngaa ni gaquínj 'ngo tsínj fariseo xá Jesús nga man'an sí!. Ngaa ni gatúj Jesús ducuá sí! gan'anj gane sij rian mesa. ³⁷Ni nne 'ngo yun'unj xana 'yaj gaquin' xuman' daj. Ni ngaa gunun ún' sisi nne Jesús ducuá fariseo daj xa sij, ni nicaj ún' 'ngo gaga' alabastro nñun gasiti guin' daj. ³⁸Ni niquin' ún' né' xi'lí Jesús. Ni aco ún!. Ni ayanj nnee rian ún' aco ún' daj dacój Jesús. Ni ane-é' dacój Jesús, 'yaj ún!. Ni naruhui ún' huee chra ún' dacój Jesús. Ni jnaco dacój sí!, 'yaj ún!. Ni garun du'ua ún' dacój Jesús.

Ni garij ún' gasiti guin' daj dacój sí! nej. ³⁹Ni ngaa guini'lí tsínj fariseo, tsínj ducua daj si gui'yaj yun'unj xana daj, ni gani ruhua man'an sí!: "Sisi xangal' yya huin Jesús 'ngo tsínj a'mi si-nuguan' Yan'anj, ngaa ni xacaj sí! cuenta sisi yun'unj xana 'yaj gaquin' huin ún', ni atsi ún' man'an sij." Da'nga! daj gani ruhua tsínj fariseo daj xi'lí Jesús. ⁴⁰Ngaa ni gataj Jesús gunun tsínj fariseo daj:

—Simón, nicá 'ngo nuguan' gatá gunun re!. —Gataj Jesús.

—Gataj so', Maestro. —Gataj tsínj ducua daj.

⁴¹Ni gataj Jesús:

—Huij ran' tsínj daj da'ui san'anj rian 'ngo xuru'ue. Ni 'ngo sij 'yaj xiquínj yun'un! ciento san'anj denario. Ni ango sij 'yaj xiquínj huij xia chi' san'anj denario. ⁴²Ni rian nun guiri' nungüej sij naru'ue sij rian xuru'ue daj, ni ga'nin' ruhua sí! si da'ui nungüej sij. Ngaa ni, daj hua go'ngo nungüej sij garan' doj ruhua ni'yaj xuru'ue daj, ruhuá re' únj. —Daj gataj Jesús.

⁴³—Ani ruhuaj sisi tsínj da'ui nico daj, ni garan' doj ruhua sij ni'yaj sij xuru'ue. —Daj gataj Simón.

—Hué dan huin xangal' yya. —Daj gataj Jesús gunun Simón huin tsínj fariseo daj.

⁴⁴Ngaa ni nanicaj Jesús ni'yaj sij yun'unj xana daj. Ni gataj sij gunun Simón:

—Xacaj re' cuenta si gui'yaj yun'unj xana nan ní!. Ngaa gatá chruhua ducuá re!, sani nun riquí re' nnee na'nij dacō mánj. Ni yun'unj xana nan, ni nnee gaco ún' daj na'ni ún' dacō. Ni huee chra ún' jnaco ún' dacō nej. ⁴⁵Nun garun du'uá

re' man'ānj mánj. Saní asij gatū ducuá re', ni nun duna ún' si garun du'ua ún' dacō. ⁴⁶Ni nun garij re' gasiti chrāj. Saní yun'unj daj garij ún' gasiti guin' daj dacō. ⁴⁷Xi'lí daj ni atā gunun re' sisi da'ui ún' nico gaquin!. Saní nicā 'ngo niman nico xi'lí ni gaquin' da'ui ún'. Daj si 'i nín' ruhua ún' ni'yaj ún' yūnj. Saní ngaa ani ruhua 'ngo tsínj daj sisi doj huin gaquin' da'ui sij, ni doj 'i ruhua sij ni'yaj sij yūnj. —Daj gataj Jesús gunun Simón.

⁴⁸Ngaa ni gataj Jesús gunun yun'unj xana daj:

—Nicā 'ngo niman nico xi'lí si gaquin' re!. —Daj gataj Jesús.

⁴⁹Ni nne ango ni tsínj rian mesa daj. Ni gaxi'lí ni man'an ni sij nachínj snan'anj ni sij ni dugüi' ni sij. Ni gataj ni sij:

—Ni un tsínj huin tsínj nan, ni ga'ue guinicaj sij niman nico rian ni gaquin!, ruhua á re' únj. —Daj gataj ni tsínj daj.

⁵⁰Saní gataj Jesús rian yun'unj xana daj:

—Hua nacaj Yan'anj man'án re' xi'lí si guxuman ruhuá re' ni'yaj re' yūnj. Gahuin din'inj ruhuá re' nañ' re' ducuá re!. —Daj gataj Jesús gunun ún'.

Mujeres que sirven a Jesús

8 Ni ngaa gachin doj ni gachéj Jesús daran' rian ni xuman' ngā ni rancho nej ga'mi sa' sij xi'lí si nacaj Yan'anj sun rian né!. Ni nicaj dugüi' ni xuhuij ni tsínj nico' sij nej. ²Ni huaj go'ngo yun'unj xana ngā sij nej. Ni hua guiri Jesús nane xi'lí chruhua niman da'aj ni ngüi daj. Ni nahuin ango da'aj ni ún', gui'yaj sij

nej. Ni scanij ni ún', ni huaj María gu'naj ún' Magdalena. Ni hua guiri Jesús ichij nane xi'lí chruhua niman ún'. ³Ni huaj yun'unj gu'naj Juana huin ún' nicā tsínj gu'naj Chuza huin sí' tsínj nicaj yun'unj ni moso 'yaj rey Herodes. Ni huaj yun'unj gu'naj Susana ngā nico ango ni ngüi xana nej. Ni chracuij ni ún' si'yaj ni ún' rasun gachin rian Jesús.

Parábola del sembrador

⁴Ni gahui nico ni ngüi man rian ni xuman' gan'anj ni'yaj ni sij Jesús. Ni nahuin yu' nico ni ngüi rian Jesús. Hué dan ni nani Jesús 'ngo cuento digyán sij rian ni ngüi. ⁵Ni gataj sij:

—Gahui 'ngo tsínj dagaman' can. Ni ngaa dagaman' sij, ni guinij doj can chruhua chrej. Ni gachin ni ngüi gurun ni sij. Ni naran' ni xataj xa xuj. ⁶Ni guinij doj can daj rian yo'ój yej rian nitaj nico yo'ój. Ni ngaa xira' can daj, ni ganacoj. Daj si nitaj si hua 'yo yo'ój daj. ⁷Ni gayu doj can scanij tanj. Ni xira' nuguan'an can daj ngā tanj. Hué dan ni gane coj daj, gui'yaj tanj. ⁸Ni gayu doj can ango yo'ój sa'. Ni guixira' can daj. Ni gachij man'an can. Ni gayu sa' can. Ni 'ngo coj daj gahui 'ngo ciento can. —Daj gataj Jesús nani sij cuento rian ni ngüi daj.

Ngaa ni ga'mi nucuaj Jesús. Ni gataj sij:

—Sisi nún chraquij a ni é re!, ni gunun a ni é re' nej aj. —Daj gataj Jesús.

⁹Ngaa ni nachínj snan'anj ni tsínj nico' Jesús. Ni gataj ni sij gunun sí'!

—Ni un sin huin cuento nan ruhuaj gata únj. —Daj gataj ni sij.

¹⁰Ngaa ni_i gataj Jesús:

—Rian ni é re' riqui Yan'anj sisí guini'i ni é re' daj hua rian nicaj sun Yan'anj. Sani_i rian ni ngüi nitaj si nicaj dugüi' ngāj, ni_i nanij cuento hua ránj. Ngaa ni_i guini'yaj ni sij. Sani_i nun guini'i ni sij. Ni_i gunun chraquij ni sij. Sani_i na'ue gara da'nga' ruhua ni sij.

¹¹Hué nan huin si ruhuaj gata cuento digyānj rian án re'. Daj rún' hua cān daj, ni_i da'nga' daj hua si-nuguan' Yan'anj. ¹²Ni_i can guinij du'ua chrej, ni_i rún' hua ni ngüi gunun nuguan' huaj. Ni_i ga'na' sichre. Ni_i ri sichre nuguan' sa' daj niman ni sij sisí nun guxuman ruhua ni sij ni'l'yaj ni sij Yan'anj. Daj si na'uej ruhua sichre si nāc妖 Yan'anj ni sij. ¹³Ni_i can guinij rian yo'ój yej, ni_i rún' hua ni ngüi gunun nuguan' huaj. Daj si ngaa gunun ni sij nuguan' sa' daj, ni_i nahuin ra'a ni sij. Ni_i gahuin ni_i ruhua ni sij. Sani_i yaj ni sij rún' yaj 'ngo coj nitaj nico ya'la siú. Doj gue güi xuman ruhua ni sij ni'l'yaj ni sij Yan'anj. Daj si ngaa guiran' ni sij sayun, ni_i gahuin ni_i ni sij rian Yan'anj anj. ¹⁴Ni_i can guinij scanij tanj rún' hua ango ni ngüi gunun nuguan' huaj. Ni_i huin ruhua ni sij guiri' ni sij rasun mān chruhua xungüi nan. Ni_i digya' yun'unj san'anj ni sij si nahuij ruhua ni sij gahuin xuru'ue ni sij. Ngaa ni_i nitaj si 'yaj sa' ni sij ga' manj. ¹⁵Ni_i can guinij rian yo'ój sa' hué daj hua ango ni ngüi gunun nuguan'. Ni_i ngaa gunun ni sij nuguan' sa' daj, ni_i gahuin ni_i ca ruhua ni sij nga nuguan' daj. Daj si hua sa' niman ni sij. Ni_i hua ni_i ca niman ni sij nej. Ni_i 'yaj sa' ni sij. Ni

nitaj si duna ni sij si-chrej Yan'anj manj. —Daj gataj Jesús.

Nada oculto que no haya de ser manifestado

¹⁶Ngaa ni_i gataj ruhua' yún Jesús:

—Ni_i ngaa arún' yan'an chra' 'ngo candil, ni_i si gune' huí né' riqui chru ngā riqui nna ganun yan'an daj. Sani_i guto' xata' rian mesa sisí guixigui yan'an daj rian ni ngüi gatu chruhua hue' guini'i ni sij. ¹⁷Ngaa ni_i ni a' 'ngo nuguan' naránj ni ngüi acuan', sani_i daran'anj narugüi'. Ni_i nitaj a' 'ngo nuguan' guixij huí ni ngüi acuan', sani_i guini'i daran' ni ngüi xiguín sa'. ¹⁸Ngaa ni_i ga' cuidado ni é re' daj unun ni é re' ni nuguan' nan. Daj si ga'ui' Yan'anj rian tsínj unun. Sani_i ga'ne' Yan'anj da gue nicaj ni tsínj na'uej ruhua gunun sa'. Daj si ani ruhua ni sij sisí ni'l'sa' ni sij. Sani_i sé daj huin manj. —Daj gataj Jesús gunun ni sij.

La madre y los hermanos de Jesús

¹⁹Ngaa ni_i guisíj nni Jesús ngā ni jnánj sij rian sij. Sani_i nun ga'ue gahuin nichrun' anin' nni sí' rian man'an sij. Daj si mān ni_in' ruhua ni ngüi rian Jesús. ²⁰Ngaa ni_i nata' 'ngo tsínj daj rian Jesús:

—Nní re' ngā ni jnánj re' ana'uij niquin' ne' chrej xe' huin ruhua ni sij guini'i ni sij man'lán re'. —Daj gataj tsínj daj.

²¹Ngaa ni_i gataj Jesús:

—Nní ngā ni jnān huin ni ngüi unun si-nuguan' Yan'anj. Ni_i 'yaj ni sij si ataj nuguan' daj. —Daj gataj Jesús.

Jesús calma la tempestad

²²Hué dan ni_i 'ngo güi daj, ni_i gahuin Jesús chruhua 'ngo río achéj

rian nnee. Ni gatúj ni tsínj nico' sij chruhua rio nej. Ni gataj Jesús gunun ni sí':

—Gan'anj né' anéj chrej du'ua laguna xachij nan. —Daj gataj Jesús.

Ngaa ni gan'anj ni sij.²³ Ni ngaa huaj ni sij, ni gatoj Jesús. Ni gahui 'ngo nané nucuaj xxi rian laguna daj. Ni gara nnee chruhua rio. Ni ruhua guinij rio daj chruhua nnee.²⁴ Ngaa ni gan'anj ni sij nachica ni sij Jesús. Ni gataj ni sij:

—Maestro, Maestro, ruhua gahui' né'. —Daj gataj ni sij gunun Jesús.

Ngaa ni nachica ni sij Jesús. Ni ga'mi huee sij rian nane nga rian nnee. Ngaa ni ganiquin' daran'anj. Ni gahuin din'inj rian laguna daj, gui'yaj Jesús.²⁵ Ngaa ni gataj Jesús gunun ni sij:

—Ni un sin huin ni na'ue guxuman ruhua á re' ni'yaj á re' man'ānj únj. —Daj gataj Jesús.

Ngaa ni guxu'u' ni sij. Ni gan'anj ruhua ni sij. Ni gataj ni sij gunun ni dugüi' ni sij:

—Ni un tsínj huin tsínj nan únj. Ni ngaa a'nin' s'i sun, ni da' nané nga nnee dagahuin si-nuguan' sij. —Daj gataj ni sij.

El endemoniado gadareno

²⁶ Ngaa ni guisij ni sij do'ój ni tsínj gadareno. Ni ngaj yo'ój daj anéj chrej du'ua laguna xachij daj rian estado Galilea.²⁷ Ni nanij Jesús rio daj. Ngaa ni ga'na' 'ngo tsínj 'na' xuman' daj rian Jesús. Ni guisij ga'lí yo' nyn nané xi'i niman sij. Ni nitaj si nun sij atsij. Ni nitaj si nne sij hue' manj. Sanj nne sij chruhua ni yu'uj rian gachin' ni sij níman.²⁸ Ni ngaa

guini'i sij Jesús, ni gaguáj nucuaj sij. Ni ganiquin' ráj dacoj sij rian Jesús. Ni gataj sij gaguáj sij:

—Nitaj si huaj si diguíj re' ngaj huín re' Jesús da'níj Yan'anj achij nne xata' manj. A'mi acój rián re' sisi si gui'yáj re' castigo man'ānj manj. —Daj gataj sij gunun Jesús.

²⁹ (Ni da'nga' daj gataj sij daj si hua ga'nin' Jesús sun rian nane xi'i sisi gahui nané xi'i daj niman sij. Ni hua guisij ga'lí yo' sisi guida'a nane xi'i tsínj daj. Ni anumi cadena ra'a sij nga dacój sij, gui'yaj ni ngüi. Sanj xi'nin' cadena, gui'yaj sij. Ni nicaj nané xi'i sij gan'anj-án' sij quij qui'yanj naco nej.)

³⁰ Ngaa ni nachínj snan'anj Jesús sí'. Ni gataj sij:

—Daj gu'naj re' únj. —Gataj Jesús. Ni gataj man'an sí':

—Xi'nin' nico gu'ná aj. —Daj gataj s'i xi'i si ga'lí nico nane xi'i gatúj chruhua niman sí'.

³¹ Ni ga'mi yaco ni nane xi'i daj rian Jesús sisi si ga'nij s'i gan'anj ni nane xi'i daj rian yan'an manj.

³² Ni nichrun' xi'i quij man 'ngo xi'nin' xxi xacáj xa xuj. Ni ga'mi yaco ni nane xi'i rian Jesús sisi ga'nij s'i gan'anj gatu ni sij chruhua niman ni xacáj daj. Ngaa ni ga'uej ruhua Jesús sisi da'nga' daj gui'yaj ni nane xi'i daj.³³ Ngaa ni gahui ni nane xi'i chruhua niman tsínj daj. Ni gan'anj gatu ni sij chruhua niman ni xacáj da aj. Ngaa ni 'ngo gan'anj gue xi'nin' xacáj daj guinij xú' chra 'ngo huej. Ni guinij ni xuj chruhua laguna gahui' ni xú' chruhua nnee aj.

³⁴ Ni ngaa guini'i ni tsínj dugumi ni xacáj si guiran' xú', ni gunánj ni

sij nan' ni sij xánj ni sij nga riqui quij. Ni nata' ni sij daj gahuin guiran' ni sij. ³⁵ Hué dan ni gahui ni ngüi daj gan'anj guini'yaj ni sij un sin huin guiran' ni tsínj daj. Ni ngaa guisíj ni sij rian nne Jesús, ni guini'i ni sij tsínj guinun nané xi'i nimana daj. Ni yyaj ni nne sij xi'i Jesús nun sij si-gan' sij, hua sa' gal'ue nani ruhua sij. Ni guxu'ui' ni ngüi guisíj daj. ³⁶ Ni ni tsínj guini'i daj gahuin, ni ganani ni sij daj gahuin ngaa ganahuin sa' tsínj guinun ni nané xi'i, gui'yaj Jesús.

³⁷ Hué dan ni gachínj jni'yaj daran' ni tsínj gadareno rian Jesús sisi gahui sij gan'anj sij xánj ni sij. Daj si guxu'ui' ni sij. Ngaa ni gahui Jesús chruhua riq achéj rian nnee. Ni gan'anj sij anéj chrej du'ua laguna daj. ³⁸ Ngaa ni ga'mi yaco tsínj gunun ni nané xi'i rian Jesús sisi ga'uej sij guinicaj dugüi' sij ngaa sij gan'anj nungüej sij. Saní ga'níj Jesús nan' sij ducuá sij. Ni gataj sij:

³⁹ —Güij nan' ducuá re!, ngaa ni nata' re! gunun ni dugüi' re! daran' si sa' gui'yaj Yan'anj xi'i man'án re!. —Daj gataj Jesús gunun sij.

Ngaa ni gan'anj sij. Ni nata' sij rian daran' ni ngüi man'án xuman' daj xi'i si sa' gui'yaj Jesús rian sij.

La hija de Jairo; la mujer que tocó el manto de Jesús

⁴⁰ Ni ngaa nanicaj Jesús, ni gahuin nia' ruhua ni ngüi nahuin ra'a ni sij man'án Jesús. Daj si ana'uij daran' ni sij sij. ⁴¹ Ngaa ni ga'na' ngo tsínj huin achij chruhua nuhui rian nne Jesús, gu'naj sij Jairo. Ni ganiquin' ráj dacoj sij xi'i Jesús. Ni ga'mi yaco sij rian Jesús sisi gan'anj sij ducuá

sij. ⁴² Daj si hua urin da'ní xana sij. Ni sij ngo si xuhuij yo' huaj ún!. Ni doj ni gahui' ún!.

Ni ngaa huaj Jesús, ni ducu guru'man ni ngüi xi'níj sij ganicaj ni sij rian huaj sij.

⁴³ Ni scanij ni ngüi daj, ni niquin' ngo yun'unj xana a'nán' si guisíj xuhuij yo' uráj tun ún!. Ni gutin' ún! daran' si nicaj ún! nga ni tsínj gono'o. Saní nun ga'ue ganahuin ún!, guiyaj a ngo ni sij. ⁴⁴ Ngaa ni gan'anj níchi ún! scanij ni ngüi guisíj ún! rucú Jesús. Ni ganun ún! chrá ra'a ún! du'ua si-gan' sij!. Ngaa ni ngo hora, ni ganiquin' si uráj tun. ⁴⁵ Ngaa ni gataj Jesús:

—Daj hua á re' ganun ra'a si-gan'anj ún!. —Daj gataj Jesús.

Saní ni a ngo ni sij nun ganun si-gan' Jesús, ataj ni sij. Ngaa ni gataj Pedro nga ni tsínj man'án nga sij:

—Man nin' ruhua ni ngüi rián re!. Ni chráj ra'a daran' ni sij man'án re!. Ngaa ni un sin huin ni nachínj snan'anj re!: “Daj hua ngüi ganun ra'a man'án ún!.” Daj gataj ni sij gunun Jesús.

⁴⁶ Saní gataj Jesús:

—Ganun yya ngo ngüi man'án. Daj si ni'inj sisi nahuin ngüi, guiyā. —Daj gataj Jesús.

⁴⁷ Ni ngaa guini'i yun'unj xana daj sisi na'ue guixij hui ún!, ni nagunánj ún! ga'na' ún! ganiquin' ráj dacoj ún! rian Jesús. Ni nata' yya ún! gunun sij rian daran' ni ngüi un xi'i huin ganun ra'a ún! si-gan' Jesús. Ni nata' ún! sisi ngo hora, ni nahuin ún!, gui'yaj sij.

⁴⁸ Ngaa ni gataj Jesús gunun ún!:

—Xicaluij, ganahuín re!, gui'yaj si guxuman ruhuá re! ni'yáj re! man'án.

Ni dínj gahuin nimán re' gan'anj re' aj. —Daj gataj Jesús gunun ún'.

⁴⁹ Ni hua gué a'mi Jesús, ni ga'na'ngo tsínj 'yaj sun rian tsínj nicaj sun nuhui daj. Ni gataj sí' gunun sij:

—Guisíj gahui' da'níj xana re'!

Ngaa ni si garasun re' rian Maestro mánj. —Daj gataj sí' gunun Jairo.

⁵⁰ Sani gunun Jesús si gataj sí'. Ni gataj sij:

—Si guxu'uí' re' mánj. Maan si guxuman yya ruhuá re' ni'yaj re' man'anj. Ngaa ni ganahuin sa' da'níj re'. —Daj gataj Jesús.

⁵¹ Ni ngaa gatúj Jesús chruhua hue', ni nun ga'uej sij sisi gatu ni ngüi nga sij. Ni maan Pedro nga Jacobo nej, Juan nej, nungüej nicä Jairo nej, ga'uej Jesús gatu chruhua hue' nga sij. ⁵² Ni ducu aco ni ngüi. Ni aguáj ni sij nej. Sani gataj Jesús:

—Si gaco ni é re' mánj. Sé si gahui' tsin' xana mánj. Sani si ato nánj. —Daj gataj Jesús gunun ni sij.

⁵³ Sani ga'nga' naco ni sij guini'i ni sij man'an Jesús. Daj si guini'i ni sij sisi hua gahui' yya tsin' daj.

⁵⁴ Sani guida'a Jesús ra'a tsin' daj. Ni ga'mi nucuaj sij. Ni gataj sij:

—Tsin' xana, ataj snan'ān gunun so' sisi nachica so'. —Daj gataj Jesús gunun tsin' daj.

⁵⁵ Ngaa ni ganá'nij tsin' xana daj. Ni hué hora 'ngo nachica unj. Ni ga'nin' Jesús sun sisi ga'ui' ni ngüi xá tsin' daj.

⁵⁶ Ni ducu gan'anj ruhua nungüej nicä Jairo. Sani ga'nin' Jesús sun sisi si nata' nungüej sij nuguan' daj rian ni a 'ngo ngüi mánj.

Misión de los doce discípulos

9 Hué dan ni gaquín Jesús sisi nahuin yu' ni xuhuij ni

tsínj nico' sij rian sij. Ni ga'ui' sij sun rian ni sí' sisí guinicaj ni sí' sun rian ni nane xi'i. Ni hué daj ga'ui' sij fuerza sisí ganahuin ni ngüi a'nan', guí'yaj ni sí' nej. ² Ni ga'níj Jesús sisí gan'anj ga'mi ni sí' nuguan' sa' xi'i si nicaj sun Yan'anj rian ni ngüi. Ni gataj Jesús sisí ganahuin ni ngüi a'nan', guí'yaj ni sij nej. ³ Ni gataj Jesús:

—Gayun ni é re' gan'anj ni é re'!

Ni si ga'ue guinicaj ni é re' rutsi nej, xinánj nej, chrachrúnj nej, san'anj nej, gan'anj ni é re' mánj. Ni si ga'ue guinicaj ni é re' atsij näduna ni é re' gan'anj ni é re' mánj. ⁴ Ni ngaa gatu ni é re' chruhua 'ngo hue', ngaa ni gunaj ni é re' hue' daj da sij gahui ni é re' gan'anj ni é re' xuman' daj.

⁵ Ni sisí hua 'ngo yu'uj na'ue ni sij nahuin ra'a ni sij a ni é re', ngaa ni nagunan' a ni é re' yo'ój chru dacój ni é re' ngaa gahui ni é re' yu'uj daj. Ni hué-é! huin 'ngo ducuánj digyán ni é re' rian ni sij sisí nun guí'yaj sa' ni sij. —Daj gataj Jesús.

⁶ Hué dan ni gahui ni tsínj nico' Jesús gan'anj ni sij daran' ni xuman'. Ni nata' ni sij nuguan' sa'. Ni nin' gachra' ganahuin ni ngüi a'nan', guí'yaj ni sij nej.

Muerte de Juan el Bautista

⁷ Ni gunun rey Herodes daran' si guí'yaj Jesús. Ni nun nári' ruhua sij si guí'yaj sij. Daj si gataj go'ngo ni ngüi sisí ganá'nij Juan scanij ni níman. ⁸ Ni gataj ango ni sij sisí hué Jesús huin tsínj ga'mi si-nuguan' Yan'anj gu'naj Elías. Ni gataj ango da'aj ni sij sisí ganá'nij 'ngo tsínj ga'mi si-nuguan' Yan'anj gane sí' asij ná. ⁹ Ni gataj rey Herodes:

—Ga'nin' ni sij chra Juan, gui'yā. Ngaa ni un tsínj huin tsínj da únj. Daj si unúnj ga'i nuguan' xi'lí sij. —Daj gataj Herodes.

Ni huin ruhua Herodes guini'i si' man'an Jesús.

Alimentación de los cinco mil

¹⁰Ni ngaa nanicaj ni tsínj nico' Jesús, ni gataj ni sij daran' si gui'yaj ni sij rian Jesús. Hué dan ni nicaj Jesús ni sij gan'anj sí' 'ngo quiij qui'yanj naco nichrun' xuman' Betsaida. ¹¹Ni ngaa guini'i ni ngüi, ni guinico' ni sij man'an sí!. Ni ga'mi sa' sí' nga ni sij. Ni ga'mi sí' rian ni sij sisi daj nicaj sun Yan'anj rian ni sij. Ni ganahuin ni ngüi a'nan', gui'yaj sí' nej. ¹²Ni ngaa ruhua guini, ni ga'na' ni xuhuij ni tsínj nico' Jesús. Ni gataj ni sij:

—Gana'nij re' ni ngüi gan'anj ni sij ni xuman' nga ni rancho ngaj nichrun' sisi nari' ni sij rian gane ni sij nga si xa ni sij. Daj si rian mán né' nitaj ni ngüi mán mánj. —Daj gataj ni sij gunun Jesús.

¹³Ngaa ni gataj Jesús:

—Ga'ui' man'an án re' si xa ni sij nánj. —Daj gataj Jesús.

Sani gataj ni sij:

—Urin si nicaj únj huin un'un' chrachrúnj nga huij güe xucuaj. Sani nun ni'i únj sisi huin ruhuá re' gan'anj guiran únj si xa daran' ni ngüi nan. —Daj gataj ni sij.

¹⁴Ni sij 'ngo si un'un' mil tsínj mán yu'uj daj. Ngaa ni gataj Jesús gunun ni tsínj nico' sij:

—Guí'yaj á re' si gane ni ngüi rian yo'ój. Ni nahuin chre' da huij xia chi' da huij xia chi' ngüi gane go'ngo yu'uj, gui'yaj á re!. —Daj gataj Jesús.

¹⁵Ni da'nga' daj gui'yaj ni sij. Ni gan'anj gane daran' ni ngüi, gui'yaj ni sij. ¹⁶Ngaa ni guida'a Jesús un'un' chrachrúnj nga huij xucuaj daj. Ni ni'yaj sij xata!. Ni naga'ui' sij si guruhua Yan'anj. Ngaa ni gura' da'aj sij ni chrachrúnj ga'ui' sij ra'a ni tsínj nico' sij sisi naga'ui' ni sí' ra'a ni ngüi aj. ¹⁷Ni xa daran' ni ngüi. Ni gara ran riqui ni sij. Ngaa ni ganacaj ni sij daso gunaj. Ni nara ni sij xuhuij xugutí nga ni daso daj.

La confesión de Pedro

¹⁸Ni 'ngo güi ngaa achínj jni'yaj ni urin Jesús rian Yan'anj, ni man ni tsínj nico' sij nga man'an sij. Ngaa ni nachínj snan'anj Jesús ni sí!. Ni gataj sij:

—Ni un tsínj huinj ataj ni ngüi, ruhua á re' únj. —Daj gataj Jesús.

¹⁹Ngaa ni gataj ni sí!:

—Ataj da'aj ni ngüi sisi hué re' huin Juan, tsínj duguata' nnee. Ni ataj angó ni sij sisi hué re' huin tsínj gu'naj Elías. Ni ataj ángó ni sij sisi hué re' huin 'ngo tsínj ga'mi si-nuguan' Yan'anj asij ná. Ni ganá'nij tsínj daj nahuin sí' man'án re' aj. —Daj gataj ni sij gunun Jesús.

²⁰Ngaa ni gataj Jesús:

—Ni un tsínj huinj, ruhua man'an án re' únj. —Daj gataj Jesús.

Ngaa ni gataj Pedro:

—Hué re' huin Cristo, tsínj 'na' rian Yan'anj anj. —Daj gataj Pedro.

Jesús anuncia su muerte

²¹Sani ga'nin' Jesús nico sun rian ni sij sisi si nata' ni sij nuguan' nan rian ni a 'ngo ni ngüi mánj.

²²Ni gataj sí!:

—Hua niñan sisi guiran'anj nico sayun, huinj da'níj ni ngüi. Ni

danicaj ni tsínj huin achij nej, ni chrej huin rian nej, ni tsínj digyán ley man'ānj. Ni dagahui' ni sij man'ānj. Sani xiráj hua'nij güi, ni gana'nī. —Daj gataj Jesús gunun ni sij.

²³Ngaa ni gataj Jesús gunun daran' ni sij:

—Sisi hua 'ngo tsínj huin ruhua nico' yünj, ngaa ni dunaj sij si-chrej man'an sij. Ngaa síj ni ya'yoj gata sij rugutsi guinico' sij yünj anj.

²⁴Ni tsínj na'uej ruhua gahui' sij ngāj, ni ga'ni'ya sij. Sani tsínj ga'ue gahui' xi'lí man'ānj, ni gane niganj sij ngā Yan'anj anj. ²⁵Ni sisi gu'yaj gana 'ngo tsínj daj daran' si man chruhua xungüi gahuin si'yaj sij, ngaa ni un sin huin si huin-ín' sisi ga'ni'ya man'an sij únj. ²⁶Ni sisi hua 'ngo tsínj na'aj ni'yaj yünj ngā si-nuguan'ānj, ngaa ni gahuin na'ā ngā sij ngaa ga'na' yünj ngā ni ángel sa' chruhua xungüi nan. Ni gahuin 'ueé nungüej chrē. Ni huinj da'níj ni ngüi. ²⁷Ni xāngā' atā gunun a ni é re' sisi nitaj si gahui' da'aj ni ngüi mán yu'u'j nan da' guini'i ni sij ga'na' guinicaj sun Yan'anj anj. — Daj gataj Jesús.

La transfiguración

²⁸Ni ngaa guisíj 'ngo si tujn güi si ga'mi Jesús ni nuguan' nan, ni nicaj sij Pedro ngā Juan nej, Jacobo nej. Ni gahui sij chra 'ngo quij gachinj jni'yaj sij rian Yan'anj. ²⁹Ni ngaa achínj jni'yaj sij, ni naduna rian sij. Ni nahuin gatsi nin' si-gan' sij. Ni nahuin aca si-gan' sij nej. Ngaa ni gurugüi' huij tsínj daj. ³⁰Ni ga'mi nungüej tsínj daj ngā sij huin nungüej sij Moisés ngā Elías. ³¹Ni

'ueé nin' ruhua gurugüi' nungüej sij'. Ni ga'mi nungüej sij' ngā Jesús xi'lí si gahui' sij xuman' Jerusalén gahui sij chruhua xungüi nan. ³²Ni 'na' nnej rian ni dugüi' Pedro. Sani nun gatoj ni sij. Ni guini'i ni sij sisi xiguin si-gan' Jesús. Ni hué daj guini'i ni sij nungüej tsínj niquin' ngā Jesús nej. ³³Ni ngaa gaxi'i gahui anéj nungüej tsínj daj rian Jesús, ni gataj Pedro gunun Jesús:

—Sa' mán né' yu'u'j nan Maestro. Ngaa ni gui'yaj únj huq'lij hue' recoj le. Ni 'ngoj man'án re'. Ni angoj Moisés. Ni ángoj Elías. —Daj gataj Pedro.

Sani nun ni'i sij si ataj sij mánj.

³⁴Ni ngaa a'mi Pedro, ni nasij 'ngo nga guiran-án' rian ni sij. Ni guxu'u'j ni sij si 'ngo nasij nga daj rian ni sij. ³⁵Ni scanij nga daj gunun ni sij 'ngo nane gataj-á':

—Tsínj nan huin da'ní 'i ruhuāj. Gunun a ni é re' si ataj sij'. —Daj gataj Yan'anj gunun ni sij.

³⁶Ni ngaa ganahuij ga'mi Yan'anj, ni gunáj urin Jesús ngā ni tsínj nico' sij. Ni dínj gane du'ua ni sij ni güi daj nun nata' ni sij si guini'i ni sij gunun ni a 'ngo ni ngüi mánj.

Jesús sana a un muchacho endemoniado

³⁷Ni ango güi ngaa nanij ni sij chra quij, ni mán nin' ruhua ni ngüi 'na' nari' dugüi' ngā Jesús.

³⁸Ni niquin' 'ngo tsínj daj scanij ni ngüi. Ni gaguáj sij'. Ni gataj sij':

—Maestro, achínj jni'yā rián re' sisi guini'yaj re' da'ní. Daj si urin sij nicā.

³⁹Ni da'a 'ngo nane xi'lí man'an sij. Ni hora aguáj sij. Ni guida'a xi'lí yaquij, 'yaj nane xi'lí daj da ahui yatan' du'ua

sij. Ni na'uej ruhua nané xi'lí daj gahuin ane rian da'ní. ⁴⁰Ni ga'mi yacōj rian ni tsínj nicó' re' sisi guiri ni sij nané xi'lí niman da'ní. Sani nun gunucuaj ni sij guiri ni sij mánj. — Daj gataj tsínj daj gunun Jesús.

⁴¹Ngaa ni gataj Jesús:

—Ni ngüi mān yyaj, ni na'ue guxuman ruhua ni é re' ni'yaj ni é re' manl'anj. Ni xi'lí niman án re'. Ni na'ue gunucuā gane nigān ngā ni é re' mánj. Ni na'ue gunucuā si-chrej ni é re' niganj mánj. Nicaj re' da'níj re' ga'na' re' riānj anj. —Daj gataj Jesús.

⁴²Ni ngaa gahuin níchrun' tsin' daj, ni ganatúj sij, guiyaj nané xi'lí daj. Ni guida'a xi'lí yaquij, guiyaj nané xi'lí nej. Sani ga'mi huee Jesús rian nané xi'lí daj. Ni ganahuin tsin', guiyaj Jesús. Ni naga'ui' Jesús tsin' daj rian chrej sij. ⁴³Ni gahuin yan'anj ruhua daran' ni ngüi xi'lí daj hua nucuaj Yan'anj anj.

Jesús anuncia otra vez su muerte

Ni ngaa hua gue gahuin yan'anj ruhua ni sij, ni gataj Jesús gunun ni tsínj nico' sij:

⁴⁴—Gunun sa' á re' ni nuguan' ga'mi nan. Huéj huin da'níj ni ngüi. Ni naga'ui' ni sij manl'anj ra'a ni tsínj. —Daj gataj Jesús gunun ni tsínj nico' sij.

⁴⁵Sani na'ue gara da'nga' ruhua ni sij si gataj Jesús. Daj si na'ue gunun sa' ni sij, guiyaj nuguan' daj. Ni xu'ui' ni sij gachinj snan'anj ni sij Jesús xi'lí nuguan' daj.

¿Quién es el mayor?

⁴⁶Ngaa ni gaxi'lí ni tsínj nico' Jesús ga'mi ni sij un tsínj huin achij

scanij ni sij. ⁴⁷Ni ni'i Jesús daj ani ruhua niman ni sij. Ngaa ni guida'a Jesús ra'a 'ngo tsin'. Ni gani sij tsin' daj xi'níj sij. ⁴⁸Ni gataj sij gunun ni sij:

—Ni un tsínj nahuin ra'a tsin' nan xi'lí si nicaj dugüi' sij ngāj, ni nahuin ra'a sij manl'anj nej. Ni tsínj nahuin ra'a manl'anj, ni nahuin ra'a sij Yan'anj. Daj si Yan'anj huin si ga'níj ga'naj. Ni tsínj nico' da rücu scanij ni é re', ni hué tsínj daj huin tsínj huin achij. —Daj gataj Jesús gunun ni sij.

El que no es contra nosotros, por nosotros es

⁴⁹Hué dan ni gataj Juan gunun Jesús:

—Maestro, guini'i ni únj 'ngo tsínj a'mi si-xugüi' re'. Ni hué da guiri sij nané xi'lí chruhua niman ni ngüi. Sani nitaj si chéj sij ngā ni únj. Ngaa ni xi'lí daj nun ga'uej únj sisi guiyaj sij daj. —Daj gataj Juan.

⁵⁰Ngaa ni gataj Jesús:

—Ga'nin' ruhuá re' sisi hué daj guiyaj tsínj daj. Daj si tsínj nitaj si unun' ngo', ni chracuij sij yun' anj. —Daj gataj Jesús gunun Juan.

Jesús reprende a Jacobo y a Juan

⁵¹Ni ngaa achin doj güi guinan' Jesús xata', ni 'ngo gani ruhua sij gan'anj sij xuman' Jerusalén. ⁵²Ni ga'níj sij go'ngo tsínj gan'anj sini rian sij. Ni gan'anj ni sí' xuman' rian mān ni tsínj samaritano sisi guiyaj xugüi' ni sí' rian guna ni dugüi' Jesús. ⁵³Sani nun nahuin ra'a ni tsínj samaritano Jesús. Daj si hua ni'i ni sí' sisí huaj Jesús xuman' Jerusalén. ⁵⁴Ni guini'i huij tsínj

nico' Jesús si gui'yaj ni tsínj daj. Ni gu'naj nungüej sij Jacobo ngā Juan. Ni gataj nungüej sij gunun Jesús:

—Señor, huin ruhuá re' sisi ga'nin' nungüej ún'yan'ān gayu xata' gaca ni tsínj man nan daj rún' gui'yaj tsínj gu'naj Elías asij ná ní!. —Daj gataj nungüej sij gunun Jesús.

55 Sani nanicaj Jesús chran' sí' nungüej sij. Ni gataj sí!:

—Nun ni'i nungüej é re' daj hua niman nungüej é re'!

56 Sé si 'nāj sisi guere' niman ni ngüi'gui'yā huinj da'níj ni ngüi'. Sani 'nāj nacā ni sij. —Daj gataj Jesús. Ngaa ni gan'anj ni sij ango xuman'.

Los que querían seguir a Jesús

57 Ni ngaa huaj ni sij chrej, ni gataj 'ngo tsínj daj gunun Jesús:

—Señor, huin ruhuá guinicōj man'án re' ni a gan'anj re' aj. —Daj gataj sij.

58 Ngaa ni gataj Jesús:

—Hua huej nūn xune aj. Ni hua si-gaca' xataj chéj xata' nūn xú!. Sani nitaj rian guna da'níj ni ngüi' huinj mánj. —Daj gataj Jesús gunun tsínj daj.

59 Ngaa ni gataj Jesús gunun ango tsínj daj:

—Guinicō' re' man'ānj. —Daj gataj Jesús.

—Señor, duná re' sisi gan'anj sinij gachinj chrē aj. —Daj gataj sij.

60 Ngaa ni gataj Jesús:

—Ga'nin' ruhuá re' si gachin' ango ni sij níman. Daj si rún' huin níman huin ni sij. Sani gan'anj man'án re' ga'mi re' nuguan' sa' xi'í si nicaj sun Yan'anj rian né!. —Daj gataj Jesús.

61 Ngaa ni gataj ango tsínj daj gunun Jesús:

—Señor, huin ruhuá guinicōj man'án re', sani duna siní re' sisi gan'anj gatā gunun ni dugüi'íj. —Daj gataj sij gunun Jesús.

62 Sani gataj Jesús gunun sij:

—Nitaj si ní'yanj tsínj da'a nne ngaa ni'yaj sij rucú sij. Ni da'nga' daj na'ue gui'yaj sun sa' 'ngo tsínj rian nicaj sun Yan'anj ngaa ni'yaj sij rucú sij. —Daj gataj Jesús gunun tsínj daj.

Misión de los setenta

10 Hué daj sij ni nacui Señor ya'nij xia chi' ran' tsínj nico' sij. Ni ga'níj sij huij huij ran' ni sí' guitaj dian sini yan gan'anj ni sí' go'ngo ni xuman' daj nej. **2** Ni gataj sij gunun ni tsínj daj:

—Rún' huin strigo huin ni ngüi' achin gunun si-nuguan' Yan'anj. Ni rún' huin tsínj a'nin' strigo huin ni tsínj a'mi si-nuguan' Yan'anj. Nico nin' ruhua strigo ngaj achin ga'nin' ni sij. Ngaa ni gachinj jni'yaj á re' rian Yan'anj sisi ga'nij man'an sí' ni tsínj gui'yaj sun gan'anj ga'nin' ni sij si-strigo sí!. **3** Ni a'nī gan'anj ni é re' rún' gan'anj ni xachij 'nij scanij ni stuj huee. **4** Ni si nicaj á re' nnánj nga nnij nūn san'anj nej, canj nej, gan'anj án re' mánj. Ni si guiniquin' a ni é re' ga'mi a ni é re' nga ni tsínj nari' a ni é re' chrej nej mánj.

5 Ni ngaa gatu a ni é re' 'ngo hue', ni gataj sini yan ni é re' rian ni ngüi' nne chruhua hue' daj: "Gahuin din'inj ruhua ni é re'." Daj gataj ni é re'. **6** Ni sisi yu'uj daj nne 'ngo tsínj a'mi sa'aj, ngaa ni gahuin din'inj ruhua sij daj huin ruhua ni é re'. Sani sisi nitaj 'ngo tsínj a'mi sa'aj yu'uj daj, ngaa ni nanicaj

nuguan' sa' ga'mi ni é re' rian án re'. ⁷Gūnan án re' hue' nne tsínj sa' daj. Ni xa á re' go'o a ni é re' si riQui ni ngüi daj. Daj si ni tsínj 'yaj sun, ni hua si-chrej ni sij si ga du'ue ni sij. Si gan'anj án re' go'ngo ni hue' mánj. ⁸Ni ngaa huaj guisij a ni é re' 'ngo xuman' rian ráj xina ni ngüi ni'i ni sij a ni é re', ni xa á re' si riQui ni sij aj. ⁹Jnahuin a ni é re' ni ngüi a'nan' si guimán ni sij yu'uj daj. Ni gataj á re' gunun ni sij: "Hua gahuin nichrun' ga'na' nicaj sun Yan'anj rian ni é re'!" Daj gataj ni é re'.

¹⁰Sani sisí huaj guisij a ni é re' 'ngo xuman', ni nun ráj xina ni ngüi ni'yaj ni sij a ni é re', ngaa ni gahui a ni é re' chruhua cayu, ni gataj á re' gunun ni ngüi mán xuman' daj: ¹¹"Nagunan' ni únj yo'ój yaj mán xánj án re' guta dacój ni únj. Ni da'nga' daj 'yaj ni únj xi'í si na'ue gunun a ni é re' si-nuguan' ni únj. Sani gunun sa' ni é re' sisí hua gahuin nichrun' ga'na' rian nicaj sun Yan'anj rian ni é re'!" Hué daj gataj á re' gunun ni ngüi mán xuman' daj. ¹²Ataj snan'ān gunun a ni é re' sisí güi nagui'yaj yya Yan'anj si-gaquin' ni ngüi, ngaa ni huaj gahuin ni ngüi xuman' daj castigo si guiran' ni ngüi xi'i guimán xuman' Sodoma asij ná. —Daj gataj Jesús gunun ni tsínj nico' sij.

Ayes sobre las ciudades impenitentes

¹³Ngaa ni gataj Jesús:

—Ducu niqui niman ni é re' ni ngüi mán xuman' Corazín nga xuman' Betsaida. Ni nun guil'yā si sa' xuman' Tiro nga xuman' Sidón rún'

gui'yā xuman' Corazín nga xuman' Betsaida. Sani sisí hua guil'yā si sa' daj, ni hua nani ruhua ni ngüi mán Tiro nga Sidón xi'í si-gaquin' ni sij ná. Ni hua gunun ni sij atsij naya!. Ni hua gane ni sij rian yaj digyán ni sij sisi hua yya nanicaj ruhua ni sij xi'í si-gaquin' ni sij. ¹⁴Hué dan ni güi nagui'yaj yya Yan'anj si-gaquin' ni ngüi, ngaa ni huaj guiran' ni é re' castigo si guiran' ni ngüi xi'i guimán xuman' Tiro nga xuman' Sidón asij ná. ¹⁵Ni atā gunun a ni é re' huin a ni é re' ni ngüi mán xuman' Capernaum sisí nne nin' ruhua ni é re'. Xi'í daj ani ruhua ni é re' sisí hua 'ueé nin' ruhua xánj án re' rún' hua xata' hua xánj án re', ruhua á re'. Sani gan'anj án re' rian mán ni ngüi gahui', guil'yā. —Daj gataj Jesús.

¹⁶Ngaa ni gataj Jesús gunun ni tsínj nico' sij:

—Ni ngüi unun si ataj á re', ni hué daj gunun ni sij si-nuguan'anj nej. Sani sisí danicaj ni ngüi ni é re', ni hué daj danicaj ni sij man'anj nej. Ni ni ngüi danicaj man'anj, ni hué daj danicaj ni sij Yan'anj nej. —Daj gataj Jesús.

Regreso de los setenta

¹⁷Hué dan ni nanicaj huq'nij xia chi' ni tsínj gan'anj daj. Ni hua nia' ruhua ni sij. Ni gataj ni sij gunun Jesús:

—Señor, ni da' ni nané xi'i dagahuin rian ni únj ngaa a'mi únj si-xugüi man'án re'. —Daj gataj ni sij.

¹⁸Ngaa ni gataj Jesús:

—Daj rún' yoq ahui du'ui xata', ni da'nga' daj guini'inj 'na' guinij

sichre Satanás xata' aj. ¹⁹Hua riquij si gahuin nucuaj á re' si gurun a ni é re' rian xucuáj nga xiquin nej. Ni si gui'yaj xi'i xú' rian án re' mánj. Ni ga'ue gui'yaj gana ni é re' rian si-fuerza sichre Satanás. Ni nitaj si guiran' a ni é re', gui'yaj a 'ngo ni nuguan' quij nan mánj. ²⁰Ni hua yya dagahuin ni nané xi'i si ataj á re'. Sani si gahuin nia! ruhua ni é re' xi'i si unun ni nané xi'i si ataj á re' mánj. Sani gahuin nia! ruhua á re' si hua nica si-xugüi a ni é re' ta rian yanxata', 'yaj Yan'anj. —Daj gataj Jesús rian huaj'nij xia chi' ni tsínj daj.

Jesús se regocija

²¹Hué hora daj ni gahuin nia! ruhua Jesús, gui'yaj Espíritu Santo. Ni gataj sij gunun Yan'anj:

—A'mi sa'āj rián re' huín re' chrē nne xata!. Ni nicáj re' nin' sun xata' nga rian xungüi nica' nej. Ni a'mi sa'āj rián re' xi'i si digyán re' nuguan' sa' nan rian ni tsínj nitaj si huin achij. Ni garij hui re' nuguan' sa' nan rian ni tsínj ni'i sa' nga ni tsínj chruñ ga'í nuguan' nej. Ni da'nga' daj garan' ruhuá re' gui'yáj re' huín re' chrē nne xata!. —Daj gataj Jesús gunun Yan'anj.

²²Ngaa ni gataj Jesús gunun ni ngüi:

—Riqui chrē daran' ni rasun riānj. Ni a 'ngo ni ngüi nun ni'i daj hua man'ānj huinj da'níj Yan'anj. Sani urin chrē ni'i aj. Ni ni a 'ngo ni ngüi nun ni'i daj hua chrē. Sani urinj ni'i daj hua chrē si huinj da'níj Yan'anj. Ni un ngüi rian garan' ruhuaj digyānj, ni ga'ue digyānj rian ni sij daj hua chrē. —Daj gataj Jesús.

²³Ngaa ni ni'yaj Jesús rian urin ni tsínj nico' sij. Ni gataj sij:

—Hua 'ueé rian ni tsínj acaj cuenta daj hua man'ānj daj rún' acaj cuenta á re' ni'yaj á re' rian xi'i. ²⁴Daj si asij ná, ni gahuin nico ni tsínj ga'mi si-nuguan' Yan'anj nga nico ni rey gahuin ruhua guini'i ni sí' si ni'i ni é re' acuan!. Sani nun guini'i ni sij. Ni gahuin ruhua ni sij gunun ni sij si unun ni é re'. Sani nun gunun ni sij mánj. —Daj gataj Jesús gunun ni sij.

El buen samaritano

²⁵Ngaa ni naxuman 'ngo tsínj digyán ley ga'mi sij nga Jesús. Ni gahuin ruhua sij xacaj sij cuenta xi'i si-nuguan' Jesús. Ni nachínj snan'anj sij Jesús. Ni gataj sij:

—Maestro, daj gui'yā, ni gane nigān nga Yan'anj únj. —Daj gataj sij gunun Jesús.

²⁶Ngaa ni gataj Jesús:
—Daj ataj si-ley Yan'anj ayá re' únj.
—Daj gataj Jesús.

²⁷Ni gataj tsínj daj:
—“Gahuin 'i ruhua né! ni'yaj né! Señor huin Dan'anj né! nga nin' niman né!. Ni gahuin 'i ruhua né! ni'yaj né! Yan'anj nga daran' si-fuerza né!. Ni gahuin 'i ruhua né! ni'yaj né! Yan'anj nga nin' sta'nga' né!. Ni daj rún' 'i ruhua né! ni'yaj né! man'an né!, ni da'nga' daj gahuin 'i ruhua né! ni'yaj né! ni dugüi' né! nej.” —Daj gataj tsínj daj gunun Jesús.

²⁸Ngaa ni gataj Jesús:
—Dugu'naj huaj atáj re'. Sisi da'nga' daj gui'yáj re', ni gane niganj re' nga Yan'anj nánj. —Daj gataj Jesús.

29 Sani man'an tsínj daj, ni gahuin ruhua sij sisí guini'i Jesús sisí tsínj sa' huin sij. Xí'lí daj ni nachínj snan'anj sij Jesús. Ni gataj sij:

—Ni un tsínj huin dugüi'ij únj. —Daj gataj sij.

30 Ngaa ni nani Jesús 'ngo cuento gunun sí!. Ni gataj sij:

—Gahui 'ngo tsínj daj xuman' Jerusalén huaj sij chrej xuman' Jericó. Ni gahui ni tsínj tu. Ni ga'nej ni sí! si-gan' tsínj huaj daj. Ni ga'ui! ni sí! sij. Ni guiran' xí'lí sij, gui'yaj ni sí!. Ni doj ni gahui' sij ngaa gan'anj ni sí!. **31** Ngaa ni huaj 'ngo chrej niquin' rian ni tsínj israelita chrej daj. Sani ngaa guini'i sij ngaj tsínj guiran' xí'lí daj, ni gachin anéj sij rian sí! gan'anj sij. **32** Ni huaj 'ngo tsínj levita chrej daj nej. Ni ngaa guini'i sij tsínj daj, ni gachin anéj sij gan'anj sij nej.

33 Sani huaj 'ngo tsínj samaritano hué güe chrej daj. Ni tsínj 'na' anéj chrej huin sí!. Ni ngaa guini'i sí! tsínj ngaj daj, ni gahuin 'i ruhua sí! ni'yaj sí! sij. **34** Ni gahuin nichrun' tsínj samaritano daj. Ni gui'yaj gono'o sij gasiti nga nnee vino tsínj guiran' xí'lí daj. Ni gumi sij atsij rian guiran' xí'lí sí!. Ni dagahui sij sí! xiráj dánj sij xucu. Ni nacaj sij gan'anj sij mesón. Ni dugumi sij man'an sí!. **35** Ngaa ni ango güi ngaa huin ruhua sij gan'anj sij, ni guiri sij huij san'anj huin denario ga'ui! sij ra'a tsínj dycua huin mesón. Ni gataj sij: "Dugumi re' tsínj nan. Ni sisí gutin' re' huaj, ni man'anj naru'ue rián re' ngaa nacanica ruhua' yún ga'naj." —Daj nani Jesús cuento rian tsínj digyán ley daj.

36 Ngaa ni nachínj snan'anj Jesús sí!. Ni gataj sij:

—Ngaa ni daj hua yya ni hua'nij tsínj gachin daj gahuin tsínj nicaj dugüi' rian tsínj guiran' xí'lí daj, ruhua man'án re' únj. —Daj gataj Jesús.

37 Ngaa ni gataj tsínj daj:

—Hué tsínj gahuin 'i ruhua ni'ya tsínj guiran' xí'lí, ruhuáj aj. —Daj gataj tsínj digyán ley daj.

Ngaa ni:

—Güij re' ni da'nga' daj gui'yaj man'án re' nej. —Daj gataj Jesús.

Jesús visita a Marta y María

38 Ni ngaa huaj Jesús chrej, ni guisíj sí! 'ngo xuman' rian nun 'ngo yun'unj xana gu'naj Marta. Ni gunáj Jesús ducuá ún!, gui'yaj ún!. **39** Ni hua 'ngo xugüi'ij Marta gu'naj María. Ni gan'anj gane María dacój Jesús unun ún! si ataj Jesús. **40** Ni da nahuij ruhua Marta 'yaj sun ún!. Ngaa ni gahuin nichrun' ún! rian Jesús, ni nachínj snan'anj ún!:

—Señor, un sin huin ni nitaj si nahuij ruhuá re' sisí urinj duna xugüi'ij rian daran' ni rasun 'yá nan únj. Gataj re' gunun unj si chracuij unj yünj anj. —Daj gataj Marta gunun Jesús.

41 Ngaa ni gataj Jesús:

—Marta, Marta, nahuij ruhuá re' nge daran' ni sun 'yáj re'. Ni na'ue gahuin din'inj ruhuá re' mánj.

42 Sani hua urin nuguan' sa' huin si níyanj. Ni hua nacui María nuguan' sa' daj. Ni ni a 'ngo ni ngüi si ga'ue gataj sisí si gunun María si-nuguan'ānj mánj. —Daj gataj Jesús.

Jesús y la oración

11 Ngaa ni 'ngo yun nne Jesús 'ngo yu'u'j gachínj jni'yaj sij rian Yan'anj. Ni ngaa ganahuij gachínj jni'yaj sij, ni gataj 'ngo tsínj nico' sij:

—Señor, digyán re' rian únj daj ga'mi únj ngaa gachinj jni'yaj ni únj rian Yan'anj daj rún' digyán Juan rian ni tsínj nico' sí', ruhua únj. —Daj gataj tsínj daj.

²Ngaa ni gataj Jesús:

—Ngaa gachinj jni'yaj á re' rian Yan'anj, ni gataj á re'!

Chrej ni únj huín re' nné re'
xata'!

Ni huin ruhua únj si ga'mi 'ueé
ni ngüi xi'í si-xugüi man'án
re'!

Ni huin ruhua únj si ga'na' re'
guinicaj re' sun rian ni ngüi,
ruhua ni únj.

Ni daj rún' dagahuin sa' ni
ángel mán xata' rian man'án
re', ni da'nga' daj dagahuin ni
ngüi mán nica' rian man'án
re', ruhua únj nej.

³Ni ríqui re' si xá ni únj da'
go'ngo güi.

⁴Ni guinicaj re' 'ngo niman nico
xi'í si-gaquin' únj si da'nga'
daj nicaj únj niman nico xi'í
gaquin' 'yaj dugüi' únj rian
únj nej.

Ni si duná re' si gatsij sichre
niman ni únj mánj.

Sani ga'mi re' sisi si güi'yaj gana
si quij rian únj.

Da'nga' daj gataj á re' ngaa gachinj
jni'yaj á re' rian Yan'anj. —Daj gataj
Jesús gunun ni sij.

⁵Ni gataj ruhua' yún Jesús:

—Gu'yó' cuenta sisi hua 'ngo tsínj
nicaj dugüi' ngä 'ngo ni é re'. Ni
huaj sij yan' sa' ducuá sí'. Ni gataj
sij gunun sí': "Jnajan, chracuij re'
hua'nij chrachrúnj xa 'ngo dugüi'íj
'na' ducuaj. ⁶Ni huaj sij chrej, sani
nitaj si guiri'líj ga'uij xá sij mánj."

Daj gataj sij rian dugüi' sij. ⁷Sani
gataj tsínj nne chruhua hue' gunun
dugüi' sij: "Si ga'na' chran' yun'únj
re' yünj mánj. Hua ránj rian hue'. Ni
ngā ngä ni da'ní rian nna. Si ga'ue
nachicaj ríqui rián re' mánj." Daj
gataj sij, ruhua á re' únj. Sé daj
gataj sij mánj. ⁸Ni atā gunun a ni é
re' sisi nunj si na'uej sij nachica sij
ga'ui' sij xi'í si nicaj dugüi' tsínj daj
ngä sij, sani xi'í si ducu requé sí', ni
nachica sij ga'ui' sij daran' si achínj
sí'.

⁹Así ni atā gunun a ni é re' sisi
gachinj jni'yaj á re' rian Yan'anj. Ni
ríqui Yan'anj rian án re'. Nano' a ni
é re' nuguan' sa', ni nari' a ni é re'.
Ni güi'yaj á re' rún' 'yaj 'ngo tsínj
ita ra'a rian hue', ni na'ní Yan'anj
gatu a ni é re' aj. ¹⁰Daj si daran' ni
ngüi achínj, ni ri' ni sij. Ni ni ngüi
nano', ni nari' ni sij nej. Ni ni ngüi
ita ra'a rian hue', ni na'ní Yan'anj
gatu ni sij nej. ¹¹Ni sisi da'níj ni é re'
achínj chrachrúnj xaj, ni ga'ue ga'ui'
a ni é re' yej ra'a ní'. Ni ngaa achin
'ngo xucuaj, ni ga'ue ga'ui' a ni é
re' 'ngo xucuáj xá sij ní'. Sé daj huin
mánj. ¹²Ni ga'ue ga'ui' a ni é re' 'ngo
xiquin ra'a da'níj a ni é re' ngaa
achin chruj ní'. Sé daj huin mánj.

¹³Tsínj xi'í huin a ni é re'. Sani ni'i a
ni é re' si hua sa' ga'ui' ni é re' xá ni
da'níj ni é re'. Yu'uj daj ni huaj nin'
ruhua si ríqui yya chrej a ni é re'
nne xata' Espíritu Santo rian ni ngüi
achínj Espíritu Santo rian-án'. —Daj
gataj Jesús gunun ni tsínj nico' sij.

Una casa dividida contra sí misma

¹⁴Ni 'ngo güi ni guiri Jesús 'ngo
nané xi'í niman 'ngo tsínj na'ue
ga'mi daj. Ni gaxi'líj sí' ga'mi sí'.

Ni gahuin yan'anj ruhua ni ngüi
guini'i ni sij si gui'yaj Jesús. ¹⁵Sani
ga'mi go'ngo ni sij xi'lí Jesús. Ni
gataj ni sij:

—Xi'lí si-fuerza man'an sichre
gu'naj Beelzebú, ni ri Jesús ni nane
xi'lí niman ni ngüi. —Daj gataj da'aj
ni sij.

¹⁶Ni gachínj ango da'aj ni sij sisí
gui'yaj Jesús 'ngo si sa' 'na' xata'.
Daj si huin ruhua ni sij guta' ni sij
gaquin' xiráj Jesús. ¹⁷Sani ni'i Jesús
si ani ruhua ni sij. Ngaa ni gataj sij:

—Sisí unun' ni dugüi' 'ngo
ducuasun, ni guere' xuman' daj,
gui'yaj ni man'an ni sij mán sij.
Ni sisí unun' 'ngo tsínj daj nga ni
dugüi' sij mán ducuá sij, ni guere'
ni sij nej. ¹⁸Hué daj huin sisí unun'
sichre Satanás nga ni nane xi'lí, ni
daj ga'ue gunucuaj rian nicaj sun
sichre Satanás, ruhua á re' únij. Ni
da'nga' daj nachínj snan'ān a ni é
re' xi'lí si ataj á re' si rij nane xi'lí
chruhua niman ni ngüi nga si-
fuerza Beelzebú. Sani sé si xanga'
huin mánj. ¹⁹Sani sisí rij ni nane
xi'lí niman ni ngüi nga si-fuerza
Beelzebú, ngaa ni un tsínj riqui
sisí guiri ni tsínj nico' ni é re' nane
xi'lí niman ni ngüi, ruhua á re' únij.
A'mi ni sij nga ni nane xi'lí, ruhua
á re' ní'. Hué dan ni digyán ni sí'
sisí nitaj si hua nica ruhua á re'
mánj. ²⁰Sani sisí hua yya rij nane
xi'lí chruhua niman ni ngüi 'yaj
ra'a man'an Yan'anj xanga', ngaa
ni huin ruhuaj gata sisí ga'na' guisi
si guinicaj sun Yan'anj scanij a ni é
re' aj.

²¹'Gu'yo' cuenta daj 'yaj 'ngo
tsínj hua nucuaj nne ducuaj. Ngaa
hua xirúnj si chria' sij dugumi sij

ducuá sij, ni hua xitinj ruhua sij nne
sij nga daran' si nara sa' sij. ²²Sani
ngaa 'na' ango tsínj nucuaj doj daj
nga man'an sij, ni gui'yaj gana sí'
rian sij. Ni ga'nej sí' xirúnj si chria'
sij nga ango ni rasun nara sa' sij. Ni
gura' da'aj sí' nga ni dugüi' sí'.

²³'Ni tsínj nitaj si nicaj dugüi'
ngaj, ni unun' sij ngaj. Ni tsínj
nitaj si naran' strigo ngaj, ni re'e
sij strigo aj. Ni 'yaj sij sisí na'ue
guinicó' ni ngüi man'ānj. —Daj
gataj Jesús.

El espíritu inmundo que vuelve

²⁴Ngaa ni gataj ruhua' yún Jesús:
—Ni ngaa gahui nane xi'lí niman
'ngo tsínj daj, ni chéj nane xi'lí 'ngo
yu'uj hua naco nano' sij ni a naranj
ruhuaj. Sani nun nari' sij rian
naranj ruhuaj. Ngaa ni: "Nanicá
ruhua' yún ducuaj rian gahui", ataj
nane xi'lí daj. ²⁵Ni ngaa nanicaj nane
xi'lí daj, ni nari' sij 'ngo hue' hua
ní'nij. Ni hua naca' ne. Ni nagui'yaj
sa' ne hue' daj. Ni da'nga' daj rún'
huin hue' daj, hué daj huin niman
tsínj daj. ²⁶Ngaa ni gan'anj nane
xi'lí daj. Ni nano'-ó' ango ichij nane
xi'lí quij hua daj nga man'an sij.
Ni daran' ni nane xi'lí daj ganatu
nuguan'an niman tsínj daj ruhua'
yún gane-é'. Ni guiran' tsínj daj nico
sayun daj nga si guiran' sij asij sini
yan. —Daj gataj Jesús gunun ni sij.

Los que en verdad son bienaventurados

²⁷Ni diaj hua a'mi Jesús, ni
gaguáj 'ngo yun'unj xana nne scanij
ni ngüi. Ni gataj ún':
—Hua 'ueé rian nní re' xi'lí si
guchruj ún' man'ān re'. Ni dugutsi

ún' man'án re' nej. —Daj gaguáj yun'unj x̄ana daj.

28 Sani gataj Jesús:

—Hua 'ueé rian ni ngüi unun si-nuguan! Yan'anj. Ni' yaj ni sij daj rún' ataj Yan'anj gunun ni sij nej. —Daj gataj Jesús.

La generación perversa demanda señal

29 Ni gahuin nico ni ngüi nahuin yu' xi'níj Jesús. Ngaa ni gaxi'lí Jesús ga'mi sij. Ni gataj sij:

—Sé ni ngüi sa' huin ni ngüi mán yyaj. Achínj ni sij 'ngo si sa' 'na' xata', gui'yā. Sani si gui'yā 'ngo si sa' guini'lí ni sij mánj. Urin si guiran' tsínj gu'naj Jonás asij ná huin si guini'lí ni sij aj. **30** Ni daj rún' gui'yaj Yan'anj 'ngo si sa' nico nga Jonás guini'lí ni ngüi guimán xuman' Nínive asij ná, ni da'nga' daj gui'yaj Yan'anj nga man'ánj guini'lí ni ngüi mán yyaj huinj da'níj ni ngüi.

31 Ni ngaa guisij güi nagui'yaj yya Yan'anj nga ni ngüi, ni ganiquin' reina 'na' ne' sur gataj ún' sisi da'ui ni ngüi mán yyaj gaquin!. Daj si ga'na' ún' da' xi'l nin' xungüi gunun ún' si-nuguan' tsínj gu'naj Salomón. Ni huin chruñ sí' si-nuguan! Yan'anj. Sani huin achij man'ánj daj nga Salomón rian án re'. **32** Ni güi ganahuij xungüi ngaa nagui'yaj Yan'anj xi'l si-gaquin' ni tsínj, ni naxuman ni tsínj guimán xuman' Nínive asij ná nga ni tsínj man acuan!. Ni gataj ni tsínj daj sisi da'ui ni tsínj man acuan' gaquin!. Daj si ganani ruhua ni tsínj guimán Nínive daj xi'l si-gaquin' ni sij ngaa gunun ni sij si nata' Jonás si-nuguan! Yan'anj gunun ni sij. Sani

huin achij man'ánj daj nga Jonás rian án re'.

La lámpara del cuerpo

33 Ni gataj ruhua' yún Jesús: —Ni sé si gari hui' 'ngo candil ngaa arún' yan'an chra-á!. Ni si gune' riqui chrúnj mánj. Sani guto' xata' sisi guixiguin rian ni ngüi gatu chruhua hue!

34 Rún' huin 'ngo yan'an xiguin, ni da'nga' daj huin rundij rian né!. Ni ngaa xiguin sa' rundij rian né!, ni ni'yaj sa' né!. Sani sisi nitaj si xiguin sa' rundij rian né!, ni na'ue nari' né' 'ngo chrej sa' gan'anj né!. Daj si hua rumi' rian né!. **35** Ga cuidado rian án re' sisi xiguin sa' chruhua niman án re'. Ngaa ni si ga rumi' rian nne ni é re' mánj. **36** Ni sisi xiguin sa' chruhua niman né!, ni nitaj si hua rumi' rian nne né' mánj. Daj si xiguin sa' chruhua niman né' ni'yaj né' daj rún' 'yaj 'ngo yan'an xiguin. —Daj gataj Jesús gunun ni ngüi.

Jesús acusa a fariseos y a intérpretes de la ley

37 Ni ngaa ganahuij ga'mi Jesús, ni gaquínj 'ngo tsínj fariseo xá Jesús ducuá sí!. Ni gatúj Jesús gan'anj gane sij rian mesa. **38** Ni gahuin yan'anj ruhua tsínj daj ngaa guini'lí sij sisi nun nania' nico Jesús asij ngaa achin xá nungüej sij. **39** Sani gataj Señor gunun sij:

—Ni tsínj fariseo huin ni é re'. Ni na'nin' sa' á re' xiráj tasa nga xiráj go'o nej. Sani ne' chruhua niman án re', ni man nin' ruhua si quij hua. Daj si 'yaj tu a ni é re', ni 'yaj quij a ni é re' nej. **40** Tsínj nitaj si unun huin ín re'. Ni'i a ni é re' sisi gui'yaj

Yan'anj nneeg cút né!. Nig da'nga! daj nun ni*i* a ni é re'g sisigui'yaj Yan'anj niman né' ní!. ⁴¹Saniga'u*l*' a ni é re'gda'a*j* si'yaj á re'g rian ni ngüil niqui, ngaa nixacaj á re'g cuenta sisighua sa'gchrej chéj a ni é re'g aj.

⁴²'Sanig ducu niqui niman án re'g ni tsínj fariseo. Daj si guiran'g ni é re'g nico sayun. Aya á re'g rumi coj nun stila ngaa coj ruda nej, daran'g ni cuej nej. Nig ngaa guisij ichi'g rumi, ni a'u*l*' ni é re'g 'ngo rumi rian Yan'anj. Sanigdunáj a ni é re'g si guiyaj nicá á re'g rian dugüi'l a ni é re'g. Nig nitaj si '*i* ruhua á re'g ni'yaj á re'g Yan'anj mánj. Sanig huin ruhua Yan'anj sisi guiyaj á re'g ni nuguan'g nico nan. Ni na'uej ruhua Yan'anj sisigdunáj á re'g nga ango nuguan'g le mánj.

⁴³'Ducu niqui niman ni é re'g tsínj fariseo. Guiran'g ni é re'g nico sayun. Daj si aran'g ruhua á re'g gane a ni é re'g chrun xila sa'g doj niquin'g chruhua nuhui. Nig aran'g ruhua ni é re'g si garun du'ua ni ngüil ra'a ni é re'g rian yu'ue.

⁴⁴'Nig ducu niqui niman án re'g huin ín re'g ni tsínj fariseo. Tsínj digya'gyun'unj huin ín re'g. Nig rún'g hua rian achin'g ni ngüil níman daj huin ín re'g. Nig nun ni'i ni ngüil. Nig rún'g hua ngaa xinga ni ngüil a nun ni'i ni sij ngaj níman, nig run ni sij da'nga! da huin ín re'g. Daj si nun ni'i ni sij sisig quij ninin'g ruhua hua niman án re'g. —Daj gataj Jesús gunun ni sij.

⁴⁵Ngaa nig gataj 'ngo tsínj digyán ley rian Jesús:

—Maestro, ngaa a'mí re'g daj, ni a'mí quíj re'g rian ni únj nej. —Daj gataj sij.

⁴⁶Sanig gataj Jesús:

—Ducu niqui niman án re'g tsínj digyán ley. Daj si guiran'g ni é re'g nico sayun. Nig rún'g 'yaj ni tsínj arun carga ya'l*l* xiráj ni xucu daj, 'yaj á re'g nga ni ngüil. Nig ya'l*l* ninin'g ruhua carga daj. Nig na'ue gunucuaj ni sij gache ni sij. Nig a doj na'ue chracuaj a ni é re'g ni sij nga urin ra'a ni é re'g ga mánj.

⁴⁷'Nig ducu niqui niman án re'g xi'lí sayun guiran'g án re'g. Daj si 'yaj á re'g ni chrang rian ngaj ni níman ni tsínj ga'mi si-nuguan'g Yan'anj asij ná. Nig dagahui'g ni xi ni é re'g ni sí!. ⁴⁸Ni xi'lí si 'yaj quij ni é re'g, nig da'nga! daj digyán ni é re'g sisig ga nicá ruhua á re'g nga si guiyaj ni xi a ni é re'g. Daj si hua yya dagahui'g ni sij ni sí!. Sanig 'yaj ni é re'g ni chrang rian achin'g ni sij aj.

⁴⁹'Nig rian ni'i sa'g Yan'anj, nig gataj-á: "Ga'ní ni tsínj ga'mi si-nuguan'g nga ni tsínj guiyaj sun riánj nej. Nig dagahui'g ni sij go'ngo ni sí!. Nig guinicó'g ni sij ango ni sí!.

⁵⁰Nig asij guiyaj Yan'anj xungüil, nig dagahui'g ni sij ga'i ninin'g ruhua ni tsínj nata'g si-nuguan'g Yan'anj rian ni ngüil. Sanig da'u*l* ni ngüil mán yyaj si-tun man'an ni sí!. ⁵¹Nig da'u*l* sini ni sij si-tun man'an tsínj gu'naj Abel. Nig ganahui da'g si-tun man'an Zacarías huin si da'u*l* ni sij. Nig dagahui'g ni sij sí! dani nna yej nga ducuá Yan'anj." Da'nga! daj atá gunun a ni é re'g sisig da'u*l* ni ngüil mán yyaj gaquin'l, guiyaj ni tsínj daj.

⁵²'Nig ducu niqui niman án re'g ni tsínj digyán ley. Guiran'g ni é re'g nico sayun. Daj si aránj ni é re'g si-chrej Yan'anj rian ni ngüil. Nig nun ga'ue gatu ni é re'g chrej daj nej. Ni

ni tsínj huin ruhua gatu, ni na'uej ruhua á re' gatu ni sij mánj. —Daj gataj Jesús.

⁵³Ni ngaa ga'mi Jesús ni nuguan' daj, ni ga'man nín' ruhua ni tsínj digyán ley nga ni tsínj fariseo. Ngaa ni gaxi'i ni sij nachínj snan'anj ni sij Jesús xi'í ga'i rasun. Ni chran' yun'unj ni sij sí' nej. ⁵⁴Daj si huin ruhua ni sij sisi gache du'ua Jesús xi'í si ga'mi sí'. Ngaa ni ga'mi gaquin' ni sij xi'í sí', ruhua ni sij.

La levadura de los fariseos

12 Hué dan ni nahuin yu' ga'i mil ni ngüi rian huaj Jesús. Ni da run 'ngo run ango ni sij.

Ni gaxi'i Jesús ga'mi sí'. Ni gataj sini sí' rian ni tsínj nico' sí':

—Gá cuidado ni é re' nga si-levadura ni tsínj fariseo. Daj si tsínj digya' yun'unj huin ni sij. Nitaj si 'yaj ni sij daj rún' a'mi ni sij. ²Sí ga'ue gari hui ni ngüi 'ngo ni nuguan' mánj. Ni sí ga'ue gari hui ni ngüi si 'yaj ni sij mánj. Sani hua 'ngo güi, ni naxira' daran' ni nuguan' gari hui ni ngüi aj. ³Hué dan ni daran' si ga'mi a ni é re' rian hua rumi', sani gunun ni ngüi ni nuguan' daj rian hua xiguin yan'an. Ni daran' ni nuguan' ga'mi hui ni é re' ngaa naránj ni é re' rian ducuá re' ngaa ga'mi hui ni é re', ni gaguaj ni sij xe' gunun daran' ni ngüi aj. —Daj gataj Jesús.

A quién se debe temer

⁴Ngaa ni gataj Jesús gunun ni sij: —Ni huin ni é re' ni tsínj nicaj dugüi' ngáj. Ni ataj snan'an gunun ni é re' sisi si guxu'ui' ni é re' rian ni tsínj ga'ue dagahui' nnee cúj

né!. Ngaa sij ni nitaj ango si guil'yaj ni sij nga né' ga mánj. ⁵Sani gatá gunun a ni é re' un sin rian guxu'ui' ni é re': Hué guxu'ui' ni é re' rian Yan'anj xanga!. Daj si ngaa gahui' ni é re', guil'yaj Yan'anj, ni gataj Yan'anj un ngüi gan'anj rian yan'an. Ngaa ni hua si xi'i xu'ui' ni é re' rian Yan'anj anj.

⁶Xanga' ane' un'un' xataj le huij san'anj moneda aj. Sani nitaj si ni'yun ruhua Yan'anj go'ngo ni xuj mánj. ⁷Hué daj nga ni é re', ni aya Yan'anj da' go'ngo hueé chra ni é re'. Xi'í daj ni sí guxu'ui' ni é re' mánj. Daj si huaj ní'yanj ni é re' rian ni xataj aj. —Daj gataj Jesús gunun ni sij.

El que me confesare delante de los hombres

⁸Ngaa ni gataj Jesús:

—Ataj snan'an gunun a ni é re' sisi daran' ni tsínj nata' sisi nico' ni sij yünj rian ni ngüi, ngaa ni nataj rian ni ángel nne nga Yan'anj sisi tsínj nico' man'anj huin ni sij. ⁹Sani daran' ni tsínj na'uej ruhua nata' rian ni ngüi si nico' ni sij man'anj, ni na'ue nataj rian ni ángel nne nga Yan'anj sisi tsínj nico' man'anj huin ni sij mánj.

¹⁰Gá'ue guinicaj Yan'anj 'ngo niman nico xi'í ni ngüi ga'mi quij rian da'níj ni ngüi huin man'anj. Sani si guinicaj Yan'anj niman nico xi'í ni ngüi ga'mi quij xi'í Espíritu Santo mánj.

¹¹Ni ngaa nicaj ni sij ni é re' gan'anj án re' si-nuhui ni tsínj israelita nga rian güesi nga rian ni tsínj nicaj sun, ngaa ni sí gahuin ruhua á re' si daj gataj á re' ngaa

nachinj snan'anj ni sij ni é re' mánj.
12Daj si ngaa guisij hora ga'mi a ni é re', ni digyán man'an Espíritu Santo si ga'mi a ni é re' rian ni sí!. —Daj gataj Jesús gunun ni tsínj nico' sij.

El rico insensato

13Ngaa ni gataj 'ngo tsínj niquin' scanij ni ngüi gunun Jesús:

—Maestro, gataj re' gunun jnān si gura' da'aj sij si dunáj chrej nungüej únj. —Daj gataj tsínj daj.

14Ngaa ni gataj Jesús:

—Jnánj né', un sin huin ani ruhuá re' sisi gahuin man'anj tsínj gui'yaj yya scanij ni é re' únj. Ni un sin huin ni ga'mi xí'lí rasun hua rian nungüej jnánj re', ruhuá re' únj. —Daj gataj Jesús.

15Ngaa ni gataj Jesús gunun ni ngüi:

—Ga cuidado ni é re' sisi si gahuin xicoj ruhua ni é re' ngá ni rasun mán chruhua xungüi nan mánj. Sisi guíri' né' nico ni rasun gahuin si'yaj né', ni sé ni rasun daj gui'yaj si xacaj né' 'ngo chrej sá' mánj. —Daj gataj Jesús.

16Ngaa ni nani Jesús 'ngo cuento si digyán sij rian ni ngüi. Ni gataj sij:

—Hua 'ngo tsínj xuru'ue. Ni sá' nín' ruhua ga'uej xiná sij. **17**Ngaa ni gani ruhua tsínj xuru'ue daj: "Daj gui'yá, ni nitaj rian nára sá'áj ni rasun nan mánj." Da'nga' daj gani ruhua sij. **18**Hué dan ni gataj sij gunun man'an sij: "Hua ni'ínj daj gui'yá. Ga'né ni si-gurúj, ni nagui'yaj xachij ruhua' yünj angoj. Ni nára sá'áj daran' ni si guíri'i jíj nga daran' ni rasun mán nej. **19**Hué

dan ni gatá gunun nimánj sisi máñ nico ni rasun daj riānj. Ni guísi ga'i yo!. Ni ga'ue náranj ruhuáj, ni xaj, ni go'ój nej. Ni ga'ue gáhuin niá' ruhuáj nej. Daj gatá gunun nimánj." Daj gani ruhua tsínj xuru'ue daj. **20**Sani gataj Yan'anj gunun sij: "Tsínj ni'yun huín re'. Hué gue ni nan gáhuí' re'. Ni un sin si'yaj gáhuin si nara sá' re', ruhuá re' únj." Daj gataj Yan'anj. **21**Da'nga' daj gáhuin guíran' tsínj ri' nico ni rasun ngaa huin-ín' güenda urin man'an sij. Ni niqui niman sij rian Yan'anj si nitaj ni rasun sá' nicaj sij güenda Yan'anj mánj. —Daj gataj Jesús.

El afán y la ansiedad

22Hué dan ni gataj Jesús gunun ni tsínj nico' sij:

—Xi'lí daj gatá gunun a ni é re' sisi si gáhuin ruhua ni é re' ngá si xá ni é re' guiman ni é re' mánj. Ni si gáhuin ruhua á re' ngá atsij gunun ni é re' nej. **23**Ni'lí ni é re' sisi hua ni'ná' né', gui'yaj Yan'anj. Ni sisi hué daj huin, ni nucuaj Yan'anj gui'yá sisi hua si xá né' nej. Ni gui'yaj Yan'anj nnee cú!. Ni sisi nucuaj Yan'anj gui'yá nnee cú', ni ga'ue ríqui sisi hua si-gan' né' nej.

24'Ni'yaj ni é re' ni xaca. Nitaj si unun xuj nna. Ni nitaj si ri xuj nna nej. Ni nitaj si-guru xuj nej. Sani a'u'i Yan'anj si xa xuj. Ni ní'yanj doj ni é re' daj ngá ni xataj nej aj. **25**Ni ga'ue gáhuin xacan ni é re' doj xi'lí si náñ ruhua ni é re' ní'. Si ga'ue mánj.

26Hué dan ni sisi si ga'ue gui'yaj á re' nuguan' le doj, ni daj ga'ue gui'yaj á re' nuguan' nico doj, ruhua á re' únj.

27'Ni'yaj á re' daj achij yaj lirio. Nitaj si 'yaj sun yaj. Ni nitaj si hua'a

yaj yu'uej nej. Sanj atā gunun ni é re' sisj hua nia' nin' ruhua yaj daj, daj nga tsínj gu'naj Salomón ngaa gunun sí' atsij sa' nin' ruhua. ²⁸Ni yyaj ní man coj riqui quij. Ni a'yoj gari yan'an ni sij coj daj. Ni gaca-á! Ni sisj Yan'anj 'yaj sisj hua nia' ni coj, ni huaj nin' ruhua riqui-í si-gan' ni é re' nej. Sanj huin ni é re' ni tsínj xuman doj ruhua ni'yaj Yan'anj.

²⁹Hué dan ní si gahuin ruhua á re' nga si xá á re' nga si go'o ni é re' mánj. Ni si guiriun ruhuá re' mánj. ³⁰Daj si hué xi'í ni rasun nan huin si nani ruhua ni ngüi nitaj si xuman ruhua ni'yaj Yan'anj. Sani ni'i chrej ni é re' un rasun achin rian án re'. ³¹Sani náno' sini a ni é re' sisj nicaj Yan'anj sun niman án re'. Hué dan ní riqui Yan'anj daran' rasun nan rian án re' nej.

³²Rún' huin 'ngo xi'nin' xachij dugumij daj huin ni é re'. Yu'uj daj si guxu'ui' ni é re' mánj. Doj ni é re' huin, sanj hua ani ruhua chrej ni é re' riquij rian nicaj sun-ún' gane ni é re' nga-á!

³³Gudu'ue ni é re' si'yaj ni é re'. Ni ga'ui' ni é re' rian ni ngüi yaco ran!. Ngaa ni ga'ue guiri' a ni é re' 'ngo nnij sa' rian gara sa' á re' sisj san'anj ni é re'. Ni nitaj si xutu nnij da mánj. Ni san'anj daj huin san'anj nara sa' ni é re' xata' rian nitaj si sij tsínj tu. Ni nitaj si náhuij san'anj da mánj. ³⁴Daj si rian nara sa' ni é re' si'yaj ni é re', ni hué yu'uj daj náni ruhua niman ni é re' nej.

El siervo vigilante

³⁵Daj rún' nanun chrún 'ngo tsínj daj si-gan' sij, ni da'nga' daj ga

chrún ni é re' nej. Ni daj rún' arun 'ngo tsínj daj yan'anj chrá candil sisj xiguín chrej huaj sij, ni da'nga' daj gui'yaj á re' nej. ³⁶Gana'uij a ni é re' daj rún' 'yaj ni si-moso 'ngo tsínj xuru'ue. Ana'uij ni sij si nüman sí' gan'anj sí' rian xacaj 'ngo tsínj yun'unj xána. Ni ana'uij ni moso daj sisj ná'ni yoq ni sij rian hue' ngaa guita ra'a sí' natu sí' chruhua hue'. ³⁷Ni hua 'ueé rian ni moso daj ngaa nun ruhua ni sij ana'uij ni sij 'ná' níqui tsínj ducua daj. Xanga' ataj snan'an gunun a ni é re' sisj gane ni sij rian mesa gui'yaj sí'. Ni gui'yaj sun sí' rian ni sij ga'ui' sí' si xá ni sij. ³⁸Ni hua 'ueé rian ni moso daj sisj nun ruhua ni sij ana'uij sij mán ni sij si yan' sa' si guerenga' si 'ná' níqui tsínj ducua daj. ³⁹Gunun sa' á re' nan. Sisi guini'i 'ngo tsínj 'ducua daj un hora ga'na' 'ngo tsínj tu, ni dugumi sa' sij ducuá sij. Ni si ga'nij sij ná'ni sí' gatu sí' ducuá sij, gui'yaj tu sí' mánj. ⁴⁰Ni da'nga' daj gui'yaj a ni é re' ga chru guiman án re'. Daj si ga'na' man'anj hué gue hora nitaj si ani ruhuá re' huínj da'níj ni ngüi. —Daj gataj Jesús gunun ni tsínj nico' sij.

El siervo infiel

⁴¹Ngaa ni nachínj snan'anj Pedro Jesús. Ni gataj sij:

—Señor, naní re' cuento nan urin rian ni únj ní!. Así rian daran' ni ngüi sa!. —Daj gataj Pedro.

⁴²Ngaa ni gataj Señor:

—Ni hua 'ngo tsínj nicaj yun'unj moso. Ni dugumi sij ni moso daj, gui'yaj xuru'ue. Ni a'ui' sa' sij si xá ni sí' ngaa ruhua guisij hora xa ni sí!. Ni sisj dagahuin sa' tsínj daj

si-sun sij, ni daj gui'yaj xuru'ue daj nga sij, ruhua á re' únij. ⁴³Ni ga 'ueé rian tsínj nicaj yun'unj moso daj sisi hua gacuij sij ngaa 'na' ni qui xuru'ue nari' sí' sij. ⁴⁴Xanga' atā gunun a ni é re' sisi guinicaj tsínj daj sun dugumi sij daran' si'yaj xuru'ue daj, gui'yaj sí'. ⁴⁵Sani sisi gani ruhua tsínj nicaj yun'unj moso daj sisi gahuin ran 'na' ni qui si-xuru'ue sij, ni gaxi'i sij ga'ui' sij ni tsínj nga ni yun'unj xana dugumi sij, ni gaxi'i sij xa nasa' sij, ni go'o nasa' sij da' gaxini sij. ⁴⁶Ni xi'í si nun ana'uij sij ga'na' si-xuru'ue sij, ni ga'na' sí' hué gué hora nitaj si ani ruhua sij si ga'na' sí'. Ni ducu gui'yaj sí' castigo sij. Ni guiran' sij sayun daj rún' guiran' ni tsínj nitaj si 'yaj gacuij, gui'yaj sí'.

⁴⁷Ni hua tsínj nicaj yun'unj ni'l si huin ruhua si-xuru'ue sij gui'yaj sij. Sani nun gui'yaj sij. Ni nitaj hua xugüi 'yaj sij ga'na' sí'. Yu'uj daj ni ducu duguayun sí' sij. ⁴⁸Sani hua ango tsínj nicaj yun'unj. Ni nun ni'i sij si huin ruhua si-xuru'ue sij gui'yaj sij. Ni sisi gui'yaj sij rasun nun ga'uej ruhua si-xuru'ue sij gui'yaj sij, sani doj gayun sij, gui'yaj sí' xi'í si nun ni'i sij.

'Ni sisi a'ui' nico Yan'anj rian 'ngo tsínj daj, ni huin ruhua Yan'anj sisi gui'yaj 'ueé sij nga si ga'ui'-l' rian sij. Tsínj nicaj sun nico dugumi sij si'yaj Yan'anj, ni nachin' Yan'anj cuenta rian sij sisi dugumi sa' 'ueé sij si'yaj sí'.

Jesús, causa de división

⁴⁹Yúnj 'na' garún yan'an chruhua xungüi nan. Ni ducu huin ruhuáj sisi hua aca yan'an daj. ⁵⁰Hua nián

si guiran'anj 'ngo sayun nico. Ni ducu ani guitsi ruhua nimanj da guisij guiran'anj sayun daj. ⁵¹Gani ruhua á re' sisi ga' din'inj rian ni ngüi ngaa ga'naj chruhua xungüi, ruhua á re' ní'. Sé daj huin mánj. Sani atā gunun a ni é re' sisi gunun' ni tsínj nga dugüi' ni sij, gui'yaj si-nuguan'anj. ⁵²Ni asij yyaj ni gunun' un'un' ran' ni dugüi' 'ngo tsínj daj. Ni gunun' huq'nij ran' tsínj nga yahuij ran' tsínj. Ni gunun' huqj ran' tsínj nga ya'nij ran' tsínj. ⁵³Ni xi'í si-nuguan'anj, ni gunun' nungüej chrej tsínj daj. Ni gunun' nungüej da'nij sí' nej. Ni gunun' nungüej nni yun'unj xana daj. Ni gunun' nungüej da'nij unj nej. Ni gunun' nungüej nni chrej 'ngo yun'unj xana daj. Ni gunun' nungüej xaco' unj nej. —Daj gataj Jesús.

¿Cómo no reconocéis este tiempo?

⁵⁴Ngaa ni gataj Jesús gunun ni ngüi: —Ni'i sa' á re' daj xacaj ni é re' cuenta. Daj si ngaa guini'i a ni é re' sisi nasij nga rian atuj güi, ni ataj á re' sisi doj, ni gaman'. Ni da'nga' daj aman' yya. ⁵⁵Ni ngaa ahui nané ne' sur, ni ataj á re' sisi doj, ni gahuin yan'an. Ni da'nga' daj gahuin yan'an. ⁵⁶Tsínj digya' yun'unj huin a ni é re'. Sa' á re' ruhua á re', sani ani quij ruhua á re'. Ni'i a ni é re' xacaj á re' cuenta daj hua xata' nga daj hua rian yo'oj. Sani nun ni'i a ni é re' daj 'yaj Yan'anj scanij a ni é re' yyaj mánj. —Daj gataj Jesús.

Arréglate con tu adversario

⁵⁷Ni gataj Jesús: —Ni un sin huin ni na'ue xacaj a ni é re' cuenta un nuguan' hua

nica yya únj.⁵⁸ Ni sisi hua 'ngo tsínj unun' nga so', ni nicaj sij so' gan'anj sij ducuasun, sanj hué gue chruhua chrej ngaa diaj huaj nungüej é re' daj, ni hué yu'uj daj nagui'yaj yya nungüej é re' xi'lí nuguan' unun' nungüej é re'. Ni sisi si guil'yaj yya nungüej é re', ngaa ni nicaj sí' man'án re' rian güesi. Ni naga'ui' güesi man'án re' rian caíde. Ni gari caíde man'án re' ducuaga!.⁵⁹ Ni ataj snan'án gunun re' sisi nitaj si huaj gahui re' yu'uj daj da guisij ganahuij naru'ue re' daran' gaquin' guil'yáj re', da ni gahui re' aj. —Daj gataj Jesús gunun ni ngüi.

Arrepentíos o pereceréis

13 Ni hué güii daj ni niquin' 'ngo ni tsínj rian nne Jesús. Ni nata' ni sí' daj guiran' go'ngo ni tsínj 'na' estado Galilea rian Jesús. Daj si dagahui' tsínj gu'naj Pilato. Ni nachej Pilato si-tun man'an ni tsínj daj nga si-tun ni xucu dagahui' ni sij ga'ui' ni sij rian Yan'anj.² Ngaa ni gataj Jesús rian ni tsínj niquin' daj:

—Xi'lí si da'nga' daj guiran' ni tsínj daj, ni da'ui ni sij doj gaquin' daj nga ango ni ngüi nne estado Galilea, ruhua ni é re' ní!.³ Sé daj huin mánj. Ni atá gunun a ni é re' sisi nitaj si nanicaj ruhua ni é re' nanico' a ni é re' Yan'anj, ni da'nga' daj guiran' a ni é re' nej.

⁴'Ni hua gunun ni é re' sisi gahui' xinun' huá'nij ran' ni ngüi ngaa gane 'ngo hue' xxi xacan gataj xiráj ni ngüi daj xuman' Siloé. Ni da'ui ni sij doj gaquin' daj nga ni ngüi man xuman' Jerusalén, ruhua á re' ní!.⁵ Sé daj huin mánj. Ni atá gunun a ni é re' sisi nitaj si nanicaj ruhua

á re' nanico' a ni é re' Yan'anj, ni da'nga' daj guiran' a ni é re' nej. —Daj gataj Jesús.

Parábola de la higuera estéril

⁶ Ngaa ni nani Jesús 'ngo cuento digyán sij rian ni ngüi. Ni gataj sij:

—Nicaj 'ngo tsínj daj 'ngo chrun ayu higo mán riqui do'ój sij rian man coj uva. Ni gan'anj ni'yaj sij sisi ayu higo chra-á!. Sanj a 'ngo-ó' nun guiri' sij mánj. ⁷ Ngaa ni gataj sij gunun tsínj dugumi coj uva daj: “Ni'yaj re' síj huá'nij yo' 'náj 'na' na'uij chruj higo, sanj a 'ngo nun guiri'j mánj. Ga'nin' náj re' si 'yaj chru niquinj rian do'ój aj.” Daj gataj sij gunun sí!.⁸ Sanj gataj tsínj dugumi yo'ój daj: “Señor, dúnaj acuán' re' si guiniquin' acuanj ango yo' nan. Ni naché yo'ój, ngaa ni garaj yo'ój ya'nduji xi'i'j aj.⁹ Ni sisi guiniquinj gayu higo chraj, ni dugu'naj huaj. Ni sisi nitaj gayu chraj, ni ga'nin' náj re' nánj.” Daj gataj moso daj gunun tsínj do'ojoj. —Daj gataj Jesús digyán sij rian ni ngüi.

Jesús sana a una mujer en el día de reposo

¹⁰ Hué dan ni 'ngo güii naránj ruhua ni ngüi israelita, ni digyán Jesús rian ni ngüi man chruhua sinuhui ni sí!.¹¹ Ni nne 'ngo yun'unj xána a'nan', guil'yaj 'ngo nané xi'i'. Ni guisij xinun' huá'nij yo' achéj nitu ún', 'yaj nané xi'i daj. Ni na'ue nucua xiráj ún' gache ún' mánj.¹² Ni ngaa guini'i Jesús yun'unj daj, ni gaquinj sij ún!. Ni gataj sij:

—Guisij nahuín re', 'yaj xi'i a'nán' re' yyaj, xica'uuij. —Daj gataj Jesús.

¹³Ngaa ni_l guta' Jesús ra'a sij rian ún'. Ni_l 'ngo hora daj, ni_l nahuin ni_lca xirajú ún'. Ni_l gaxili ún' ga'mi sa' ún' rian Yan'anj.

¹⁴Sani_l ga'man ruhua tsínj a'nin' chruhua nuhui xi'í si nahuin yun'unj xana daj 'ngo güi naránj ruhua ni sij, gui'yaj Jesús. Ni_l gataj tsínj daj gunun ni ngüi:

—Hua huatan' güi gui'yaj sun né' go'ngo semana. Ngaa ni_l ga'ná' á re' ni güi daj nahuin a ni é re'. Ni_l sé güi naránj ruhua né' ga'ná' ni é re' nahuin a ni é re' mánj. —Daj gataj tsínj a'nin' daj.

¹⁵Ngaa ni_l gataj Señor Jesús:

—Sa' á re', ruhua á re'. Sani_l ani quij ruhua á re'. Tsínj digya' yun'unj huin a ni é re'. Nitaj si nachi go'ngo ni é re' dán re' sicuj nga dán re' urruj yu'uj numi xuj gan'anj dogo'o a ni é re' nnee xuj güi naránj ruhua á re' mí!. ¹⁶Ni_l yun'unj xana nan huin da'níj xi'l gu'naj Abraham. Ni_l sij xíjun' huag'nij yo' numij sichre Satanás ún'. Ni_l núnj si güi naránj ruhua né' huin güi yyaj, sani_l da'ui né' jnachri né' man'an ún' ra'a sichre Satanás. —Daj gataj Jesús gunun tsínj a'nin' daj.

¹⁷Ni_l ngaa guisíj gal'mi sij daj, ni_l gahuin na'aj ni tsínj unun' ngá sij. Sani_l gahuin niq_l ruhua daran' ni ngüi ngaa guini'i ni sij ni si sa' 'na' xata', gui'yaj Jesús.

Parábola de la semilla de mostaza

¹⁸Ngaa ni_l gataj Jesús:

—Daj hua rian nicaj sun Yan'anj, ruhua á re' únj. ¹⁹Hué dan ni_l daj rún' achij can cuej nasa huaj. Ni_l dagaman' 'ngo tsínj daj riqui yo'ój. Ni_l xira' can daj. Ni_l gachi gahuin

'ngo chrun. Ni_l 'na'_l ni xataj chéj xata' gui'yaj xú' si-gaca' xú' chra coj daj. —Daj gataj Jesús.

Parábola de la levadura

²⁰Ngaa ni_l gataj ruhua' yún Jesús:

—Daj hua rian nicaj sun Yan'anj, ruhua á re' únj. ²¹Hué dan ni_l daj rún' levadura huaj. Ni_l nachéj hui 'ngo yun'unj xana levadura daj scanij chru harina si nachej-é!, gui'yaj unj chrachrúnj. Ni_l gari unj quinj daj chruhua huag'nij rio. Ngaa ni_l nara nane riqui quinj daj, 'yaj levadura. Ni_l daj rún' 'yaj levadura daj, da'nga' daj gaxa'ni_l si-nuguan' Yan'anj nin' gachra' xungüi nej. —Daj gataj Jesús.

La puerta estrecha

²²Ni_l gachin Jesús ni xuman' nico ngá ni rancho ngaa huaj sij gan'anj sij xuman' Jerusalén. Ni_l digyán sij si-nuguan' sij rian ni ngüi. ²³Ni_l nachínj snan'anj 'ngo tsínj daj Jesús. Ni_l gataj sij:

—Ni_l doj ni ngüi ga'ue guinani, gui'yaj Yan'anj ní!. —Daj gataj sij.

Ngaa ni_l gataj Jesús:

²⁴—Gu_l'yaj fuerza á re' gatu a ni é re' rian hue' chruj huin rian nicaj sun Yan'anj. Ataj snan'an gunun a ni é re' sisi gahuin nico ni ngüi gahuin ruhua gatu yu'uj daj. Sani_l si ga'ue gatu ni sij mánj. ²⁵Ngaa guisíj naxuman tsínj ducua naránj sij rian ducuá sij, ni_l gaxili ni é re' gaquinj ni é re' mán xe'. Ni_l gataj ni é re' gunun sij: "Señor, na'ni re' gatu ni únj." Gataj á re'. Sani_l gataj tsínj ducua daj gunun a ni é re': "Nun ni_linj ni a 'na'_l ni é re' mánj." Daj gataj Señor daj huin man'anj.

²⁶Ngaa ni gaxi'i ni é re' gataj á re' gununj: "Xa ni únij, go'o ni únij nga man'án re'. Ni digyán re' nuguan' ga'mí re' rian ni únij rian yu'ue." Gataj á re' nej. ²⁷Sani gataj man'ānj rian án re': "Nun ni'inj ni a 'na' ni é re'. Guxun anéj daran' ni é re' riānj si huin ni é re' tsínj 'yaj gaquin!."

Daj gatá gunun a ni é re'.

²⁸Ni yu'u j daj guiman ni é re'. Ni ducu gaco ni ngüi mān yu'u j daj. Ni da xā ruj yan' ni ngüi nej. Ni guini'i ni é re' ni xi a ni é re' tsínj gu'naj Abraham nej, tsínj gu'naj Isaac ngā tsínj gu'naj Jacob nej, daran' angó ni tsínj ga'mi si-nuguan' Yan'anj. Ni guini'i ni é re' sisi nne ni sí' rian nicaj sun Yan'anj. Sani quiri Yan'anj ne' xe' guiman ni é re' aj. ²⁹Ni ga'na' ni ngüi mán ne' sij güi ngā ni ngüi mán ne' rian atuj güi nej, ni ngüi mán ne' norte nej, ngā ni ngüi mán ne' sur nej. Ni gane ni ngüi daj xā ni sij rian mesa rian nicaj sun Yan'anj. ³⁰Ni hua ni ngüi nun gahuin achij xungüi nan. Ni hué ni sij gahuin achij angó xungüi ganahuin naca. Ni hua ni ngüi gahuin achij xungüi nan. Ni hué ni sij nico' ne' rucu angó xungüi ganahuin naca daj. —Daj gataj Jesús.

Lamento de Jesús sobre Jerusalén

³¹Ni güi daj guisij go'ngo ni tsínj fariseo rian nne Jesús. Ni gataj ni sí' gunun sij:

—Hué yu'u j nan guxun re' man'án re' si huin ruhua rey Herodes dagahui' so' aj. —Daj gataj ni sí'.

³²Ngaa ni gataj Jesús:

—Güij ni gataj á re' gunun xune daj: "Ni'yaj re', yyaj ngā a'yoj rij

nané xi'i chruhua niman ni ngüi. Ni nahuin ni ngüi a'nan', 'yā nej. Ni xiraj hua'ni j güi, ni nahuoj si-sünj, gui'yā." ³³Sani hua niān si gahui gan'ān yyaj ngā a'yoj ngā ataj nej si nitaj si huaj gahui' 'ngo tsínj a'mi si-nuguan' Yan'anj ne' xe' xuman' Jerusalén mánj.

³⁴'Ducu nani ruhuaj xi'l a ni é re' ni tsínj mān xuman' Jerusalén. Daj si gahui' ni tsínj ga'mi si-nuguan' Yan'anj, gui'yaj á re'. Ni a'ui' ni é re' yej ni tsínj nicaj nuguan' huaj ga'nij Yan'anj rian án re'. Sij undaj huin ruhuaj nagui'yaj yu'u j ni é re' dugumij ni é re'. Ni daj rún' 'yaj 'ngo xuchre nagui'yaj yu'u j xuj da'nij xuj riqui si-gachi xuj, ni da'ngal' daj ruhuaj gui'yā ngā á re'. Sani nun ga'uej ruhua á re' mánj. ³⁵Ni'yaj á re'. Daj si guere' xánj án re' ngā ducuá á re'. Ni ataj snan'ān gunun a ni é re' sisi si guini'i ruhua' yún ni é re' yünj da guisij ga'na' ruhua' yünj chruhua xungüi nan. Ni gataj ni é re': "Hua 'ueé tsínj 'na' rian si-xugüi Señor." Gataj ni é re' aj. —Daj gataj Jesús gunun ni tsínj mān xuman' Jerusalén.

Jesús sana a un hidrópico

14 Hué dan ni 'ngo güi naránj ruhua ni sij, ni gatúj Jesús chruhua ducuá 'ngo tsínj fariseo a'nin'. Ni xa sí' ngā ni sij. Ni naga'na' angó ni tsínj fariseo Jesús si gui'yaj sí'. ²Ni nne 'ngo tsínj 'nij gu'mān rian Jesús. ³Ni nachínj snan'anj Jesús ni tsínj digyán ley ngā ni tsínj fariseo. Ni gataj sij:

—A'uej si-ley Yan'anj sisi nahuin ni ngüi a'nan', gui'yaj né' güi naránj ruhua né', ruhua á re' ní'. —Daj gataj Jesús.

Sani dínj gahuin du'ua ni sij.

⁴Ngaa ni guida'a Jesús tsínj daj. Ni nahuin sí', gui'yaj sij. Ni na'níj sij nan' sí'. ⁵Ngaa ni gataj sij gunun ni tsínj fariseo:

—Sisi guinij 'ngo dán án re' urruj, asi 'ngo dán án re' sicuj guinij chruhua pozo nnee nunj huin si güi naránj ruhua né', ni si gan'anj guiri yoo ni é re' xucu guinij chruhua nnee da ga mí'. —Daj gataj Jesús.

⁶Ni nun ga'ue danicaj ni sij nuguan' rian Jesús ga mánj.

Los convidados a las bodas

⁷Ni ngaa guini'i Jesús daj nano' ni tsínj 'na' ducuá tsínj fariseo daj chrun xila niquin' ne' rian gane ni sij rian mesa, ngaa ni nani sij 'ngo cuento digyán sij rian ni sí'. Ni gataj sij:

⁸—Ngaa gaquinj 'ngo tsínj daj gan'anj re' rian gahuin 'ngo gui'yanj nara'a ne, ni si gané re' chrun xila niquin' ne' chrej rian mánj. Ga'ue si guisij ango tsínj huin achij doj daj nga man'án re' ga aj.

⁹Ni ga'ue si ga'na' tsínj gaquinj nungüej é re', ni gataj sí' gunun re': "Ga'ui' re' chrun xila nan gane tsínj nan anj." Gataj sí' si ruhuaj. Ngaa ni gahuin na'aj re', ni gan'anj gané re' chrun xila niquin' da rucu. ¹⁰Hué dan ni ngaa gaquinj sij ga'na' re', ni gané re' da rucu. Hué dan ni ngaa ga'na' tsínj gaquinj re', ni gataj sij gunún re': "Amigo, gachin gané re' chrun xila niquin' ne' rian." Gataj sij. Ngaa ni gahuin 'ueé re' rian ni tsínj nne rian mesa nga re' aj. ¹¹Daj si un tsínj huin ruhua gahuin rian, ni guna sij da ne' rucu. Sani un tsínj ga'uej ruhua guna da ne' rucu,

ni gahuin rian sij. —Daj gataj Jesús gunun ni tsínj mān ducuá tsínj fariseo daj.

¹²Ngaa ni gataj Jesús gunun tsínj gaquínj ga'na' sij ducuá sí':

—Ngaa gui'yáj re' 'ngo nún ducuá re', ni ga'ui' re' xá ni ngüi, ni si gaquínj re' ga'na' ni tsínj nicaj dugüi' nga re' nga ni jnánj re' nej, ni tsínj xuru'ue mán riqui xuman' nej. Daj si ga'ue gaquinj ni sij man'án re' xá re' nga ni sij. Ni da'nga' daj naru'ue ni sij rián re'!

¹³Sani ngaa gui'yáj re' 'ngo gui'yanj ducuá re', ni gaquinj re' ga'na' ni ngüi niqui nga ni ngüi nachran' ra'a nej, ni ngüi yacuan nej, ni ngüi duri nej. ¹⁴Ngaa ni ga'uee rián re'. Daj si si ga'ue naru'ue ni ngüi daj rián re'. Sani naru'ue sa' Yan'anj rián re' ngaa gana'nij ni níman huin ni sij ni ngüi hua nica niman. —Daj gataj Jesús gunun tsínj gaquínj daj.

Parábola de la gran cena

¹⁵Ni ngaa gunun 'ngo ni tsínj nne nga Jesús rian mesa, ni gataj sí' gunun Jesús:

—Hua 'ueé rian tsínj gan'anj nún rian nicaj sun Yan'anj. —Daj gataj sí'.

¹⁶Ngaa ni gataj Jesús gunun sí':

—Ni gui'yaj 'ngo xuru'ue 'ngo nún nico ducuá sij. Ni gaquínj sij ga'na' nico ni ngüi. ¹⁷Ni ngaa síj gahuin chrun si xá ni ngüi, 'yaj sij, ni ga'níj sij 'ngo moso gan'anj gataj sí' rian ni ngüi daj: "Ga'na' a ni é re' si a hua chrun si xá á re'!" Daj gataj moso daj gunun ni ngüi, gui'yaj xuru'ue. ¹⁸Sani gaxi'i ni sij gataj ni sij rian moso daj sisí si ga'ue guisij ni sij xá ni sij. Ni gataj 'ngo tsínj

daj: "Guirān 'ngo yo'ój, ni hua niān si gañ'anj ni'yā. Achínj jni'yā rián re' si guinicaj re' 'ngo niman nico ngāj si si ga'ue gan'ān nga re' mánj." Daj gataj sij. ¹⁹Ni gataj ango sij: "Guirān un'un' inta sicúj, ni gañ'anj xacaj cuenta sisi a hua xuj gui'yaj sun xuj. Ni guinicaj re' 'ngo niman nico ngāj xi'lí si nun ga'ue gan'ān nga re' mánj." Daj gataj sij! ²⁰Ni gataj ango sij: "Da guisij xacā 'ngo yun'unj xana, ni si ga'ue gan'ān mánj." Daj gataj huq'nij ran' tsínj gunun moso daj.

²¹'Ngaa ni nanicaj si-moso tsínj ducua daj. Ni nata' sij nuguan' ga'mi go'ngo ni sí' gunun xuru'ue daj. Hué dan ni ga'man ruhua xuru'ue daj. Ni gataj sij gunun moso: "Gan'anj yoo re' rian yu'ue nga chruhua chrej man riqui xuman' nan. Ni niçaj re' ni ngüi niqui ngā ni ngüi nachran' ra'a nej, ni ngüi yacuan nej, ni ngüi duri nej ga'na' re'!" Daj gataj xuru'ue daj gunun moso. ²²Ngaa ni gataj moso daj gunun xuru'ue: "Señor, hua sij gui'yā si ga'níj re' yünj. Saní hua luga ga' aj." Daj gataj moso daj. ²³Ngaa ni gataj xuru'ue daj gunun moso: "Güjí re' chruhua chrej gan'an nga chrej gatin nej. Ni gui'yaj fuerzá re' si ga'na' ni ngüi gatu ni sij chruhua ducuaj gara guiman ni sij. ²⁴Daj si xanga' atá gunun re' sisi si gahuin sti'níj nga ni a 'ngo ni ngüi gaquínj sinij mánj." Gataj xuru'ue daj gunun si-moso sij. —Daj gataj Jesús gunun tsínj nne rian mesa ngā sij.

Lo que cuesta seguir a Cristo

²⁵Ni huaj nico ni ngüi ngā Jesús. Ni nanicaj sij gataj sij gunun ni sí!:

²⁶—Sisi hua 'ngo tsínj daj huin ruhua ga'na' riānj, ni hua niān si gahuin 'i ruhua sij ni'yaj sij yünj daj ngā si 'i ruhua sij ni'yaj sij chrej sij ngā nni sij nej, man'an sij nej. Ni sisi na'uej ruhua sij daj, ni si ga'ue gahuin sij tsínj guinicico' man'ānj mánj. ²⁷Ni sisi na'uej ruhua 'ngo tsínj daj gataj sij rugutsi guiran' sij sayun ngāj, ni si ga'ue gahuin sij tsínj guinicico' man'ānj mánj.

²⁸'Ni sisi huin ruhua 'ngo ni é re' gui'yaj 'ngo hue' xxi nata', ni nani sini ruhua tsínj daj ni'yaj sij undaj gutin' sij du'ue hue' daj. Ngaa ni xacaj sij cuenta sisi guisij si-san'anj sij. ²⁹Ni sisi nitaj si nani sini ruhua sij, hué dan ni ngaa guruj sij daqui hue', ni na'ue guisi'-!, gui'yaj sij. Ni gaxi'lí ni ngüi ga'mi ducu ni sij xi'lí sij. ³⁰Ni gataj ni sij: "Gaxi'lí tsínj nan gui'yaj sij hue'. Sani nun gunucuaj sij guisi, gui'yaj sij mánj." Daj gataj ni ngüi daj.

³¹'Ni sisi hua 'ngo rey nicaj ichi' mil snado, ni huaj sij gañ'anj gunun' sij nga ango rey 'na' nga co mí snado, ngaa ni gañ'anj gane sij xacaj sij cuenta sisi ga'ue gunucuaj sij gui'yaj gana sij rian ango rey nicaj co mil snado daj. ³²Ni sisi ani ruhua sij sisi na'ue gunucuaj sij gunun' sij ngā ango rey, ni ngaa hua gan' 'na' ango rey, ni a'níj sij ni tsínj nicaj nuguan' gañ'anj gataj snan'anj ni sí' sisi na'mi nungüej rey daj.

³³'Ni hué ducuánj daj tsínj na'uej ruhua duna daran' si nicaj sij, ngaa ni si ga'ue gahuin sij tsínj guinicico' man'ānj mánj. —Daj gataj Jesús.

Cuando la sal pierde su sabor

³⁴Ni gataj ruhua' yún Jesús:

—Hua sa' yan. Ni daj rún' huin yan, ni da'nga' daj huin a ni é re' chruhua xungüi. Sani sisi nitaj si 'nín' yan daj, ni si ga'ue gui'yaj né' nahuin 'nín' mánj. ³⁵Ni nitaj si ní'yan yan daj rian yo'ój. Ni nitaj si ní'yan gahuin yo'ój ya'nduj nej. Sani guere'ej ne' xe' yan daj.

Hué dan ni tsínj nun chraquij, ni hua niān si gunun sij nuguan' nan anj.

Parábola de la oveja perdida

15 Ngaa ni nahuin yu' daran' ni tsínj a'nej pesto ngā ni ngüi 'yaj gaquin' rian Jesús gunun ni sij si gataj sí!. ²Ngaa ni ga'mi hui ni tsínj fariseo ngā ni tsínj digyán ley xi'í si gui'yaj Jesús. Ni gataj ni sí!:

—A'nin' ruhua tsínj daj nicaj dugüi' sij ngā ni tsínj 'yaj gaquin'. Ni xa nuguan'an sij nga ni sí' nej. —Daj gataj ni sij.

³Ngaa ni nani Jesús 'ngo cuento digyán sij rian ni sí!. Ni gataj sij:

⁴—Ni sisi nicaj 'ngo dugüi' ni é re' 'ngo ciento xachij, ni gan'anj ni'ya 'ngo xuj, ni daj gui'yaj tsínj dán daj, ruhua ni é re' únj. Gara sij gan'anj xia xinun' gan'anj xachij riqui quij. Ni gan'anj nana'ui' sij xachij gan'anj ni'ya daj. Ni dayun nari' sij. ⁵Ni ngaa nari' sij, ni nia' ruhua sij guta' sij dacan xicój sij. ⁶Ni ngaa nasíj sij ducuá sij, ni naran' sij ni tsínj nicaj dugüi' nga sij nga ni tsínj nne xánj sij. Ni gataj sij gunun ni sí!: “Gahuin niā' ruhua á re' ngāj si hua nari'íj xachij gan'anj ni'ya daj.” Daj gataj tsínj daj. ⁷Ni ataj snan'ān gunun a ni é re' sisi niā' ruhua ni tsínj mán xata' ni'ya j ni sij 'ngo tsínj 'yaj

gaquin' ngaa nani ruhua sí' xi'í si-gaquin' sí!. Ni gahuin niā' ruhua ni sij ni'ya j ni sij doj nga tsínj daj, daj ngā ango gan'anj xia xinun' gan'anj ni tsínj na'uej ruhua si ganani ruhua ni sij xi'í si-gaquin' ni sij. Daj si hua niāca niman ni sij, ruhua ni sij. —Daj gataj Jesús.

Parábola de la moneda perdida

⁸Ngaa ni gataj ruhua' yún Jesús:

—Ni sisi nicaj 'ngo yun'unj xana ichi' moneda san'anj, ni gan'anj ni'ya 'ngo moneda daj, ni daj gui'yaj ún', ruhua á re' únj. Garun ún' yan'an candil. Ni naca' ún' chruhua hue!. Ni nana'ui' 'ueé ún' da nari' ún!. ⁹Ni ngaa nari' ún', ni gaquínj ún' ni ngüi' nicaj dugüi' ngā ún' ngā ni dugüi' ún' man xánj ún' nej. Ni gataj ún!: “Gahuin niā' ruhua á re' ngāj si hua nari'íj moneda gan'anj ni'ya daj.” Daj gataj ún' gunun ne. ¹⁰Ni ataj snan'ān gunun ni é re' sisi daj rún' gahuin niā' ruhua ún', ni da'nga' daj hua nia' ruhua si-ángel Yan'anj ni'ya j-á' ngaa nanicaj ruhua 'ngo tsínj xi'í si-gaquin' sij. —Daj gataj Jesús.

Parábola del hijo pródigo

¹¹Ni gataj ruhua' yún Jesús:

—Hua huij da'níj 'ngo tsínj daj.

¹²Ni gataj da'níj sij tsínj hua lij doj gunun chrej sij: “Tata chré!, huin ruhuaj sisi gura' da'áj re' si'yáj re'. Ni riqui re' da'aj si'yáj re' gahuinj.” Daj gataj sij gunun chrej sij. Ngaa ni gura' da'aj chrej sij si'yaj sí' ga'ui' sí' rian nungüej da'níj sí!. ¹³Doj güi gachin ni naran' tsínj hua lij daj daran' si'yaj sij. Ni gahui sij gan'anj gan' sij ango xuman!. Ni ganahuij

si-san'anj sij gutin' yun sij daj rún' garan' ruhua sij. ¹⁴Ni ngaa ganahuij gutin' sij san'anj nicaj sij, ni ducu gahuin xi'na xuman' daj. Ni ga'naj gachin xi'na riqui sij. ¹⁵Ngaa ni_gan'anj gachinj sij sun gu'i'yaj sun sij rian 'ngo tsínj nne y'u'uj daj. Ni ga'níj sí_g gan'anj sij quij gan'anj dugumi sij dán sí_g xacáj. ¹⁶Ni huin ruhua sij gara riqui sij nga si xa xacáj. Sani a 'ngo ni sí_g nun ga'u*l*' ni sí_g si xa sij mánj.

¹⁷Ngaa ni nanicaj ruhua sij, ni gataj sij gunun man'an sij: "Ni_g moso mán 'yaj sun rian chree, ni hua nico si xa ni sij. Ni yu'u'uj nan nnéj. Ni gahuij, gu'i'yaj xi'na. ¹⁸Nanicá nan'anj ducuá chree, ni gatá gunun sí_g: Tata chree, gu'i'yā gaquin' rian Yan'anj nga rian man'án re_g nej. ¹⁹Nitaj hua si-chrej si gataj re_g si da'níj re_g huinj ga mánj. Maan si gu'i'yáj re_g si gahuinj 'ngo tsínj 'yaj sun rián re_g, gatá gunun chree." Daj gataj sij gunun man'an sij.

²⁰Hué dan ni naxuman sij, ni nanicaj sij nan' sij ducuá chrej sij. Ni ngaa guini'i chrej sij huaj sij gan', ni ducu gahuin yaco ruhua sí_g ni'yaj sí_g sij. Ni gunanj sí_g gan'anj sí_g rian huaj da'níj sij. Ni gananan sí_g man'an sij. Ni garun du'ua sí_g man'an sij nej. ²¹Ngaa ni gataj sij gunun sí_g: "Tata chree, gu'i'yā gaquin' rian Yan'anj nga rian man'án re_g nej. Ni nitaj hua si-chrej si gataj re_g si da'níj re_g huinj ga mánj." Daj gataj sij gunun chrej sij. ²²Sani gataj chrej sij gunun ni si-moso sí_g: "Güij xacaj yoo ni é re_g atsij sa!. Ni ga'nij a ni é re_g xa sij gunun sij. Ni ga'nij ni é re_g 'ngo se'ej ra'a sij. Ni nari ni é re_g zapato dacój sij nej. ²³Ni

nicaj á re_g sicuj namij ga'na! á re_g. Ni dagahui' a ni é re_g nej. Ni gu'i'yaj né_g gu'i'yaj gahuin nia ruhua né_g.

²⁴Daj si rún' ganá'nij 'ngo níman, da'nga' daj nasíj ruhua' yún da'ní riánj. Hua gani'ya sij. Sani nari' ruhua' yún sij." Daj gataj chrej sij. Ni gaxi'i ni sij gahuin nia ruhua ni sij.

²⁵Ni da'níj sij tsínj xahua', ni hua gan'anj sí_g riqui quij. Ni ngaa nanicaj sí_g, ni gahuin nichrun' sí_g rian hue!. Ni gunun sí_g sisi mán ni tsínj a'yaj nga ni ngüi chran'anj nej. ²⁶Ngaa ni gaquínj sí_g 'ngo ni tsínj 'yaj sun rian chrej sij. Ni nachínj snan'anj sí_g moso daj un sin gahuin nga gu'i'yaj daj.

²⁷Ngaa ni gataj moso daj: "Hua nasij jnánj re_g! Ni ga'níj chrej re_g sun sisi dagahui' ni únj sicuj hua namij. Daj si nucuaj sij nasíj sa_g sij." Daj gataj moso gunun tsínj xahua' daj.

²⁸Sani ga'man ruhua tsínj xahua' daj. Ni nun ga'uej sij gatu sij chruhua hue!. Xi'í daj, ni gahui chrej nungüej tsínj daj. Ni ga'mi yaco sí_g si gatu sij chruhua hue!.

²⁹Ni gataj sij gunun chrej sij: "Ni'i man'án re_g undaj yo_g sij 'yaj sūnj rián re_g! Ni dagahuin sa'laj rián re_g. Ni nitaj aman riquí re_g 'ngo stane le'ej gu'i'yā gu'i'yaj nga ni tsínj nicaj dugüi' ngaj mánj. ³⁰Sani ngaa nasíj da'níj re_g nan gutin' sij si-san'anj re_g nga ni yun'unj xana achéj man'an, ni dagahui' re_g sicuj namij xi'í sij." Daj gataj tsínj xahua' gunun chrej sij.

³¹Ngaa ni gataj chrej sij gunun sij: "Da'ní huín re_g! Ni ya'yoj nné re_g ngaj. Ni daran' si mán riánj huin si'yáj re_g aj. ³²Sani hua nian

si gui'yaj né' gui'yanj gahuin nia'
ruhua né' si nasíj jnánj re'. Ni rún'
huin 'ngo níman gahuin sij riānj.
Sanj ganá'nij sij. Ni ga ni'ya sij. Sani
nari'ij sij nánj." Daj gataj chrej sij
gunun sij. —Ni da'nga' daj gataj
Jesús nani sij cuento rian ni tsínj
daj.

El ejemplo del mayordomo infiel

16 Hué dan ni nani Jesús 'ngo
cuento digyán sij rian ni
tsínj nico' sij. Ni gataj sij:

—Hua 'ngo tsínj xuru'ue. Ni rian
sí' nun 'ngo tsínj dugumi si'yaj sí'.
Ngaa ni gan'anj ga'mi gaquin' ango
ni tsínj rian xuru'ue sisi ducu gutin'
tsínj daj si'yaj sí'. ²Ngaa ni gaquínj
xuru'ue daj si ga'na' sij. Ni gataj
sí': "Ni un sin huin nan si a'mi ni sij
xi'í re' únj. Nariqui re' cuenta daj
gui'yaj sún re' riānj dugumí re' si'yaj
si na'uej ruhuāj si gahuín re' tsínj
dugumi si'yā riānj ga mánj." Daj
gataj xuru'ue daj.

³'Ngaa ni gataj tsínj daj gunun
man'an sí': "Ni un sin huin gui'yā
yyaj, ni ga'nej si-patrónj sun riānj
únj. Daj si nitaj fuerza gui'yaj súnj
rian yo'ój. Ni huin na'ā gui'yā
caridad nej. ⁴Yyaj ni hua ni'ínj si
gui'yā. Ngaa ni ga'ue chracuīj ni
sij ducuá ni sij ganēj ngaa nitaj
sun gui'yaj súnj." Da'nga' daj gani
ruhua sij.

⁵'Ngaa ni gaquínj sij ga'na' go'ngo
ni tsínj da'ui rian xuru'ue daj. Ni
gataj sij rian tsínj ga'na' sini daj:
"Ni undaj huin si da'uíj re' rian si-
patrónj únj." Daj gataj sij. ⁶Ngaa ni
gataj sí': "Da'uij 'ngo ciento tambo
gasiti rian si-patrón re' aj." Daj gataj
sí'. Ngaa ni gataj tsínj daj: "Nicaj

re' dánj re' yanj rí re' cuenta. Ni
gane yoo re' garun re' huij xia chi'
gue aj." Daj gataj sij. ⁷Ngaa ni gataj
sij gunun ango sí': "Ni undaj huin
da'ui man'án so' únj." Daj gataj sij.
Ni: "Da'uij 'ngo ciento nnánj strigo
aj." Daj gataj sí' gunun sij. Ngaa
ni gataj sí': "Nicaj re' dánj re' yanj
rí re' cuenta nan. Ni garun re' rian
yanj sisi da'uíj re' gan'anj xia gue
aj." Daj gataj sij gunun sí'.

⁸'Hué dan ni xacaj xuru'ue daj
cuenta sisi gui'yaj xi'í tsínj daj xi'í
sí'. Sanj ga'mi sa' sí' xi'í sij. Daj
si nagui'yaj yoo sij nuguan' xi'í
man'an sij. Ni ni tsínj man xungüi
gaquin' nan, ni hua yoo ni sij ngaa
nagui'yaj ni sij 'ngo nuguan' nga ni
dugüi' ni sij. Ni hua yoo ni sij doj
daj nga ni tsínj achéj rian xiguín
hua.

⁹'Ngaa ni gataj snan'ān gunun
a ni é re' sisi ga'ui' ni é re' rasun
man rian án re' ra'a ni ngüi. Ngaa ni
gahuin ni ngüi daj ni ngüi guinicaj
dugüi' nga ni é re'. Daj si rasun
man rian xungüi nan, ni nun hua
sa' nico. Hué dan ni ngaa ganahuij
ni rasun man rian ni é re', ngaa ni
xata' nahuin ra'a ni sij ni é re' gane
niganj ni é re' nga Yan'anj. ¹⁰Ni un
tsínj hua gacuij, ni dugumi sa' sij
doj rasun, ni hué daj hua gacuij
sij ngaa dugumi sij nico rasun
nej. Ni un tsínj 'yaj xi'í dugumi sij
doj rasun, ni gui'yaj xi'í sij ngaa
dugumi sij nico rasun nej. ¹¹Ni hué
ducuánj daj sisi nitaj si hua gacuij
ni é re' dugumi a ni é re' ni rasun
xi'í man chruhua xungüi gaquin'
nan, ngaa ni nitaj tsínj gahuin
ruhua riqui ni rasun yya rian án re'
mánj. ¹²Ni sisi nitaj si ga gacuij ni é

re' dugumi ni é re' ni rasun sé si'yaj ni é re' huin ni rasun mān rian xungüi nan, ngaa ni un tsínj gahuin ruhua ríqui rasun gahuin si'yaj ni é re' ne' xata!, ruhua á re' únj.

¹³'Ni nitaj 'ngo tsínj gahuin nucuaj dagahuin rian huij xuru'ue mánj. Sisi gui'yaj sun né' rian huij xuru'ue, ni nun huin xan' ruhua né' ni'yaj né' 'ngo xuru'ue daj. Ni gahuin i ruhua né' ni'yaj né' ango sí!. Ni huin ruhua né' guinicaj dugüi' né' nga 'ngo xuru'ue daj. Sani nitaj si a'mi sa' né' nga ango sí!. Hué ducuánj daj, ni sisi ducu aran' ruhua né' ni'yaj né' ni rasun mān chruhua xungüi, ni na'ue dagahuin né' rian Yan'anj mánj. —Daj gataj Jesús gunun ni sij.

¹⁴Ni ducu garan' ruhua ni tsínj fariseo ni'yaj ni sij san'anj. Ni ngaa gunun ni sij nuguan' daj, ni ga'mi ducu ni sij ni'yaj ni sij Jesús. ¹⁵Ngaa ni gataj Jesús gunun ni sij:

—Ni 'yaj ni é re' sisi tsínj sa' huin a ni é re' rian ni ngüi. Sani ni'i Yan'anj niman ni é re'. Ni nuguan' níyanj nico rian ni ngüi, sani nuguan' xi'i huin rian Yan'anj anj.

¹⁶'Ni asij ná ni digyán Moisés si-ley Yan'anj rian ni ngüi. Ni digyán ni tsínj ga'mi si-nuguan' Yan'anj rian ni ngüi. Sani ngaa guisíj ga'na' Juan, ni unun ni ngüi nuguan' sa' xi'i si nicaj sun Yan'anj rian né'. Ni daran' ni sij 'yaj fuerza si gatu ni sij rian nicaj sun Yan'anj. ¹⁷Ni ga'ue sisi ganahuij xata! nga xungüi. Sani si ga'ue ganahuij ni a 'ngo nuguan' le'ej 'na' rian si-ley Yan'anj mánj. —Daj gataj Jesús.

Jesús enseña sobre el divorcio

¹⁸Ngaa ni gataj Jesús:

—Ni sisi hua 'ngo tsínj guere'ej nica, ni nacaj sij ango yun'unj xana, ni da'ui sij gaquin!. Ni sisi nacaj ango tsínj yun'unj xana guere' daj, ni da'ui sí' gaquin' nej. —Daj gataj Jesús gunun ni tsínj fariseo.

El rico y Lázaro

¹⁹Ngaa ni nani Jesús 'ngo cuento. Ni gataj sij:

—Ni hua 'ngo tsínj xuru'ue. Ni nun sij atsij sa' du'ue. Ni ya'yoj gui'yaj sij 'ngo nún nico ducuá sij. ²⁰Ni hua 'ngo tsínj yaco ran' gu'naj sí' Lázaro. Ni ngaj sí' rian yo'ój rian ducuá xuru'ue daj. Ni mān siqui nin' gachra' nnee cúj sí!. ²¹Ni huin ruhua tsínj daj gara ríqui sij nga si ayu rian mesa, 'yaj xuru'ue daj. Ni 'na' xuhue ahui xuj rian siqui daj.

²²Hué dan ni 'ngo güi, ni gahui' tsínj niqui daj. Ni nicaj ni ángel gan'anj-án' sij rian nne tsínj gu'naj Abraham xata!. Ni nanan Abraham man'an sij. Ni gahui' xuru'ue nej. Ni gan'anj gachin' ni sij sí!. ²³Ni ngaa ran' xuru'ue daj sayun nico rian gan'anj ni níman, ni nachi nicaj sij rian sij guini'i sij sisi gan' nne Abraham. Ni yu'uj daj nanan Abraham tsínj gu'naj Lázaro.

²⁴Ngaa ni gaguáj sij: "Tata chré' Abraham, nahuin i ruhuá re' ni'yaj re' man'anj. Ni ga'nij re' Lázaro ga'na' sí' yu'uj nan. Ni ga'nij sí' chra ra'a sí' chruhua nnee. Ni guta' sí' nnee daj rian yyaj si yaco ran'anj núnj rian yan'an nan." Daj gataj xuru'ue gunun Abraham.

²⁵'Sani gataj Abraham gunun xuru'ue: "Da'ní", gananun ruhuá re' sisi ngaa gané re' chruhua xungüi, ni nicáj re' nico rasun sa' rián re'.

Ní nicaj Lázaro ni rasun xi'i. Yyaj ni nahuin nia' ruhua sij yu'u'j nan. Ni ran' man'lán re' sayun nún re' yu'u'j daj. ²⁶Ango nuguan' huin sisi hua 'ngo xinéj xachij dani nungüe!. Ni sì ga'ue gachin ni ngüi mán yu'u'j nan guisij ni sij rian nné re'. Ni na'ue gachin ni ngüi mán yu'u'j daj nga re' ga'na' ni sij yu'u'j nan mánj." Daj gataj Abraham gunun sí!.

²⁷'Ngaa ní gataj xuru'ue daj: "Achínj jni'yā rián re' tata chré' Abraham sisi na'nij re' Lázaro nan' sij ducuá chrē ²⁸rian hua un'un' jnān. Ni gan'anj sij nata' sij rian ni sí' sisi si ga'na' ni sí' rian hua sayun nico nan mánj." Daj gataj xuru'ue. ²⁹Ngaa ní gataj Abraham: "Hua nicaj ni sí' si garun Moisés nga ni tsínj ga'mi si-nuguan' Yan'anj asij ná. Ga'ue gunun sa' ni sí' ni nuguan' daj." Daj gataj Abraham. ³⁰Ngaa ní gataj xuru'ue: "Tata chré' Abraham, xanga' ni sì gunun ni sí'. Sani sisi ganá'nij 'ngo níman gurugüi' scanij ni sí', ngaa ní nanicaj ruhua ni sí' xi'i si-gaquin' ni sí', ruhuāj aj." Daj gataj xuru'ue.

³¹'Sani gataj Abraham: "Sisi nun gunun ni sí' si gataj Moisés nga ni tsínj ga'mi si-nuguan' Yan'anj asij ná, ngaa ní sì guxuman ruhua ni sí' ni'yaj ni sí' si-nuguan' 'ngo tsínj ganá'nij scanij ni níman mánj." Daj gataj Abraham gunun xuru'ue daj. —Ni hué daj huin cuento nani Jesús rian ni ngüi.

Ocasiones de caer

17 Ngaa ní gataj Jesús gunun ni tsínj nico' sij:
—Xungüi nan, ní hua nico ni rasun 'yaj sisi guinico' ni ngüi chrej

xi'i. Sani niqui niman 'ngo tsínj a'ui' 'ngo chrej xi'i riqui dugüi' sij. Daj si guiran' sij castigo, gui'yaj Yan'anj. ²Ní asij nun ga'ui' sij 'ngo chrej xi'i riqui dugüi' sij, ní dugüej naj ni sij 'ngo yej to anumi xá sij gan'anj sij chruhua nnee yan'anj nga a'. Daj si quij 'yaj 'ngo tsínj ngaa a'ui' sij 'ngo chrej xi'i riqui 'ngo tsínj ngaa naca natu sí' si-chrej Yan'anj.

³'Gá cuidado a ni é re' daj gui'yaj ni é re'. Sisi gui'yaj jnánj re' gaquin' rián re', ngaa ní nata' re' si-gaquin' sij rian man'an sij. Ni sisi nani ruhua sij xi'i si-gaquin' sij, ngaa ní nicaj re' 'ngo níman nico nga sij. ⁴Ní nunj si gui'yaj jnánj re' ichij gaquin' rián re' 'ngo güi, ní hua nian si nicaj re' 'ngo níman nico nga sij sisi ga'na' nata' sij yun yun rián re' sisi si gui'yaj sij gaquin' da ga mánj. —Daj gataj Jesús gunun ni tsínj nico' sij.

Auméntanos la fe

⁵Ngaa ní gataj ni tsínj apóstol gunun Señor Jesús huin ni tsínj ga'mi si-nuguan' Jesús rian ni ngüi:

—Riqui re' sisi guxuman nico ruhua ní'yaj ni únj Yan'anj anj. — Daj gataj ni sij.

⁶Ngaa ní gataj Señor Jesús:
—Ni sisi guxuman ruhua ni é re' daj rún' 'yaj 'ngo can cuej nasa, ngaa ní ga'ue gataj á re' gunun chrun nan sisi guxun man'an gan'anj-án' chruhua nnee yan'anj. Ni gunun chrun rian án re' aj.

El deber del siervo

⁷'Ni ngaa gan'anj si-moso 'ngo ni é re' quij nachej sij dolój re' si dugumi sij dán re' xucu, ní daj

gataj re' gunun sij ngaa 'na' niqui sij gan'anj sij quij únij. Atáj re' rian sij sisi gachin sij gane sij rian mesa xa sij ní'. Sé daj huin atáj re' mánj.

⁸Saní atáj re' gunun sij: "Guí'yaj xugüí re' gahuin sti'ní man'ānj. Guí'yaj sun acuán' re' riānj si xāj, ni go'ōj. Asíj ni xā, ni go'o man'ān re' nej." Daj atáj re' rian sij nánj. ⁹Ni ngaa dagahuin si-mosó re' daran' si a'nín' re' sun rian sij, ni gataj re' si guruhua rian moso daj ní'. Sé daj huin gataj re' mánj. ¹⁰Ni da'nga' daj guí'yaj á re' ngā Yan'anj. Ni ngaa gānahuij guí'yaj á re' daran' nuguan' a'nin' Yan'anj sun rian án re', ngaa ni gataj á re': "Nitaj si ní'yanj ni únij si maan si guí'yaj únij rún' hua si-sun ni únij." Daj gataj á re'. —Gataj Jesús gunun ni sí'.

Diez leprosos son limpiados

¹¹Ni ngaa huaj Jesús gan'anj sij xuman' Jerusalén, ni gachin sij rian ata dugüí' estado Samaria ngā estado Galilea. ¹²Ni guisíj sij 'ngo rancho rian gahui ichí' tsínj ran' xi'i nnij. Ni gan' ganiquin' ni sij. ¹³Ni gagauj ni sij gataj ni sij:

—Jesús, Maestro, gahuin 'i ruhuá re' ni'yaj re' ni únij. —Daj gataj ni sij.

¹⁴Ni ngaa guini'i Jesús ni sí', ni gataj sij:

—Güij digyán ni é re' man'an án re' rian ni chrej. —Daj gataj Jesús.

Hué dan ni ngaa huaj ni sij chruhua chrej, ni gānahuij sa' ni sij. ¹⁵Ni ngaa guini'i 'ngo tsínj daj sisi gānahuij sa' sij, ni nanicaj sij ga'mi nucuaj sij si hua 'ueé guí'yaj Yan'anj ngā sij. ¹⁶Ni ganiquin' ráj dacoj sij rian Jesús. Ni ga' rian sij

rian yo'ōj. Ni naga'ui' sij guruhua Jesús. Ni tsínj daj huin 'ngo tsínj samaritano.

¹⁷Ngaa ni gataj Jesús:

—Sé ichí' ran' ni é re' huin si ganahuin sa', guí'yā a'. Ni a gan'anj ango un ran' ni sij únij. ¹⁸Urin tsínj 'na' anéj chrej nan nanicaj ga'mi sa' rian Yan'anj ní'. —Daj gataj Jesús.

¹⁹Ngaa ni gataj Jesús gunun tsínj daj:

—Nāchica re', ni gan'anj re' xi'í si guxuman ruhuá re' ni'yáj re' man'ānj, ni nahuín re' aj. —Daj gataj Jesús.

La venida del reino

²⁰Ngaa ni nachínj snan'anj ni tsínj fariseo Jesús aman guinicaj Yan'anj sun rian ni ngüi. Ni gataj Jesús:

—Nitaj si ní'yanj sisi ducu ni'yaj ni é re'. Daj si sij ga'ue guini'i ni ngüi ngaa ga'na' guinicaj sun Yan'anj mánj. ²¹Ni nitaj si gataj ni ngüi: "Nan huin rian nicaj sun Yan'anj, asi yu'uj daj huin rian nicaj sun Yan'anj." Sé daj huin mánj. Daj si hua ga'na' guinicaj sun Yan'anj scanij ni é re' aj. —Daj gataj Jesús rian ni tsínj fariseo.

²²Ngaa ni gataj Jesús gunun ni tsínj nico' sij:

—Guisij 'ngo güi ngaa gahuin ruhua ni é re' guini'i ni é re' güi nan ngaa huaj man'ānj scanij a ni é re' huinj da'níj ni ngüi. Sani si guini'i ni é re' mánj. ²³Ni gataj go'ngo ni ngüi gunun a ni é re': "Nan nne Cristo aj." Así gataj ni sij: "Yu'uj daj nne Cristo aj." Gataj ni ngüi gunun a ni é re'. Sani si gan'anj án re' mánj. Ni si guinico' a ni é re' ni tsínj da mánj. ²⁴Daj si daj

rún' huin ngaa rān 'yaj du'ui, ní 'ngo xiguín nín' rian xungüi, ní da'nga' daj yoo gahuin güi nānicaj da'níj ni ngüi huin man'ānj. ²⁵Saní hua níān sisi guiran'ānj sini nico sayun. Ní hua níān si dānicaj ni ngüi mān chruhua xungüi nan man'ānj nej.

²⁶'Ní daj rún' gui'yaj ni ngüi yo' gane tsínj gu'naj Noé, ní da'nga' daj gui'yaj ni ngüi güi ngaa ga'na' da'níj ni ngüi huin man'ānj. ²⁷Daj si ngaa gane Noé, ní xa ni sij go'o ni sij. Ní xacaj ni sij yun'unj xana. Ni nínanj daj gui'yaj ni sij da' güi gatúj Noé chruhua rió chéj rian nnee. Ngaa ní 'ngo gaman' gumān huee xxi nun güi nigan!. Ní gara nín' nnee nín' gachra' chruhua xungüi. Ní gahuil' daran' ni ngüi, gui'yaj nnee. ²⁸Ní daj rún' gui'yaj ni ngüi ngaa gane tsínj gu'naj Lot, ní da'nga' daj gui'yaj ni ngüi güi ga'na' man'ānj. Daj si ránj ni sij rasun nej, gudu'uej ni sij rasun nej, gunun ni sij nnā nej, gui'yaj ni sij hue' nej aj. ²⁹Saní ngaa gahu tsínj gu'naj Lot xuman' Sodoma gan'anj sij, ní guinij yan'ān nga yo'ój sufre xata!. Ní gahuil' daran' ni ngüi mán xuman' daj. ³⁰Ní daj rún' nun xacaj ni ngüi daj cuenta si guiran' ni sij sayun, ní da'nga' daj gahuin güi gurugüi' da'níj ni ngüi huin man'ānj.

³¹'Ní sisi taj re' chrä hue' güi daj, ní si nanij re' guiri re' si'yáj re' chruhua ducuá re' mánj. Ni sisi nun 'ngo tsínj quij 'yaj sun sij, ní si nanicaj sij ducuá sij mánj. ³²Ní gananun ruhua á re' daj guiran' nica tsínj gu'naj Lot asij ná.

³³'Ní un tsínj huin ruhua nāc妖 man'an sij, ní gahuil' sij. Saní un

tsínj ga'ue gahui' rian xi'ij, ní nāc妖 sij man'an sij.

³⁴'Ataj snan'ān gunun a ni é re' sisi 'ngo ní daj, ní gatoj nungüej nica 'ngo tsínj daj rian nna. Hué dan ní nicā gan'ān 'ngo nungüej sij. Ní aango nungüej sij guna. ³⁵Ní gunun nuguán'an huij yun'unj xana gaj ún'. Ní nicā 'ngo ún' gan'ān. Ní aango ún' guna. ³⁶Ní gunun huij tsínj gui'yaj sun riqui quij. Ní nicā gan'ān 'ngo sij. Ní aango sij guna. —Daj gataj Jesús gunun ni sij.

³⁷Ngaa ní nachínj snan'ānj ni sij Jesús. Ní gataj ni sij:

—Ní a huin gahuin daj Señor. —Daj gataj ni sij.

Ní gataj Jesús:

—Rian ngaj ni níman yu'uj daj nahuin yu' ni xarúj. —Daj gataj Jesús rian ni sij.

Parábola de la viuda y el juez injusto

18 Ngaa ní nani Jesús 'ngo cuento digyán sij rian ni tsínj nico' sij sisi niganj gachinj jni'yaj ni sij rian Yan'ānj. Ni si gahuin nichre ni sij mánj. ²Ní gataj Jesús:

—Ní hua 'ngo güesi nicaj sun nne riqui 'ngo xuman' daj. Ní nitaj si xu'ui' sij rian Yan'ānj. Ni nitaj si níyanj sij rian ni ngüi nej. ³Ní hué riqui xuman' daj nne 'ngo yun'unj mmij. Ní a'níj 'ngo tsínj letu nga ún!. Ní gan'anj ún' rian güesi nicaj sun daj sisi gui'yaj yya sí' si-gaquin' ún' nga tsínj unun' nga ún' daj. ⁴Ní gachin güi ní nun ga'uej ruhua güesi daj gui'yaj yya sij nga gaquin' daj. Ngaa ni nani ruhua sij, ni gataj sij gunun man'an sij: "Nunj si nitaj si xu'uij rian Yan'ānj, ní nitaj si

ni'yān rian ni ngüi nej,⁵ saní rian nun dunáj yun'unj mmij daj si chran' yun'unj ún' yūnj, ni gan'anj gui'yaj yyāj nga gaquin' daj. Ngaa ni si ga'na' chran' yun'unj ún' yūnj ga mánj. Daj si sisi nitaj, ni guin'an' ruhuāj ni'yā ún' nánj." Daj gataj tsínj daj gunun man'an sij. —Gataj Jesús gunun ni sij.

⁶ Ngaa ni gataj Señor Jesús rian ni sij:

—Xacaj á re' cuenta daj ga'mi güesi xi'i daj. ⁷ Ngaa achínj jni'yaj ni ngüi rian Yan'anj huin ni sij ni ngüi hua nacui Yan'anj, ni huin ruhua ni sij sisi gui'yaj yya Yan'anj 'ngo gaquin', ni si gui'yaj yya Yan'anj nga ni sij ga a!. Gahuin ran Yan'anj, ruhua á re' ní!. Sé daj huin mánj. ⁸ Ni ataj snan'ān gunun a ni é re' sisi rá'yanj gui'yaj yya Yan'anj nga ni ngüi daj. Sani ngaa ga'na' yūnj huīnj da'níj ni ngüi, ni nf' si nari'líj ni ngüi xuman ruhua ni'yaj Yan'anj. —Daj gataj Jesús gunun ni sij.

Parábola del fariseo y el publicano

⁹ Ngaa ni nani Jesús ango cuento digyán sij rian go'ngo ni tsínj daj. Daj si ani ruhua ni sí' sisi hua níca nimana ni sí'. Sani a'mi quij ni sí' xi'i ni ngüi. Ngaa ni gataj Jesús:

¹⁰ —Gan'anj huij ran' tsínj daj gatúj nungüej sij chruhua nuhui nico gachinj jni'yaj nungüej sij rian Yan'anj. Ni 'ngo sij daj huin tsínj fariseo. Ni ango sij huin tsínj a'nej pesto.

¹¹ Ni niquin' tsínj fariseo daj achínj jni'yaj sij. Ni gataj sij rian Yan'anj: "Hué re' huin Yan'anj. Ni guruhua re' sisi nitaj si huīnj daj rún' huin ango ni ngüi. Daj si 'yaj

tú ni sij. Ni 'yaj xi'i ni sij. Ni a'mi ni sij ngá níca 'ngo dugüi' ni sij nej. Ni guruhuá re' sisi nitaj si 'yā daj rún' 'yaj tsínj a'nej pesto nan mánj. ¹² Huij 'yā ayuno da nan sij semana. Ni a'nē ichi' rian go'ngo ciento daran' si 'yaj ganaj riquíj rián re'." Daj gataj tsínj fariseo daj gunun Yan'anj.

¹³ Sani gunáj tsínj a'nej pesto daj gan' niquin' sij. Ni xi'i si na'aj sij a doj nun ga'uej ruhua sij náchi nicaj sij rian sij ni'yaj sij xata!. Maan sij guita ra'a sij xí'yanj sij. Ni gataj sij gunun Yan'anj: "Yan'anj, náhuin i'ruhuá re' ni'yaj re' yūnj si huīnj 'ngo tsínj 'yaj gaquin'." Daj gataj tsínj daj.

¹⁴ Ni ataj snan'ān gunun a ni é re' sisi ngaa nañ' tsínj a'nej pesto daj ducuá sij, ni hua guinicaj Yan'anj 'ngo niman nico xi'i si-gaquin' sij. Sani nun guinicaj Yan'anj niman nico xi'i ango tsínj daj. Daj si un tsínj huin ruhua gahuin achij rian dugüi' sij, ni gunaj sij da rucu. Sani un tsínj huin ruhua gunaj da rucu, ni gahuin achij sij. —Daj gataj Jesús rian ni tsínj daj.

Jesús bendice a los niños

¹⁵ Ngaa ni nícaj ni yun'unj xána ni tsin' ga'na' ne rian Jesús sisi güta' sí' ra'a sí'. Sani ngaa guini'i ni tsínj nico' Jesús, ni gaxi'i ni sij chran' ni sij ni yun'unj xána nícaj ga'na' da aj.

¹⁶ Ngaa ni gaquínj Jesús si ga'na' ni tsin' rian sij. Ni gataj sij:

—Ra'a á re' si ga'na' ni tsin' da riánj. Ni si chran' án re' si ga'na' ni tsin' riánj mánj. Daj si rún' huin ni tsin' le nan, ni da'nga' daj huin ni ngüi mān rian nícaj sun Yan'anj. ¹⁷ Xángá' atā gunun a ni é

re' sisi na'uej ruhua 'ngo tsínj daj si guinicaj sun Yan'anj niman sij daj rún' 'yaj ni tsin', ni si ga'ue gatu sij rian nicaj sun Yan'anj mánj. —Daj gataj Jesús.

El joven rico

¹⁸Ngaa ni nachínj snan'anj 'ngo tsínj a'nin' rian ni ngüi Jesús. Ni gataj sij:

—Maestro sa'. Ni un sun gui'yā, ni ga'ue gane nigān, ruhuá re' únj. —Daj gataj sij gunun Jesús.

¹⁹Ngaa ni gataj Jesús:

—Ni un sin huin ni atáj re' sisi sa' man'anj únj. Urin Yan'anj huin si sa' nánj. ²⁰Hua ni'í re' ni nuguan' ga'nin' Yan'anj sun rián re': “Si ga'mi re' nga nicä dugüí' re' mánj. Ni si dagahuí' re' ngüi mánj. Si gui'yaj tu re' mánj. Si ga'mi re' nuguan' snan'anj xi'í dugüí' re' mánj. Guinun yan'anj re' chréj re' nga nní re' nej.” Nan huin ni nuguan' dagahuín re'. —Daj gataj Jesús gunun sij.

²¹Ngaa ni gataj tsínj daj:

—Daran' ni nuguan' daj ráj xināj asij hua lī. —Daj gataj sij gunun Jesús.

²²Ni ngaa gunun Jesús si gataj sij, ni gataj sí:

—Achin 'ngo nuguan' rián re' rún' huaj. Gudu'ue re' daran' si'yáj re'. Ni san'anj guiri' re' daj ga'ui' re' rian ni ngüi niqui ran'. Hué dan ni guiman nico si'yáj re' xata' gui'yaj Yan'anj anj. Ngaa ni ga'na' re' guinico' re' yünj anj. —Daj gataj Jesús.

²³Sani ngaa gunun tsínj daj si gataj Jesús, ni nani nico ruhua sij. Daj si hua nico san'anj rian sij.

²⁴Ngaa guini'i Jesús si nani nico ruhua sij, ni gataj sí:

—Ni 'i huaj gatu 'ngo tsínj xuru'ue rian nicaj sun Yan'anj anj. ²⁵Ni 'i huaj gatu 'ngo tsínj xuru'ue rian nicaj sun Yan'anj daj ngä si gachin 'ngo xucu camello yu'uj taj cúj nuhua aj. —Daj gataj Jesús.

²⁶Ngaa ni nachínj snan'anj ni tsínj gunun si gataj Jesús. Ni gataj ni sij:

—Sisi hué daj huin ni un tsínj ga'ue nacaj man'an sij sisi gatu sij rian nicaj Yan'anj sun únj. —Daj gataj ni sij.

²⁷Ngaa ni gataj Jesús:

—Yan'anj ga'ue gui'yaj si na'ue gui'yaj ni ngüi. —Daj gataj Jesús.

²⁸Ngaa ni gataj Pedro gunun Jesús:

—Hua duna únj daran' si'yaj únj. Ni nico' únj man'án re' aj. —Daj gataj Pedro.

²⁹Hué dan ni gataj Jesús:

—Xanga' atā gunun a ni é re' sisi un tsínj dunáj ducuá sij, nicä sij nej, jnánj sij nej, da'níj sij nej, chrej sij nej, nni sij nej, ngaa ni gui'yaj sa' Yan'anj ngä tsínj daj ngaa da'nga' daj 'yaj sij xi'í sun nicaj Yan'anj rian né! ³⁰Ni ni tsínj dunáj daran' ni rasun daj, ni xungüí nan nahuin ra'a sij doj daj ngä daran' si dunáj sij. Ni ango xungüí ga'na', ni gane niganj sij nga Yan'anj. —Daj gataj Jesús.

Nuevamente Jesús anuncia su muerte

³¹Ni gaquínj Jesús xuhuij ni tsínj nico' sij. Ni gataj sij:

—Yyaj ni gan'anj né' xuman' Jerusalén. Ni daj rún' garun ni tsínj ga'mi si-nuguan' Yan'anj asij

ná xi'lí man'ānj huínj da'níj ni ngüi, ni da'nga' daj guiran'ānj nánj. ³²Ni naga'ui' ni sij yünj rian ni tsínj 'na' anéj chrej. Ni ga'mi ducu ni sij xi'líj. Ni ga'mi quij ni sij riānj nej. Ni gara sta'nunj ni sij man'ānj nej. ³³Ni dugayun ni sij nne' xirā. Ni dagahui' ni sij man'ānj nej. Sani xiráj hua'nij güi, ni gana'ní aj. — Daj gataj Jesús.

³⁴Sani nun gunun ni sij si gataj Jesús. Ni nun xacaj cuenta ni sij si ga'mi sí'. Daj si a'mi sí' nuguan' na'ue gara da'nga' ruhua ni sij.

Un ciego de Jericó recibe la vista

³⁵Ni ngaa huaj guisij Jesús nichrun' xuman' Jericó, ni nne 'ngo tsínj duri du'ua chrej 'yaj sij caridad. ³⁶Ni ngaa gunun sij gachin nico ni ngüi, ni nachínj snan'anj sij un sin huin si gahuin. ³⁷Ngaa ni gataj ni tsínj daj sisi Jesús nazareno huin si gachin. ³⁸Ngaa ni gaguáj nucuaj sij. Ni gataj sij:

—Jesús, da'níj David huín re'. Nahuin 'i ruhuá re' ni'yaj re' yünj anj. —Daj gataj tsínj duri daj.

³⁹Sani ni ngüi hua ne' rian, ni chran' yun'unj sisi díñj gane du'ua sij. Sani ganari' nucuaj sij doj gaguáj sij. Ni gataj sij:

—Da'níj David, nahuin 'i ruhuá re' ni'yaj re' yünj anj. —Daj gaguáj sij.

⁴⁰Ngaa ni guiniquin' Jesús. Ni ga'nin' sij sun sisi nícaj ni sí' ga'na' ni sí' sij. Ni ngaa gahuin nichrun' sij, ni nachínj snan'anj Jesús sij.

⁴¹Ni gataj sí':

—Ni un sin huin ruhuá re' si gui'yá nga re' únj. —Daj gataj Jesús.

Ngaa ni gataj tsínj duri daj:

—Señor, huin ruhuáj sisí naxiguin riānj, gui'yáj re' aj. —Gataj tsínj daj.

⁴²Ngaa ni gataj Jesús:

—Hua naxiguin rián re' xi'lí si guxuman ruhuá re' ni'yáj re' yünj anj. —Daj gataj Jesús gunun tsínj duri daj.

⁴³Ni 'ngo hora daj naxiguin rian sij. Ni guinico' sij Jesús. Ni ga'mi sa' 'ueé sij rian Yan'anj. Ni daran' ni ngüi guini'i si gui'yaj Jesús, ni ga'mi sa' ni sij rian Yan'anj nej.

Jesús y Zaqueo

19 Ni gatúj Jesús xuman' Jericó. Ni huaj sij gachin sij xuman' daj. ²Ni yu'u'j daj nne 'ngo xuru'ue gu'naj Zaqueo. Ni huin sí' 'ngo tsínj a'nin' rian ni tsínj a'nej pesto. ³Ni gahuin ruhua sij guini'i sij Jesús. Sani rian huaj nico ni ngüi nga sí', ni nun ga'ue guini'i sij sí'. Daj si chre' Zaqueo daj. ⁴Xi'lí daj ni gunánj sij gan'anj sij da rian si huin ruhua sij guisij sij guini'i sij Jesús. Ni gahui sij chra 'ngo chrun gu'naj sicómoro rian gachin Jesús. ⁵Ni ngaa huaj gachin Jesús yu'u'j daj, ni ni'yaj sij chra chrun xata!. Ni gataj sí':

—Zaqueo, nañij yoo re' si acuan' nan huin si guná ducuá re', ruhuáj aj. —Daj gataj Jesús gunun Zaqueo.

⁶Ngaa ni nanij yoo sij. Ni gahuin nia' ruhua sij si guxuman Jesús ducuá sij.

⁷Ni ngaa guini'i ni ngüi si gui'yaj Jesús, ni gaxí'i ni sij ga'mi quij ni sij xi'lí Jesús. Ni gataj ni sij:

—Ni un sin huin ni gatúj Jesús ducuá 'ngo tsínj 'yaj gaquin' guna sí' únj, ataj ni sij.

⁸Ngaa ni naxuman Zaquo, ni gataj sij gunun Señor Jesús:

—Ni'yaj re' Señor. Yyaj ni ga'uīj da'aj si'yā rian ni ngüi yaco ran!. Ni ngaa ga'nej xacānj san'anj rian ni ngüi, ni naru'uē yacuan'anj peso chra go'ngo peso ga'nej xacānj anj. —Daj gataj Zaquo.

⁹Ngaa ni gataj Jesús:

Guisij Yan'anj 'na' naca ni ducua tsínj nan yyaj. Daj si tsínj nan huin 'ngo da'níj Abraham nej. ¹⁰Ni ga'na' da'níj ni ngüi huin man'ānj. Ni 'na' nana'uīj ni tsínj ga ni'ya. Ni ganacā ni sij, ruhuāj aj. —Daj gataj Jesús.

Parábola de las diez minas

¹¹Ni gunun ni ngüi si gataj Jesús. Ni hua guisij sij nichrun' du'ua xuman' Jerusalén. Ni gani ruhua ni ngüi sisi ga'na' yoo Yan'anj guinicaj sun-ún' chruhua xungüi nan guini'i ni sij, ruhua ni sij. Xi'í daj nani Jesús 'ngo cuento digyán sij rian ni sí!. ¹²Ngaa ni gataj Jesús:

—Ni hua 'ngo tsínj huin achij gan'anj 'ngo xuman' ngaj gan' si garij sun ni sij gahuin sí' rey xánj sí!. Da' sij da nanicaj sí' xánj sí!, ruhua sí!. ¹³Ngaa ni gaquínj tsínj daj ga'na' ichi' ran' tsínj 'yaj sun rian sij. Ni ga'uīj sij 'ngo san'anj gu'naj mina rian go'ngo ni sí!. Ni ducu du'uej san'anj gu'naj mina daj. Ni gataj snan'anj sij gunun ni sí!: "Guí'yaj gana á re' ngā san'anj nan da nanicā." Daj gataj sij. Ni gan'anj sij.

¹⁴'Sani nun huin xan' ruhua ni tsínj xanj daj ni'yaj ni sí' sij. Xi'í daj ga'níj ni sí' ni tsínj nicaj sun gan'anj gataj snan'anj rian tsínj huin achij daj sisi nun aran' ruhua ni sí' ni'yaj ni sí' sij. Ni si ga'ue gahuin sij tsínj a'nin' rian ni sij xánj ni sij ga mánj.

¹⁵'Sani ngaa guisij ganacaj sij sun daj, ni nanicaj sij xánj sij. Ngaa nasij sij xánj sij, ni ga'nin' sij sun sisi ga'na' ni tsínj 'yaj sun rian sij huin ni tsínj rian ga'uīj sij san'anj daj. Ni huin ruhua sij guini'i sij undaj guí'yaj gana go'ngo sí' nga san'anj daj.

¹⁶'Ngaa ni gataj tsínj guisij sini rian sij: "Señor, riquí re' 'ngo san'anj mina riānj. Ni ngā mina daj ni gui'yaj ganaj ichi' mina aj." Daj gataj tsínj daj. ¹⁷Ngaa ni gataj rey daj gunun sí!: "Dugu'naj guí'yáj re'. Huín re' 'ngo tsínj 'yaj sun sa!. Ni rian hua gacují re' ngā doj rasun nan, ni gahuín re' tsínj a'nin' rian ichi' xuman' guí'yā." Daj gataj tsínj huin achij daj.

¹⁸'Ngaa ni ga'na' angó tsínj daj. Ni gataj sí!: "Señor, riquí re' 'ngo san'anj mina riānj. Ni ngā mina daj ni gui'yaj ganaj yun'un' mina aj." Daj gataj sij!. ¹⁹Ni gataj tsínj huin achij daj gunun sí!: "Gahuín re' tsínj a'nin' rian unun' xuman', guí'yā." Daj gataj sij rian angó tsínj daj.

²⁰'Ngaa ni guisij ángó tsínj daj. Ni gataj sí!: "Nan 'na' níqui si-san'ánj re'. Na'níj sa'laj chruhua 'ngo paño. ²¹Daj si xu'uīj ni'yā re' si huín re' 'ngo tsínj huee. Ni nacaj re' si sé si'yá re' huin. Ni rian unun angó tsínj daj can, ni hué yu'u'j daj rí re' nnaa." Daj gataj tsínj 'yaj sun rian tsínj huin achij daj.

²²'Ngaa ni gataj tsínj huin achij gunun tsínj 'yaj sun daj: "Ni 'ngo moso xi'i huín re'. Si-nuguan' man'án re' ataj sisi da'uí re' gaquin!. Hua guini'i re' sisi huinj 'ngo tsínj huee. Ni guini'i re' sisi nacá si sé si'yá huin. Ni guini'i re' sisi ri man'ānj nnaa rian nun gunūnj nej.

23 'Xi'í daj ní un sin huin nun nicáj re' si-san'án gan'anj re' banco únj. Ngaa ní ngaa nānicā, ní nacā si-san'án nga san'anj nuta' chra banco nej únj." Daj gataj tsínj a'nin' rian moso daj. **24** Ngaa ní gataj sij rian ni tsínj niquin' nga sij: "Ga'ne a ni é re' san'anj ra'a sí!. Ní ga'u'í a ni é re' ra'a tsínj gui'yaj gana ichi' mina chra go'ngo mina aj." Daj gataj sij. **25** "Sani hua nicaj sí' ichi' mina." Gataj ni tsínj daj. **26** Ngaa ní: "Ataj snan'án gunun a ni é re' sisí tsínj nicaj, ní ga'u'í né' nico rian sij. Ní tsínj nitaj si nicaj, ní nunj si doj nicaj sij, sani ga'ne né' aj." Daj gataj tsínj huin achij daj. **27** Ngaa ní gataj ruhua' yún sij: "Ni tsínj unun' ngāj huin ni sij ni tsínj na'uej ruhua sisí gahuin achí rian ni sij. Sani guinicaj ni é re' ni sij ga'na' á re' nan dagahui' ni é re' riānj." Daj gataj tsínj huin achij daj. —Ní hué daj guisíj cuento nani Jesús.

La entrada triunfal en Jerusalén

28 Ngaa guisíj nani Jesús cuento daj, ní huaj sij guisíj sij xuman' Jerusalén. Ní táj dian sij rian ni tsínj nico' sij. **29** Ní huaj sij guisíj sij xuman' Betfagé nga xuman' Betania. Ní ngaj nuguán'an nungüej xuman' daj nichrun' dacan gu'naj Olivos. Ní ga'níj sij huij tsínj nico' sij gan'anj nungüej sí!. **30** Ní gataj sij gunun nungüej sí!:

—Gan'anj nungüej é re' xuman' ngaj ne' rian doj aj. Ní ngaa huaj gatu nungüej é re', ní nari' nungüej é re' 'ngo urruj anumi. Ní a 'ngo tsínj nitaj si taj mánj. Hué dan ní nachi nungüej é re' xú' nicaj á re' ga'na' á re' riānj. **31** Ní sisí hua

tsínj náchinj snan'anj rian nungüej é re' un sin ní nachi nungüej é re' urruj daj, ngaa ní gataj nungüej é re' gunun sij: "Man'an Señor ní'yanj xuj aj." Daj gataj Jesús gunun nungüej sij.

32 Ngaa ní gan'anj nungüej sij xuman' daj. Ní nari' nungüej sij urruj daj daj rún' gataj snan'anj Jesús gunun nungüej sij. **33** Ní ngaa nachi nungüej sij urruj, ní gataj ni tsínj dan xucu daj rian nungüej sij:

—Ní un sin huin ní nachi nungüej é re' urruj daj únj. —Daj gataj ni sí!.

34 Ngaa ní gataj nungüej sij:
—Ní'yanj Señor xuj. —Daj gataj nungüej sij.

35 Hué dan ní nicaj nungüej sij urruj ga'na' nungüej sij rian Jesús. Ní guta' nungüej sij si-gan' nungüej sij xiráj urruj. Ngaa ni guitáj Jesús xuj, gui'yaj nungüej sij. **36** Ní gurúj ni ngüí si-gan' ni sij chruhua chrej ne' huaj Jesús.

37 Ní ngaa huaj gahuin nichrun' ni sij guisíj ni sij dacuj dacan Olivos, ní gaxí'i gahuin niq' ruhua daran' ni tsínj nico' Jesús xi'í daran' si sa' guini'i ni sij, gui'yaj Jesús. Ní gaguáj ni sij. Ní ga'mi sa' ni sij rian Yan'anj nej. **38** Ní gataj ni sij:

—Hua 'ueé rian rey 'na' nga si-xugüi man'an Señor. Gahuin din'inj ni si mán xata'. Ní ga sa' 'ueé xata' aj. —Daj gaguáj ni sij xi'í Jesús.

39 Ngaa ní gataj go'ngo ni tsínj fariseo man scanij ni ngüí gunun Jesús:

—Maestro, gataj re' rian ni tsínj nico' re' sisí dínj guiniquin' du'ua ni sij. —Daj gataj ni sí!.

40 Sani gataj Jesús:

—Sisi dínj guiniquin' du'ua ni sij, ní gaguaj ni yej ngaj rian yo'ój aj. —Daj gataj Jesús.

⁴¹ Ni ngaa huaj guisíj Jesús ni chrun' xuman' Jerusalén, ni guini'i sij xuman' daj. Ni gaco sij xi'í xuman' daj. ⁴² Ni gataj sij:

—Maan si huin ruhuāj sisi guini'i ni é re' yyaj daj gui'yaj á re', ngaa ni gahuin din'inj rian án re' aj. Sani hua ránj rian án re', ni na'ue gara da'nga' ruhua á re' mánj. ⁴³ Ni guisíj 'ngo güi, ni guiran' án re' sayun. Daj si ga'na' ni tsínj unun' nga á re'. Ni gui'yaj ni sij 'ngo xingá ganicaj nin' xi'níj ni é re'. Ni si ga'ue gahui ni é re' mánj. ⁴⁴ Ni duguane ni sij daran' ni hue' mān xánj án re'. Ni dagahui' ni sij ni ngüi nej. Ni ni a 'ngo yej si dunáj ni sij rian dugüi' ni yej ga' mánj. Hué daj guiran' ni é re' si nun xacaj á re' cuenta ngaa ga'na' Yan'anj ganacaj á re' mánj. —Daj gataj Jesús rian ni ngüi mān xuman' Jerusalén.

Purificación del templo

⁴⁵ Hué daj sij ni gatúj Jesús chruhua nuhui nico. Ni gaxi'i sij guiri sij ne' chrej xe' ni tsínj du'uej rasun mán yu'uj daj. ⁴⁶ Ni gataj sij:

—Gataj si-nuguan' Yan'anj: “Ducuāj huin rian gachinj jni'yaj ni ngüi rian Yan'anj anj. Sani nuhui nan gahuin 'ngo huej mān ni tsínj tu, 'yaj á re' aj.” Daj gataj si-nuguan' Yan'anj. —Daj gataj Jesús.

⁴⁷ Ni daran' ni güi digyán Jesús rian ni ngüi chruhua nuhui daj. Sani ni chrej a'nin' nga ni tsínj digyán ley nga ni tsínj huin achij chruhua xuman' daj, ni nana'ui' ni sij daj dagahui' ni sij Jesús. ⁴⁸ Sani nun ri' ruhua ni sij daj gui'yaj ni sij si gahui Jesús. Daj si daran' ni ngüi mān unun sa' daj digyán Jesús rian ni sij.

La autoridad de Jesús

20 Ni 'ngo güi ngaa nne Jesús chruhua nuhui nico, ni digyán sij rian ni ngüi. Ni ga'mi sij nuguan' sa' rian ni sij. Ngaa ni guisíj ni chrej a'nin' nga ni tsínj digyán ley nej, ni tsínj huin achij nej. ² Ngaa ni gataj ni sij gunun Jesús:

—Gataj re' gunun únj un sun huin sun nicáj re', ni 'yáj re' nan únj. Ni un tsínj riqui sun, ni 'yáj re' nan únj. —Daj gataj ni sij.

³ Ngaa ni gataj Jesús gunun ni sij:

—Hué daj ruhuāj ganachin' snan'an 'ngo nuguan' da man'an án re'. Ni gataj á re' riānj, ruhuāj aj. ⁴ Ni un tsínj ga'níj sun rian tsínj gu'naj Juan sisi gata' nnee sí' ni ngüi únj. Yan'anj gataj rian sij ní'. Así hua ango tsínj gataj rian sij sa!. —Daj gataj Jesús.

⁵ Ngaa ni gani guitsi ruhua ni dugüi' ni sij. Ni gataj ni sij:

—Sisi gataj né' sisi Yan'anj ga'nin' sun rian Juan, ngaa ni gataj Jesús gunun né!: “Ni un sin huin nun guxuman ruhua á re' ni'yaj á re' man'an sij únj.” ⁶ Ni sisi gataj né' sisi ni tsínj ga'níj ga'na' Juan, sani ga'ui' daran' ni ngüi yej yun!. Daj si hua níca ruhua daran' ni ngüi mān nan sisi Juan gahuin 'ngo tsínj ga'mi si-nuguan' Yan'anj anj. —Daj gataj ni sij gani guitsi ruhua ni dugüi' ni sij.

⁷ Ngaa ni gataj ni sij gunun Jesús sisi nun guini'i ni sij un tsínj ga'nin' sun rian Juan gata' nnee sí' ni ngüi aj.

⁸ Ngaa ni gataj Jesús:

—Ngaa ni si gataj gunun a ni é re' un sin huin sun 'yá aj. —Daj gataj Jesús.

Los labradores malvados

⁹Ngaa ni gaxi'i Jesús nani sij 'ngo cuento digyán sij rian ni ngüi. Ni gataj sij:

—Hua 'ngo xuru'ue gunun coj uva. Ngaa ni naga'ui' sij si-coj sij coj chruj uva rian go'ngo ni tsínj daj sisi dugumi ni sí' si'yaj sij. Ni gahui sij gan'anj sij gan' ga'i yahui. ¹⁰Ni ngaa guisíj güi gane uva daj, ni ga'níj sij si-moso sij gan'anj gachinj sí' rian ni tsínj mán 'yaj sun daj chruj si huin si'yaj sij. Sani ga'ui' ni sí' chrun tsínj daj. Ni na'níj ni sí' nañ' yun sij. ¹¹Hué dan ni ga'níj ruhua' yún tsínj do'oj daj ango si-moso sij. Sani ga'ui' ni tsínj daj sí' nej. Ni gui'yaj quij ni sij nga sí'. Ni na'níj ni sij nañ' yun sí' nej. ¹²Ngaa ni ga'níj ruhua' yún tsínj do'oj daj ango si-moso sij. Sani guiran' xi'i sí', gui'yaj ni sij. Ni guiri ni sij sí' ne' chrej xe' rian man coj uva daj.

¹³'Ngaa ni gataj xuru'ue daj gunun man'an sij: "Ni un sin gui'yá únj. Ga'ní da'ní l'i ruhuāj gan'anj. Ga níyanj ni sij ngä man'an da'ní aj." Daj gataj xuru'ue daj gunun man'an sij. Ni ga'níj sij da'níj sij gan'anj sí'. ¹⁴Sani ngaa guini'i ni tsínj daj da'níj sij, ni gataj ni sij gunun ni dugüi' ni sij: "Tsínj nan gunánj do'ój chrej sij si sa' gahui' chrej sij. Dagahui' né' tsínj nan, ngaa ni guna né' gahuin do'ój né' nan anj." Daj gataj ni sij. ¹⁵Ngaa ni guere'ej ni sij sí' chrej xe' du'ua rian man coj uva daj. Ni dagahui' ni sij sí'. Hué dan ni daj gui'yaj tsínj do'oj daj nga ni tsínj dugumi daj, ruhua ni é re' únj. ¹⁶Ga'na' sij rian ngaj do'ój sij. Ni dagahui' sij ni tsínj 'yaj sun daj.

Ngaa ni naga'ui' sij coj chruj uva daj huin si-coj sij rian ango ni tsínj sisi dugumi ni sí' si'yaj sij. —Daj gataj Jesús gunun ni ngüi.

Ni ngaa gunun ni ngüi nuguan' daj, ni gataj ni sij:

—Sé daj huin ruhua únj si gui'yaj Yan'anj mánj. —Daj gataj ni sij.

¹⁷Sani guini'yaj Jesús rian ni sij. Ni gachínj snan'anj sí' ni sij gataj sí':

—Un sin huin ni garun ni sij nuguan' nan asij ná, ruhua á re' únj:

Yej guere'ej ni tsínj 'yaj sun hue!,
gahuin-ín' 'ngo yej sa' doj gane,
ni ran-án' dugu'nun' squina hue'
niganj nin' anj.

Da'nga' daj garun ni sij rian libro huin si-nuguan' Yan'anj. ¹⁸Ni huéj huin yej daj. Ni sisi ganatu 'ngo ngüi rian yej daj, ni garan' ni sij, gui'yá. Ni sisi guinij yej daj rian 'ngo ni ngüi, ni guixitin' ni sij, gui'yá. — Daj gataj Jesús gunun ni sij.

La cuestión del tributo

¹⁹Ngaa ni hué gue hora daj huin ruhua ni chrej huin achij ngä ni tsínj digyán ley guida'a ni sij Jesús. Daj si xacaj ni sij cuenta sisi nuna Jesús cuento daj xi'l man'an ni sij. Sani xu'ui' ni sij rian ni ngüi.

²⁰Ngaa ni ni'yaj ni sij Jesús. Ni ga'níj ni sij ni tsínj gan'anj naga'naj. Ni gui'yaj ni sí' sisi tsínj 'yaj nica huin ni sí'. Daj si huin ruhua ni sí' sisi gache ga'mi Jesús. Ngaa ni ga'ue naga'ui' ni sí' Jesús rian gobernado, ruhua ni sij. ²¹Ngaa ni gachínj snan'anj ni tsínj digyá' yun'unj daj Jesús. Ni gataj ni sij:
—Maestro, ni'i ni únj sisi a'mí re' nuguan' nica. Ni xanga' digyán

níca re' rian ni ngüi nej. Ni nitaj si gui'yáj re' sisí tsínj huin rian, así tsínj ga niqui huin 'ngo tsínj daj. Ni digyán x̄anga' re' sisí daj gui'yaj né' guínico' né' Yan'anj. ²²Ngaa ni: Sa' huin sisí ga'ui' né' san'anj a'nej rey César, ruhuá re' ní'. Ga'ui' né' ní'. Así si ga'ui' né' sa!. —Daj gataj ni sij gunun Jesús.

²³Sani xacaj Jesús cuenta sisí ani quij ruhua ni sij. Ngaa ni gataj sí' gunun ni sij:

—Ni un sin huin ni huin ruhua á re' gui'yáj re' xi' ngāj únj.

²⁴Digýán án re' 'ngo san'anj denario riānj. Ni un tsínj rian nún rian san'anj nan únj. Ni un tsínj si-xugüi nún rian san'anj nan únj. —Daj gataj Jesús gunun ni sij. Ngaa ni:

—Hué César huin. —Gataj ni sij.

²⁵Hué dan ni gataj Jesús:

—Ngaa ni ga'ui' a ni é re' si'yaj rey César rian sij. Ni ga'ui' ni é re' si'yaj Yan'anj rian Yan'anj anj. —Daj gataj Jesús.

²⁶Ngaa ni nun ga'ue gui'yaj ni sij sisí gache ruhua Jesús ga'mi sí' rian ni ngüi. Sani garáj yan'anj ruhua ni sij ngá nuguan' gataj Jesús gunun ni sij. Ni dínj ganiquin' du'ua ni sij.

La pregunta sobre la resurrección

²⁷Hué dan ni guisíj go'ngo ni tsínj saduceo rian nne Jesús. Ni ni tsínj saduceo daj ataj sisí nitaj si gana'nij ni níman mánj. ²⁸Ni nachínj snan'anj ni sij Jesús. Ni gataj ni sij:

—Maestro, garun Moisés nuguan' gunun né!. Ni gataj si-nuguan' sí' sisí gahui' 'ngo tsínj hua nica, ni nitaj da'níj sij ngá nica sij, ngaa ni nacaj jnánj tsínj gahui' daj nica níman

daj. Da'nga' daj gui'yaj sij ga'ui' sij si ga'nga lij na'gane-é' yan du'ua chrej-é!. Daj gataj Moisés. ²⁹Ni hua ichij jnánj 'ngo tsínj daj. Ni xacaj tsínj xahua' nica sij. Ni gahui' sij. Ni nitaj da'níj sij nga ún' mánj. ³⁰Ni nacaj ango jnánj sij tsínj ga'na' rian man'an sij nica sij. Ni hué daj gahui' sí!. ³¹Ni hué dan nan guiran' ango jnánj sij sij huá'nij jnánj sij aj. Ni hué daj guiran' ichij jnánj sij. Ni a 'ngo lij nun ga'nga, gui'yaj ni sij nga yun'unj x̄ana daj. Ni gahui' daran' ni sij. ³²Da' guisíj daj gahui' man'an yun'unj x̄ana da nej. ³³Hué dan ni ngaa gana'nij ni níman ngaa guiman ruhua' yún ichij jnánj sij, ni daj hua yya tsínj gahuin nica yun'unj x̄ana daj, ruhuá re' únj. Daran' ni sij xacaj ún' nánj. —Da'nga' daj gataj ni tsínj saduceo gunun Jesús.

³⁴Ngaa ni gataj Jesús gunun ni sij:

—Ni tsínj mān xungüi nan, ni acaj ni sij ni ngüi x̄ana. Ni hué daj hua nica ni ngüi x̄ana nej. ³⁵Sani níni gui'yaj ni ngüi guiman xungüi naca. Ni gana'nij ni sij gane ni sij xata' xi'í si ni'i Yan'anj sisí hua nica níman ni sij. Ni ngaa gane ni sij xata', ni si xacaj ni tsínj ni yun'unj x̄ana mánj. Ni si ga nica ni yun'unj x̄ana mánj. ³⁶Daj si si ga'ue gahui' ni ngüi xata' mánj. Ni uyan huin ni sij ngá ni ángel. Ni huin ni sij da'níj Yan'anj xi'í si ganá'nij ni sij scanij ni níman.

³⁷'Ni garun Moisés xi'í 'ngo coj anun. Ni xi'í daj digyán sij sisí gana'nij x̄anga' ni níman. Daj si a'mi sij sisí Señor huin Dan'anj tsínj gu'naj Abraham ngá tsínj gu'naj Isaac ngá tsínj gu'naj Jacob nej.

³⁸Hué dan ni sé níman huin ni tsínj guinicó! Yan'anj asij ná mánj. Hua ni'na' ni sij nánj. Daj si hua ni'na' daran' ni ngüi rian Yan'anj. —Daj gataj Jesús.

³⁹0 Ngaa ni gataj go'ngo ni tsínj digyán ley gunun Jesús:

—Maestro, dugu'naj huaj gatáj re!
—Daj gataj ni sij.

⁴⁰Ni nun guisij ruhua ni sij
gachinj snan'anj ni sij rian Jesús ga
mánj.

¿De quién es hijo el Cristo?

⁴¹Ngaa ni gataj Jesús gunun ni sij:
—Ni un sin huín ni ataj ni sij sisi
Cristo huín da'níj xí' David únj.

⁴²⁻⁴³Daj si gataj David rian libro
gu'naj Salmos: "Yan'anj gataj gunun
Señor nicaj sun riánj sisi gane
sí' chrej ra'a sa' Yan'anj da' guisij
gui'yaj gana Yan'anj rian ni tsínj
unun' ngá Señor nicaj sun riánj."
Daj gataj Yan'anj gunun Señor.
Gataj xí' David. ⁴⁴Ngaa ni asa'
ga'ue gahuin Cristo da'níj David sisi
dugu'naj sí' Señor man'an Cristo
únj. —Daj gataj Jesús.

Jesús acusa a los escribas

⁴⁵Ngaa ni gataj Jesús gunun ni
tsínj nico' sij. Ni gunun daran' ni
ngüi daj gataj sij:

⁴⁶—Gagudadu a ni é re' sisi si
gui'yaj á re' daj rún' yaj ni tsínj
dogyán ley. Daj si niá' ruhua ni sij
gache ni sij nga atsij xacan nún ni
sij huin si-gan' ni tsínj huin achij.
Ni huin ruhua ni sij sisi ga'mi sa' ni
ngüi ngá ni sij ngaa achéj ni sij rian
yu'ue. Ni nana'ui' ni sij 'ngo chrún
xila sa' doj gane ni sij chruhua
nuhui. Ni nana'ui' ni sij 'ngo yu'u

sa' gane ni sij rian 'yaj ni sij 'ngo
gui'yanj. ⁴⁷Ni a'nej ni sij ducuá
yun'unj xana mmij. Ni achínj jni'yaj
ná ni sij rian Yan'anj sisi sa' 'yaj ni
sij gani ruhua ni ngüi, ruhua ni sij.
Xacan guiran' ni sij castigo, gui'yaj
Yan'anj. —Daj gataj Jesús gunun ni
sij.

La ofrenda de la viuda

21 Ngaa ni ni'yaj Jesús sisi daj
a'níj ni xuru'ue san'anj
ofrenda chruhua chrúnj. ²Ni hué
daj guini'i sij sisi ga'níj 'ngo yun'unj
niqui mmij huij san'anj niqui
chruhua chrúnj nej. ³Ngaa ni gataj
sij:

—Xanga' ataj snan'ān gunun a ni
é re' sisi yun'unj xana niqui nan,
sani a'níj nico ún' doj san'anj daj
nga' daran' ni sij. ⁴Daran' ni ngüi
nan a'ui' san'anj gunáj rian ni sij.
Sani yun'unj niqui mmij nan a'ui'
ún' daran' san'anj nicaj ún' san'anj
guiran ún' si xá ún' nánj. —Daj
gataj Jesús gunun ni sij.

Jesús predice la destrucción del templo

⁵Hué dan ni ga'mi go'ngo ni tsínj
daj sisi 'ueé hua nuhui. Daj si nne yej
niá'. Ni xacan ga'ui' ni ngüi ofrenda,
ngaa ni ga'ue gahuin niá' nuhui daj.

⁶Ngaa ni gataj Jesús gunun ni sij:

—Ni'yaj á re' nuhui xachij nan.
Sani hua 'ngo güi, ni si gunáj ni a
'ngo yej rian dugüi' mánj. Duguane
níñ' ni sij nuhui nan anj. —Daj
gataj Jesús gunun ni sij.

Señales antes del fin

⁷Ngaa ni nachínj snan'anj ni sij
Jesús. Ni gataj ni sij:

—Maestro, un güi gahuin yya ni nuguan' nan únj. Ni un da'nga' daj hua 'ngo ga'na' guini'i únj, ngaa ni gahuin daran' nuguan' nan únj. — Daj gataj ni sij gunun Jesús.

⁸Ngaa ni gataj Jesús:

—Ga cuidado ni é re^l sisi nitaj 'ngo tsínj digya' yun'unj ni é re^l. Daj si ga'na' nico ni tsínj rian si-xugüi man'ānj. Ni gataj ni sij: "Hué man'ānj huin Cristo aj." Ni: "Yyaj guisij güi ga'na' Señor." Gataj ni sij. Sani si guinico' ni é re^l ni tsínj da mánj.

⁹'Ni ngaa gunun a ni é re^l nuguan' sisi hua guerra, ni sisi unun' ni ngüi nga gobierno, ngaa ni si guxu'ui' ni é re^l mánj. Hua niān si hué daj gahuin sini. Sani achin ganahuij rá'yanj xungüi ga aj. —Daj gataj Jesús.

¹⁰Ni gataj ruhua' yún Jesús:

—Gunun' ni ngüi mān 'ngo xuman' nico nga ni ngüi mān ango xuman' nico. Ni gunun' 'ngo gobierno daj nga ango gobierno ga'l yu'uj. ¹¹Ni ga'na' yún nucuaj. Ni ga xi'na nej. Ni ga'na' xi'i rian go'ngo xungüi nej. Ni guxu'ui' ni ngüi xi'i si guini'i ni sij da'nga' xxi xata!

¹²Sani hua sini ngaa nun güin gahuin ni nuguan' nan, ni guida'a ni sij a ni é re^l. Ni chrān yun'unj ni sij ni é re^l. Ni naga'ui' ni sij ni é re^l rian tsínj mān chruhua nuhui nico nga rian ducuaga' nej. Ni nicaj ni sij ni é re^l gan'anj ni sij rian ni rey nga rian ni gobernado xi'i si nico' ni é re^l man'ānj. ¹³Ngaa ni ga'ue ga'mi a ni é re^l nuguan' sā xi'ij rian ni tsínj daj. ¹⁴Ni si gani sini ruhua á re^l daj ga'mi ni é re^l rian ni sij mánj. ¹⁵Daj si riquij nuguan' ga'mi

ni é re^l. Ni riquij si gahuin chrān ni é re^l ngaa ga'mi ni é re^l. Hué dan ni si ga'ue nanicaj ni tsínj unun' ngā ni é re^l ga'mi ni sij mánj. Daj si si gahuin nucuaj ni sij guiri ruhua ni sij si gataj ni sij gunun a ni é re^l mánj. ¹⁶Ni naga'ui' da chrej ni é re^l man'an ni é re^l rian tsínj nicaj sun. Ni hué daj guīyaj jnánj ni é re^l ngā dugüi' ni é re^l nej, ni tsínj nicaj dugüi' ngā ni é re^l nej. Ni dagahui' ni sij da'aj á re^l. ¹⁷Ni si gahuin sā ruhua daran' ni ngüi ni'yaj ni sij ni é re^l xi'i si nicaj dugüi' ni é re^l ngaj. ¹⁸Sani ni a 'ngo hué chra ni é re^l si ga ni'yaj mánj. ¹⁹Xi'i si nico' ran ni é re^l man'ānj, ni ga'ue gane niganj ni é re^l ngā Yan'anj.

²⁰Sani ngaa guini'i a ni é re^l si ganicaj ni snado du'ua xuman' Jerusalén, ngaa ni xacaj á re^l cuenta sisi guere' rá'yanj xuman' daj. ²¹Hué dan ni ngaa guini'i ni é re^l daj, ngaa ni gunánj ni ngüi mánj estado Judea gānanj ni sij riqui quij. Ni gahui ni ngüi mān chruhua xuman' daj gan'anj ni sij. Ni ni ngüi mān riqui quij, ni si gatuj ni sij chruhua xuman' da mánj. ²²Daj si hué ni güi daj, ni guīyaj Yan'anj castigo ni ngüi sisi gahuin yya daj rūn hua nica rian si-nuguan' Yan'anj. ²³Ni niqui niman ni ngüi xana nun riqui nga ni ngüi xana utsi guē da'nij si gahuin ni güi daj. Daj si guiran' ni ngüi mān chruhua xungüi nico sayun. Ni ga'man ruhua Yan'anj ni'yaj ni ngüi mān xuman' nan. ²⁴Ni gahui' ga'l ni sij, guīyaj espada. Ni gunumi ni sí ango ni sij. Ni nicaj ni sí ni sij gan'anj ni sí nin' gachra' chruhua xungüi. Ni guīyaj quij ni tsínj 'nā

anéj chrej nga xuman' Jerusalén. Ni hué daj guí'yaj ni sij da guisij güi ga'ne Yan'anj sun ra'a ni sij.

La venida del Hijo del Hombre

²⁵Ni guini'i ni ngüi da'nga' rian güi nga rian yahuí nej, rian ni yati' nej. Ni ducu guxu'ui' ni ngüi mān chruhua xungüi. Ni nun guiri' ruhua ni sij si guí'yaj ni sij. Daj si gunun ni sij si garin guí'yaj nnee yan'anj. Ni hué daj garin si naxuman nnee yan'anj, guí'yaj nane. ²⁶Ni gahuin nichre ni tsínj xi'l si ducu guxu'ui' ni sij. Ni da'nga' daj gahuin xi'l si nun ni'i ni sij daj hua sayun ga'na' xungüi nan. Daj si nagunanj ni fuerza mán xata!. ²⁷Asíj ni guini'i ni ngüi ga'na' man'ānj rian nga huinj da'níj ni ngüi. Ni ga'nāj nga daran' fuerza. Ni nahuin 'ueé nin'ínj ga'nāj nej aj. ²⁸Ngaa ni ngaa hué daj gaxi'i gahuin, ni duguachre rian án re'. Ni nachica ni é re' chra ni é re' nej. Daj si gahuin nichrun' güi nacaj Yan'anj ni é re'.

²⁹Ngaa ni nani Jesús 'ngo cuento digyán sij rian ni sí!. Ni gataj sij:

—Ni'yaj á re' daj 'yaj chrun higuero nga daran' ni chrun. ³⁰Ni ngaa naxira' ra'a coj ni'yaj á re', ni ni'i a ni é re' sisí hua gahuin nichrun' yahuí gahuin yan'anj anj. ³¹Ni hué güe ducuánj daj ngaa guini'i a ni é re' sisí hua gahuin yya daran' nuguan' nan, ngaa ni guini'i ni é re' sisí rá'yanj ga'na' guinicaj sun Yan'anj rian án re'. ³²Xangá' atā gunun a ni é re' sisí si gahui' ni ngüi mān yyaj da gahuin yya daran' ni nuguan' nan anj. ³³Ga ni'yá xata' nga yo'ój. Sani si-nuguan'ānj nitaj aman ganahuíj mánj.

³⁴Ni ga cuidado ni é re' nga man'an án re' sisí si xa nasa' ni é re'. Ni si ga xini ni é re'. Ni si gahuin ruhua á re' nga ni rasun mān chruhua xungüi nan mánj. Daj si sisí da'nga' daj guí'yaj ni é re', ngaa ni 'ngo hora ga'na' güi ga'na' man'ānj. ³⁵Daj si daj rún' na'man xe', ni da'nga' daj ga'na' güi daj rian daran' ni ngüi mān chruhua xungüi nan. ³⁶Ngaa ni 'ngo ni'yaj á re'. Ni niganj gachinj jni'yaj á re' rian Yan'anj. Ngaa ni ga'ue gataj Yan'anj sisí si guiran' ni é re' sayun daj. Ni ga'ue ganiquin' a ni é re' rian da'níj ni ngüi huin man'ānj. —Daj gataj Jesúz gunun ni sij.

³⁷Ni ne' guní'yanj digyán Jesús chruhua nuhui nico. Ngaa ni ne' ni, ni gahui sij xuman' daj gan'anj gunaj sij dacan gu'naj Olivos. ³⁸Ni hua nigan' acuan', ni gan'anj daran' ni ngüi nuhui sisí gunun ni sí' si gataj sij.

El complot para matar a Jesús

22 Ngaa ni 'na' gahuin nichrun' gahuin guí'yanj ngaa xa ni sij chrachrúnj nitaj si nachrej levadura. Ni pascua gu'naj guí'yanj daj. ²Ni nano' ni chrej a'nin' nga ni tsínj digyán ley sisí daj dagahui' ni sij Jesúz. Daj si xu'ui' ni sij rian ni ngüi.

³Ngaa ni gatúj sichre Satanás chruhua niman tsínj gu'naj Judas gu'naj sí' Iscariote. Ni huin sij 'ngo ni xu'huij ni tsínj nico' Jesúz. ⁴Ni gan'anj sij ga'mi sij nga ni chrej a'nin' nga ni snado huin achij rian ni snado dugumi nuhui sisí daj guí'yaj sij naga'ui' sij Jesúz rian ni sí'. ⁵Ngaa ni gahuin niá' ruhua ni

tsínj daj. Ni gataj ni sij sisí ga'ui' ni sij san'anj rian Judas. ⁶Ngaa ni garáj xina Judas. Ni nano' sij hora sa' ga'ue naga'ui' sij Jesús rian ni sí ngaa nitaj ni ngüi mán.

Institución de la Cena del Señor

⁷Ngaa ni guisíj güi gahuin gui'yanj ngaa gui'yaj ni sij chrachrúnj nitaj si 'nij levadura xa ni sij. Ni hua niqan dägahui' ni sij xachij 'nij xi'lí pascua gui'yanj daj.

⁸Ni ga'nij Jesús gan'anj Pedro nga Juan. Ni gataj sij gunun nungüej sí':

—Gan'anj gui'yaj xugüi nungüej é re' si xá né' güenda pascua aj. —Daj gataj Jesús.

⁹Ngaa ni gataj nungüej sij:

—Ni a gui'yaj xugüi nungüej únj si xá né' únj. —Daj gataj nungüej sij.

¹⁰Ni gataj Jesús:

—Ngaa gatu nungüej é re' xuman', ni nari' dugüi' nungüej é re' nga 'ngo tsínj ata cucuaj nun nnee chruhua. Ni guinico' nungüej é re' tsínj daj gan'anj gatu nungüej é re' hue' gatu sí'. ¹¹Ni gataj nungüej é re' gunun tsínj dycua daj: "Nachínj snan'anj Maestro man'án re' un cuarto huin xá sti'ni sij pascua nga ni tsínj nico' sij únj." Daj gataj nungüej é re' gunun tsínj dycua daj.

¹²Ngaa ni gan'anj digyán sí' 'ngo cuarto xachij xata' niquin' mesa nga chrun xila chruhua cuarto daj. Ni yu'uj daj gui'yaj xugüi nungüej é re' xá sti'ni né'. —Daj gataj Jesús gunun nungüej sij.

¹³Ngaa ni gan'anj nungüej sij. Ni nari' nungüej sij daj rún' gataj Jesús gunun nungüej sij. Ni gui'yaj xugüi nungüej sij si xá sti'ni ni sij xi'lí gui'yanj pascua. ¹⁴Ni ngaa guisíj

hora daj, ni gane Jesús ngá ni tsínj nico' sij rian mesa huin ni tsínj gan'anj ga'mi si-nuguán' sij rian ni ngüi. ¹⁵Ni gataj Jesús gunun ni sij:

—Nin' ruhua gahuin ruhuáj xá sti'ni'xi'lí gui'yanj pascua ngá á re' ngaa achin guiran'ānj sayun. ¹⁶Daj si ataj snan'ān gunun a ni é re' sisí si xá yünj xi'lí gui'yanj pascua ngá á re' da gahuin gui'yanj pascua naça rian nicaj sun Yan'anj. —Daj gataj Jesús gunun ni sij.

¹⁷Ngaa ni guida'a sij tasa. Ni naga'ui' sij si guruhua Yan'anj. Ngaa ni gataj sij gunun ni sí':

—Guída'a á re' tasa nan. Ni da'ngá' á re' go'o dugüi' a ni é re' aj. ¹⁸Ni ataj snan'ān gunun a ni é re' sisí si go'oj ruhua' yünj nnee uva nan da ga'na' guinicaj sun Yan'anj rian án re'. —Daj gataj Jesús.

¹⁹Ngaa ni guida'a sij chrachrúnj. Ni naga'ui' sij si guruhua Yan'anj. Ngaa ni gura' da'aj sij. Ni ga'ui' sij xa ni sí'. Ni gataj sij gunun ni sí':

—Chrachrúnj nan huin nnee cū aj. Ni gahuíj xi'lí si-gaquin' a ni é re'. Ni xa ni é re' chrachrúnj nan sisí nānun ruhua á re' ni'yaj á re' man'ānj. —Daj gataj Jesús.

²⁰Ni ngaa ganahuij gahuin sti'ni ni sij, ni guida'a Jesús tasa daj rún' guida'a sij chrachrúnj. Ngaa ni gataj sij gunun ni sí':

—Hué nnee uva nan huin nuguán' nagui'yaj naça yya Yan'anj ngá á re'. Ni gayanj si-tun man'ānj xi'lí si-gaquin' a ni é re'.

²¹Sani ni'yaj á re' sisí taj ra'a tsínj naga'ui' man'ānj rian ni tsínj nicaj sun rian mesa ngāj. ²²Ni daj rún' ani ruhua Yan'anj, ni da'ngá' daj guiran'ānj sayun huinj da'níj ni

ngüi. Sanj niqui niman nin' ruhua tsínj naga'ui' man'anj rian ni tsínj nicaj sun. Daj si gahuin nico castigo guiran' sij. —Daj gataj Jesús gunun ni sij.

²³Ngaa ni gaxi'i ni sij nachínj snan'anj ni sij go'ngo ni dugüi' ni sij sisí un tsínj gui'yaj daj, ruhua ni sij.

La grandeza en el servicio

²⁴Ni gani guitsi ruhua ni dugüi' ni man'an ni sij sisí daj hua tsínj gahuin achij scanij ni sij, ruhua ni sij. ²⁵Ngaa ni gataj Jesús gunun ni sij:

—Ni rey nicaj sun rian ni tsínj 'na' anéj chrej, ni ducu a'nin' ni sij sun rian ni tsínj daj. Ni ataj ni rey daj sisí dugu'naj 'yaj ni sij rian ni ngüi. ²⁶Sani si gui'yaj á re' da mánj. Sisi hua 'ngo tsínj huin achij scanij ni é re', ni da'ui sij gui'yaj sij si hua lij sij. Ni sisí hua 'ngo tsínj a'nin' sun scanij a ni é re', ni da'ui sij gui'yaj sun sij rian ni dugüi' sij. ²⁷Ni un tsínj huin achij ruhua á re' únj. Tsínj nne rian mesa ní'. Así tsínj 'yaj sun rian tsínj nne rian mesa sa'. Sé tsínj nne rian mesa daj huin ruhuá re' a!. Sani yünj huin si niquin' 'yaj sun rian án re' aj.

²⁸'Sani hué man'an án re' huin ni tsínj guinicaj dugüi' ngāj ngaa guiran'anj sayun. ²⁹Ngaa ni daj rún' riqui chré nicaj sūnj, ni da'nga' daj riqui guinicaj sun a ni é re' ngāj nej aj. ³⁰Ngaa ni xá á re' go'o a ni é re' rian si-mesāj ngaa guinicaj sūnj xungüi ga'na!. Ni gane a ni é re' rian chrun xila sa' guinicaj sun a ni é re'. Ni nagui'yaj yya á re' rian xuhuij ni xi'nin' ni tsínj israelita. —Daj gataj Jesús gunun ni tsínj nico' sij.

Jesús anuncia la negación de Pedro

³¹Ngaa ni gataj Señor Jesús gunun Simón Pedro:

—Simón, Simón, gunún re' nuguan' ga'mi rián re'. Daj si gachínj sichre Satanás permiso sisí chrán' yun'unj sij a ni é re' daj rún' 'yaj 'ngo tsínj nagunan' strigo sisí gahui yaco riqui strigo daj. Da'nga' daj huin ruhua sichre Satanás. ³²Sani gachínj jni'yā rian Yan'anj xi'í re' sisí si ga'nin' ruhuá re' si guxuman ruhuá re' ni'yaj re' man'anj mánj. Ni ngaa nañico' re' man'anj, ni chracuij re' ni jnánj re' sisí gahuin nica ruhua ni sij aj. —Daj gataj Jesús gunun Simón Pedro.

³³Ngaa ni gataj Pedro gunun Jesús:

—Señor, hua ruhuáj gan'ān nga re' ducuaga'. Ni da'nga' daj hua ruhuáj gahuíj nga re' nej. —Daj gataj Pedro gunun Jesús.

³⁴Ngaa ni gataj Jesús:

—Pedro, atā gunún re' sisí asij nun gagauj do'loj du'ua xú' yan' nan, ni gataj re' hual'nj sisí nun ni'lí re' man'anj. —Daj gataj Jesús.

Bolsa, alforja y espada

³⁵Ngaa ni nachínj snan'anj Jesús ni tsínj nico' sij. Ni gataj sij:

—Ni ngaa ga'nī gan'anj án re', ni nitaj si nicaj á re' nnánj nga nnij nun san'anj nej, canj nej, gan'anj án re' mánj. Ni ngaa gan'anj án re', ni hua a 'ngo rasun gachin rian án re' ní!. —Daj gataj Jesús gunun ni sij.

—Nitaj a 'ngo rasun gachin rian únj mánj. —Daj gataj ni sij.

³⁶Ngaa ni gataj Jesús:

—Sani yya ni sisí nicaj á re' 'ngo nnánj, ni nicaj á re' gan'anj án re'

nga nnij nūn san'anj nej. Nī tsínj nitaj si nicaj espada, nī gudu'ue sij reto nūn sij, nī guiran sij 'ngoj aj.

³⁷ Atā gunun a ni é re' sisí daj rún' hua nīca rian si-nuguan' Yan'anj, nī da'nga' daj hua niān dāgahuinj ni nuguan' daj. Nī ataj 'ngo nuguan' daj: "Guta' ni sij si-xugüi sī' nīga si-xugüi ni tsínj 'yaj gaquin'." Daj ataj si-nuguan' Yan'anj xi'í man'ānj. Daran'anj hua nīca rian xi'íj. Nī hua niān gāhuin yya nánj. —Daj gataj Jesús gunun ni sij.

³⁸ Ngaa nī:

—Nan niquin' huij espada. —Daj gataj ni sij gunun Jesús.

—Hué daj sīj gaj. —Gataj Jesús gunun ni sij.

Jesús ora en Getsemaní

³⁹ Ngaa nī gahui Jesús gan'anj sij 'ngo dacan gu'naj Olivos daj rún' gu'yun sij huan'anj sij. Nī guinico' ni tsínj nico' sij gan'anj ni sī' nīga sij nej. ⁴⁰ Nī ngaa guisíj sij yu'uj daj, nī gataj sij gunun ni sī':

—Gachinj jni'yaj á re' rian Yan'anj, ngaa nī sī guinij a ni é re' rian gaquin' ngaa gatsij sichre a ni é re' mánj. —Daj gataj Jesús.

⁴¹ Ngaa nī gahuin anéj sij. Nī gan'anj gan' sij doj rún' 'yō' ngaa ga'ui' 'ngo yej daj, gui'yaj sij guxun anéj sij man'an sij. Nī guiniquin' ráj dācoj sij gachinj jni'yaj sij rian Yan'anj. ⁴² Nī gataj sij:

—Tata chré'. Sisi ga'uej man'ān re', nī ga'ne re' sayun ran'ānj nan. Sanj sī guil'yáj re' rún' huin ruhua man'ānj mánj. Maan si guil'yáj re' rún' huin ruhua man'ān re' aj. —Daj gataj Jesús gunun Yan'anj.

⁴³ Ngaa nī gurugüi' 'ngo ángel 'na' xata' rian Jesús. Nī nari' fuerza Jesús, gui'yaj ángel daj. ⁴⁴ Nī ducu nani ruhua Jesús. Nī nucuaj gachinj jni'yaj sij rian Yan'anj nej. Nī da' sij nico niā sij achinj jni'yaj sij rian Yan'anj. Nī nia nico' rian sij daj nij rian yo'ój. Nī rún' hua tun hua nīa daj. ⁴⁵ Nī ngaa guisíj gachinj jni'yaj sij rian Yan'anj, nī naxuman sij gan'anj sij rian mān ni tsínj nico' sij. Nī mān ni sī' atoj ni sī' nari' sij. ⁴⁶ Nī gataj Jesús:

—Nī un sin huin nī atoj ni é re' únj. Nachica á re' gachinj jni'yaj á re' rian Yan'anj sisí sī guinij ni é re' rian gaquin' ngaa gatsij sichre nimán án re' mánj. —Daj gataj Jesús gunun ni sī'.

Arresto de Jesús

⁴⁷ Daj a'mi gué Jesús ngaa guisíj nico ni tsínj daj. Nī digyán 'ngo tsínj gu'naj Judas chrej rian ni tsínj huaj nīga sī'. Nī hué sī' huin 'ngo dugüi' ni xuhuij ran' ni tsínj nico' Jesús. Nī gahuin nichrun' Judas rian nne Jesús sisí garun du'ua sij sī'. ⁴⁸ Sanj gataj Jesús gunun sij:

—Judas, huin ruhuá re' garun du'ua re' man'ānj huinj da'níj ni ngüi nī'. Nī da'nga' daj naga'ui' re' man'ānj rian ni tsínj 'na' guida'a yünj, ruhuá re' nī'. —Daj gataj Jesús gunun Judas.

⁴⁹ Nī ngaa guini'i ni tsínj niquin' nīga Jesús un sin gahuin, nī nachinj snan'anj ni sij Jesús. Nī gataj ni sij:

—Señor, ga'ui' únj nīga espada, ruhuá re' nī'. —Daj gataj ni sij.

⁵⁰ Ngaa ni ga'ui' 'ngo tsínj daj tsínj 'yaj sun rian chrej a'nin'. Nī güéj

nin' chraquij sí' ne' chrej ra'a sa' sí',
gui'yaj sij. ⁵¹ Ngaa ni gataj Jesús:

—Ga'nin' ruhua á re' yyaj aj. —
Daj gataj sij.

Ngaa ni ganun ra'a sij chraquij sí'. Ni ganahuin chraquij sí', gui'yaj sij. ⁵² Hué dan ni gataj Jesús gunun ni chrej a'nin' ngá ni snado huin achij dugumi rian nuhui ngá ni tsínj huin achij huin ni sij ni tsínj 'na' guida'a Jesús. Ni gataj Jesús:

—Ni un sin huin ni ata á re'
espada ngá chrun 'na' á re' guida'a
á re' yunj ún. Huéj huin 'ngo tsínj
tu ruhua á re' ní!. ⁵³ Ya'yoj niquinj
chruhua nuhui ngá á re'. Sani nun
guida'a á re' man'anj mánj. Sani
yyaj guisij hora ga'ue gui'yaj á
re' daj rún' huin ruhua á re'. Daj
si hora nan nicaj sun sichre huin
si nne rian hua rumi!. —Daj gataj
Jesús gunun ni tsínj daj.

Pedro niega a Jesús

⁵⁴ Ngaa ni guida'a ni sij Jesús. Ni
nicaj ni sij sí' gan'anj ni sij ducuá
chrej huin achij nin!. Ni nico' gan'
huaj Pedro nico' sí' rucu Jesús. ⁵⁵ Ni
naranci ni sij yan'an rian hue' daj. Ni
man ni sij ganicaj ni sij xi'níj yan'an
daj. Ni gan'anj gane Pedro scanij ni
sij. ⁵⁶ Ngaa ni guini'lí 'ngo yun'unj
xana 'yaj sun daj nne Pedro xi'níj
yan'an. Ni guini'yaj sa' ún' rian sij.
Ni gataj ún!:

—Hué tsínj nan nicaj dugüi' ngá
Jesús. —Daj gataj ún!.

⁵⁷ Sani nun ga'uej Pedro. Ni gataj
sij gunun ún!:

—Xica'uí, nun ni'línj sij mánj. —
Daj gataj Pedro.

⁵⁸ Ni ngaa gachin doj, ni guini'lí
ango tsínj Pedro. Ni gataj sí!:

—Hué re' huin 'ngo ni tsínj nicaj
dugüi' ngá Jesús aj. —Daj gataj sí!.

—Jnān, sej huin mánj. —Gataj
Pedro.

⁵⁹ Ngaa ni angó hora, ni gataj
ango tsínj daj:

—Xanga' sisi hué sij huin 'ngo tsínj
nicaj dugüi' ngá sí!. Daj si 'na' sij
estado Galilea. —Daj gataj sí!.

⁶⁰ Sani:

—Nun ni'línj un sin xi'i a'mí re'
nan jnānj. —Gataj Pedro.

Ni ngaa hua gué a'mi Pedro, ni
gaguáj do'loj 'ngo du'ua xú!. ⁶¹ Ngaa
ni nanicaj Señor ni'yaj sij rian
Pedro. Ngaa ni nanun ruhua Pedro
si gataj Señor gunun sij: "Asij nun
güin gahuin gaguaj do'loj yan",
ni gataj re' si huá'nij si nun ni'í
re' man'anj." Hué daj gataj Jesús
gunun Pedro asij sini yan. ⁶² Ni
ducu gaco Pedro gahui sij xe!.

Jesús escarnecido y azotado

⁶³ Ni ni tsínj man dugumi Jesús,
ni ga'mi ducu ni sij rian sí!. Ni ga'ui'
ni sij sí!. ⁶⁴ Ni guiránj ni sij rundij
rian Jesús. Ngaa ni ga'ui' ni sij sí!. Ni
gataj ni sij:

—Yyaj ni gataj so' un tsínj ga'ui'
so' aj. —Daj gataj ni sij ga'mi ducu
ni sij.

⁶⁵ Ni da'nga' daj ga'mi quij ni sij
ga'i' angó nuguan' rian Jesús nej.

Jesús ante el concilio

⁶⁶ Ni ngaa guixiguín ni nahuin
yu' ni tsínj huin achij rian ni tsínj
israelita ngá ni tsínj a'nin' rian ni
chrej nej, ni tsínj digyán ley nej.
Ni nicaj ni sij Jesús gan'anj ni sij
rian junta daj. Hué dan ni nachínj
snan'anj ni sij Jesús. Ni gataj ni sij:

67—Sisi hué re' huin Cristo, ni gataj yyá re' gunun únj. —Daj gataj ni sij gunun Jesús.

Ngaa ni:

—Sisi gatā si huej huin, saní si guxuman ruhua á re' si-nuguan'anj mánj. **68** Ni sisi nachin' snan'an 'ngo nuguan' ni é re', saní nitaj nunj gataj á re' gununj mánj. Ni na'uej ruhua á re' nachi ni é re' man'anj mánj. **69** Saní asij acuan' ni ganéj ra'a sa' Yan'anj nucuaj nne xata' huínj da'níj ni ngüi. —Daj gataj Jesús.

70 Ngaa ni nachínj snan'anj daran' ni sij Jesús. Ni gataj ni sij:

—Hué yyá re' huin da'níj Yan'anj, ruhuá re' ní'. —Daj gataj ni sij.

Ngaa ni:

—Hué ni man'an án re' ataj sisi huej huin. —Daj gataj Jesús.

71 Ngaa ni gataj ni sij gunun ni dugüi' ni sij:

—Nitaj si gui'yó' testigo ga mánj. Ni hua gunun chraquij ni man'an né' si gataj sij xi'í gaquin' da'ui sij. —Daj gataj ni sij.

Jesús ante Pilato

23 Ngaa ni naxuman daran' ni sij. Ni nicaj ni sij Jesús gan'anj ni sij rian Pilato. **2** Ngaa ni gaxi'i ni sij ga'mi gaquin' ni sij xi'í Jesús. Ni gataj ni sij:

—Hué tsínj nan huin 'ngo tsínj quij hua. Daj si ataj sij gunun ni ngüi sisi si ga'ui' né' pesto rian rey César. Ni ataj sij sisi hué sij huin Cristo 'ngo rey, ataj sij. —Daj gataj ni sij xi'í Jesús.

3 Ngaa ni nachínj snan'anj Pilato Jesús. Ni gataj sij:

—Hué re' huin rey rian ni tsínj israelita ní'. —Daj gataj Pilato.

—Hué re' ataj nánj. —Daj gataj Jesús.

4 Ngaa ni gataj Pilato rian ni tsínj a'nin' rian ni chrej nga rian ni ngüi nej:

—Güendaj ni a 'ngo gaquin' nitaj da'ui tsínj nan mánj. —Daj gataj Pilato.

5 Saní ducu gui'yaj ni sij fuerza, ni gataj ni sij:

—Ngaa digyán tsínj nan rian ni ngüi, ni gahuin xa'ue du'ua daran' ni ngüi. Ni huaj sij digyán sij si-nuguan' sij nin' gachra' estado Judea. Ni gaxi'i sij digyán sij estado Galilea. Ni 'na' sij yu'u nan digyán sij rian ni ngüi nej. —Daj gataj ni sij gunun Pilato.

Jesús ante Herodes

6 Ni ngaa gunun Pilato si gataj ni sij, ni nachínj snan'anj sí' sisi Jesús huin tsínj 'na' estado Galilea. **7** Ni ngaa guini'i Pilato sisi 'na' Jesús estado Galilea, ni ga'níj sij gan'anj sí' rian rey gu'naj Herodes huin sí' gobernado nicaj sun ne' estado Galilea. Daj si nne sí' xuman' Jerusalén ni güi daj.

8 Ni ngaa guini'i Herodes Jesús, ni gahuin ni'a' ruhua sij si guisíj ga'i güi huin ruhua sij guini'i sij Jesús. Daj si gunun sij ga'mi ni ngüi daj gui'yaj Jesús. Ni gahuin ruhua sij sisi gui'yaj Jesús 'ngo si sa' nico guini'i sij. **9** Ni ducu nachínj snan'anj sij Jesús. Saní ni a 'ngo nuguan' nun danicaj Jesús rian sij mánj. **10** Ni man ni tsínj a'nin' rian ni chrej nga ni tsínj digyán ley nej. Ni ducu garun gaquin' ni sij Jesús. **11** Ngaa ni ga'mi quij Herodes rian Jesús. Ni hué daj ga'mi ni snado

niquin' ngā sij nej. Ni ga'níj ni sij atsij nia' xá Jesús gunun sí' güenda gahuin ducu ruhua ni sij ni'yaj ni sij sí'. Ni rún' si-gan' rey hua-á'. Ngaa ni ga'níj Herodes ruhua' yún Jesús rian Pilato.¹² Xi'í daj ni na'mi Pilato ngā Herodes güi daj si asij sini, ni gunun' nungüej sij.

Jesús sentenciado a muerte

¹³Ngaa ni nahuin yu' ni tsínj a'nin' rian ni chrej ngā ni tsínj nicaj sun ngā ni ngüi nej, gui'yaj Pilato.¹⁴ Ni gataj sí' gunun ni sij:

—Nicaj á re' tsínj nan ga'na! á re' nánj. Ni ataj á re' sisí digyán sij 'ngo chrej xi'i rian ni ngüi. Ni natāj rian án re' sisí hua nachínj snan'an sij. Sani nitaj 'ngo gaquin' gui'yaj sij nari'líj xi'i si a'ui' a ni é re' gaquin' sij mánj.¹⁵ Ni ga'níj Jesús gan'anj sij rian nne rey Herodes. Ni nun nari' Herodes gaquin' da'ui sij mánj. Nitaj nunj gui'yaj sij si gahui' sij mánj.¹⁶ Ngaa ni gu'yā castigo sij, asij ni na'nij ra'aj sij gan'anj sij aj. — Daj gataj Pilato.

¹⁷ Ni hua nian si guiri Pilato 'ngo tsínj nūn ducuaga' go'ngo gui'yanj pascua si daj hua si-costumbre ni sij.

¹⁸ Sani gaxi'i ni sij gaguáj nucuaj nuguan'an daran' ni sij. Ni gataj ni sij:

—Dagahui' re' tsínj nan. Ni na'nij ra'á re' tsínj gu'naj Barrabás aj. — Daj gataj ni sij gaguáj ni sij.

¹⁹ Ni hué Barrabás huin 'ngo tsínj nūn ducuaga' si gunun' ni dugüi' sí' ngā ni tsínj nicaj sun chruhua xuman' daj. Ni dagahui' sí' 'ngo níman nej.

²⁰ Ni huin ruhua Pilato guiri sij Jesús gan'anj sí'. Xi'í daj ni ga'mi ruhua' yún sij rian ni sij.

²¹ Sani gaguáj nucuaj ni sij. Ni gataj ni sij:

—Gari re' gaquíj Jesús guinico' sij rian rugutsi. Gari re' gaquíj Jesús guinico' sij rian rugutsi. —Daj gataj ni sij.

²² Ngaa ni gataj Pilato guisíj huá'nij:

—Daj hua gaquin' gui'yaj sij únj. Nitaj gaquin' gui'yaj sij nari'líj sisí gahui' sij mánj. Gui'yā castigo sij, asij ni na'nij ra'aj sij gan'anj sij aj. — Daj gataj Pilato.

²³ Sani ni tsínj daj ngā ni chrej a'nin' gui'yaj fuerza ni sij gaguáj ni sij sisí gari Pilato gaquíj Jesús guinico' sí' rian rugutsi. Ni rian gaguáj nucuaj ni sij, ni guiri' ni sij si huin ruhua ni sij.²⁴ Ni gataj Pilato sisí gui'yaj ni sij si huin ruhua ni sij.²⁵ Ngaa ni guiri Pilato tsínj nūn ducuaga' daj huin sí' tsínj gunun' ngā ni tsínj nicaj sun. Ni huin sí' tsínj dagahui' níman nej. Ngaa ni naga'ui' Pilato man'an Jesús rian ni sij sisí gui'yaj ni sij si huin ruhua ni sij.

Crucifixión y muerte de Jesús

²⁶ Ni ngaa nicaj ni sij Jesús gan'anj ni sij, ni guida'a ni sij 'ngo tsínj 'na' xuman' Cirene gu'naj sí' Simón. Ni 'na' niqui sí' gan'anj sí' rian sun. Ni gui'yaj ni sij gata sí' rugutsi guinico' sí' rucú Jesús.²⁷ Ni nico' nico ni ngüi huaj ni sij rucú Jesús. Ni ducu aco ni yun'unj xana nico' huaj rucú sij. Ni nani ruhua ne ni'yaj ne xi'i sij.²⁸ Sani nanicaj Jesús ni gataj sij gunun ni yun'unj xana daj:

—Gunun ni é re' huin a ni é re' ni ngüi 'na' xuman' Jerusalén. Si gaco

ni é re' xi'íj mánj. Sani gaco ni é re' xi'í man'an ni é re' nga xi'í ni da'níj ni é re' nej. ²⁹Daj si ga'na' ni güi guiran' ni é re' sayun. Ni gataj ni ngüi: "Hua 'ueé rian ni ngüi yatin nga ni ngüi nun ri' lij nej, ni ngüi nun guinico' lij xí'yanj nej." Daj gataj ni ngüi. ³⁰Daj si güi daj ni gaxi'i ni ngüi gataj sisi gane ni quij, ni naxij ni sij riqui quij gane daj, gataj ni sij. ³¹Ni sisi ran' man'ánj nico sayun 'yaj ni sij acuan', sani ni güi ga'na', ni ducu ga'na' doj sayun rian ni sij aj. —Daj gataj Jesús rian ni yun'unj daj.

³²Ni hué daj nicaj ni sij huij tsínj da'ui gaquin' gan'anj ni sij sisi gahui' nuguán'an nungüej sí' nga Jesús. ³³Ni ngaa guisíj ni sij 'ngo yu'u'j gu'naj cíj chra níman, ni gari ni sij gaquíj Jesús doco' ni sij rian rugutsi sí' yu'u'j daj. Ni hué daj doco' ni sij huij tsínj da'ui gaquin' daj rian yahuij rugutsi. Ni nico' 'ngoj ra'a sa' Jesús, ni angoj ra'a rotsi sij. ³⁴Hué dan ni gataj Jesús gunun Yan'anj:

—Tata chré', nicaj re' 'ngo niman nico nga ni sij. Daj si nun ni'i ni sij si 'yaj ni sij. —Daj gataj Jesús gunun Yan'anj.

Ni ducu ni snado sisi un tsínj gahui sa' nicaj ni sij si-gan' Jesús gan'anj sij.

³⁵Ni niquin' ni ngüi ni'yaj ni sij. Sani guiyaj ducu ni tsínj nicaj sun. Ni gataj ni sij:

—Nacaj sij ango ni ngüi. Ngaa ni sisi hué sij huin Cristo tsínj nacui Yan'anj, ngaa ni ganacaj sij man'an sij nánj. —Daj gataj ni sij.

³⁶Ni hué daj ga'mi ducu ni snado nej. Ni gahuin nichrun' ni sij. Ni

requé ni sij nnee yu go'o sí!. ³⁷Ni gataj ni sij:

—Sisi hué re' huin si-rey ni tsínj israelita, ni ganacaj re' man'án re' aj. —Gataj ni sij.

³⁸Ni garun ni sij letra chra rugutsi. Ni letra daj huin griego nga latín nej, hebreo nej. Ni letra daj gataj: "tsínj nan huin si-rey ni tsínj judíos." Daj garun ni sij. ³⁹Ngaa ni ga'mi quij 'ngo tsínj da'ui gaquin' daj gunun Jesús. Ni gataj sí!:

—Sisi hué re' huin Cristo, ni ganacaj re' man'án re' nga nungüej únj nej. —Daj gataj sí! gunun Jesús.

⁴⁰Sani chran' yun'unj ango tsínj nico' yu'u'j daj dugüi' sij huin sij 'ngo tsínj da'ui gaquin' nej. Ni gataj sij:

—Uyan huin si-castigo man'án re' nga si-castigo tsínj nan nej. Ni un sin huin ni nitaj si xu'u'í re' ni'yáj re' Yan'anj únj. ⁴¹Ni hua niqan xanga' ran' nungüej únj sayun xi'í si da'ui nungüej únj gaquin!. Sani nitaj si da'ui tsínj nan gaquin' mánj. —Daj gataj ango tsínj da'ui gaquin' gunun dugüi' sij.

⁴²Ngaa ni gataj sij rian Jesús:

—Gananun ruhuá re' ni'yaj re' yünj ngaa gaxi'i guinicaj sún re'. —Daj gataj sij.

⁴³Ngaa ni:

—Xanga' ataj yyáj gunun re' sisi asij yyaj, ni hua nné re' ngáj xánj Yan'anj. —Gataj Jesús gunun tsínj da'ui gaquin' daj.

⁴⁴Ni ngaa guisíj gaxuj, ni gahuin rumi' rian daran' xungüi. Ni gahuin rumi' da' ga huá'nij di'ni. ⁴⁵Ni gahuin rumi' rian güi. Ni tsitsi' da'aj atsij nico' chruhua nuhui nico.

⁴⁶Ngaa ni gaguáj nucuaj Jesús. Ni gataj sij:

—Tata chré', nariquij nimānj nahuin ra'á re'. —Gataj Jesús.

Ní ngaa da'nga' daj gataj sij, ni gahui' sij.

⁴⁷ Ní ngaa guini'i snado centurión si gahuin, ni ga'mi sa' sij rian Yan'anj. Ni gataj sij:

—Xāng'a hua niča niman tsínj nan anj. —Daj gataj sij.

⁴⁸ Ní ngaa guini'i daran' ni ngüi mán yu'uj daj daj gahuin, ni nanicaj ni sij nān' ni sij ducuá ni sij. Ni guita ra'a ni sij niman ni sij si nun nari' ruhua ni sij si gui'yaj ni sij. ⁴⁹ Ní daran' ni tsínj nicaj dugüi' nga Jesús ngā ni yun'unj xāna nico' Jesús asij estado Galilea, ni guna gan' ni sij ni'yaj ni sij daran' si gahuin.

Jesús es sepultado

⁵⁰ Ní hua 'ngo tsínj nne rian junta nico daj. Ní gu'naj sí' José. Ni 'nā' sij xuman' Arimatea xuman' ngaj estado Judea. Ni hua sa' niman sij. Ni 'yaj niča sij nej. ⁵¹ Ní ana'uij sij si ga'na' guinicaj sun Yan'anj rian né'. Ni nun garan' ruhua sij si ga'mi ni tsínj mān junta daj xi'lí Jesús.

Ní hué daj nun garan' ruhua sij si gui'yaj ni sij ngā sí' nej.

⁵² Ní gan'anj sij rian Pilato. Ni gachínj sij níman Jesús. ⁵³ Ngaa ni nanij sij níman Jesús rian rugutsi. Ni chri'yanj sij atsij xiráj níman daj. Ni gurúj sij níman chruhua 'ngo huej. Sani ni a 'ngo ni níman nun gachin' ni sij riqui yu'uj da mánj.

⁵⁴ Ní güi daj huin güi 'yaj xugüi ni sij güi naránj ruhua ni sij. Ni achin doj si guisij güi naránj ruhua ni sij daj. ⁵⁵ Ní nico' ni yun'unj xāna gahui estado Galilea nga Jesús

rucú tsínj gu'naj José. Ni guini'i ne rian gachin' ni sij níman Jesús. Ni guini'i ne daj gurúj ni sij níman daj chruhua yu'uj nej. ⁵⁶ Ní ngaa nanicaj ne nān' ne ducuá ne, ni nachej ne gasiti guin' daj nga gono'ó guin' daj. Ni naránj ruhua ne güi naránj ruhua ni ngüi israelita daj rún' a'nin' ley rian ni sij.

La resurrección

24 Ní ngaa ruhua guerenga' nigan' acuan' güi gudungu, ngaa ni gan'anj ni yun'unj xāna daj rian yu'uj gachin' ni sij níman. Ni nicaj ne gasiti guin' daj hua nagui'yaj ne gan'anj ne. Ni gan'anj ango ni yun'unj xāna ngā ne nej. ² Ni nari' ne sisi nitaj si ngaj yej xachij hua ránj rian huej daj. ³ Ni gatúj ne chruhua huej. Sani nun nari' ne níman Señor Jesús mánj. ⁴ Ni nun nari' ruhua ne un sin gahuin. Ngaa ni niquin' nuguán'an huij tsínj rian ne. Ni ran atsij nun nungüej sí!. ⁵ Ni guxu'ui' ne. Ni ga' nitu rian ne rian yo'ój. Xilí daj ni gataj nungüej tsínj daj gunun ne:

—Ni un sin huin ni nana'ui' a ni é re' tsínj hua ni'na' scanij ni níman únj. ⁶ Nitaj si ngaj sij yu'uj nan ga mánj. Daj si hua ganá'nij sij. Nanun ruhua á re' si gataj sij rian án re' ngaa gane sij estado Galilea.

⁷ Ni gataj sij gunun a ni é re': “Hua nían sisi naga'ui' ni sij man'ānj ra'a ni tsínj 'yaj gaquin'. Ni gari ni sij gaquij man'ānj rian rugutsi. Ngaa ni gana'ní ngaa guisij hua'nij güi huinj da'níj ni ngüi.” Hué daj gataj Jesús gunun a ni é re'. —Daj gataj nungüej tsínj daj gunun ni yun'unj xāna.

⁸Ngaa ní nanun ruhua ne ni'yaj ne nuguan' ga'mi Jesúś. ⁹Ngaa ní nanicaj ne rian huej daj. Ní nata' ne ni nuguan' daj rian ni xan ni tsínj a'mi si-nuguan' Yan'anj nga rian ango ni ngüi nej. ¹⁰Ní ni yun'unj xana daj huin María Magdalena nga Juana nej, María nni Jacobo nej, ango ni yun'unj xana nej. Ní nata' ne nuguan' daj rian ni tsínj ga'mi si-nuguan' Jesúś rian ni ngüi. ¹¹Sani ngaa gunun ni sij nuguan' daj, ní gani ruhua ni sij sisí a'mi sinúnj ni yun'unj daj. Ni nun guxuman ruhua ni sij si gataj ne. ¹²Sani naxumán Pedro gunánj sij gan'anj sij rian huej. Ní ga' nitu sij ni'yaj sij chruhua yu'uj daj. Ní ngaj urin atsij chruhua huej daj guini'i sij. Ngaa ní nanicaj sij nán sij ducuá sij. Sani nun ri'l ruhua sij un sin gui'yaj sij nga si guini'i sij.

En el camino a Emaús

¹³Ní hué güi daj ní huaj huij tsínj nico' Jesúś gan'anj nungüej sij 'ngo xuman' gu'naj Emaús. Ni huin ngaj-á' xuman' Jerusalén 'ngo si xan kilómetro. ¹⁴Ní nari snan'anj nungüej sij huaj sij xi'í si gahuin guiran' Jesúś. ¹⁵Ní diaj hua gue a'mi nungüej sij, ní gahuin nichrun' Jesúś rian nungüej sij. Ní chéj Jesúś nga nungüej sij. ¹⁶Sani nunj si ni'yaj nungüej sij man'an sí, sani nun ga'ui' Yan'anj sisí nani'i nungüej sij sisí Jesúś huin huaj nga nungüej sij. ¹⁷Ngaa ní nachínj snan'anj Jesúś nungüej sij. Ní gataj sij: —Ní un sin huin si a'mi nungüej é re' huaj á re' chrej únj. Ni un sin huin ní nani ruhua á re' únj. —Daj gataj Jesúś.

¹⁸Ngaa ní gataj 'ngo tsínj daj 'ngo tsínj gu'naj Cleofas:

—Hua ga'í tsínj 'na' anéj chrej nne xuman' Jerusalén ni güi nan. Ní un sin huin ní urin man'án re' nun ni'i daj gahuin ni güi gachin nan únj. —Daj gataj Cleofas.

¹⁹Ngaa ní:

—Ní un sin gahuin únj. —Gataj Jesúś.

Ngaa ní gataj nungüej sij:

—Hué Jesúś nazareno gahuin 'ngo tsínj ga'mi si-nuguan' Yan'anj rian ni ngüi. Ní gui'yaj sa' sij. Ni ducu nucuaj si-nuguan' sij rian Yan'anj nga rian daran' ni ngüi nej. ²⁰Ní ga'nin' sun ni chrej a'nin' nga ni tsínj nicaj sun sisí gahui' Jesúś guinico' sij rian rugutsi. ²¹Ni gana'uij ni únj sisí hué sij huin tsínj 'na' nacaj ni ngüi israelita. Sani guiran' sij sayun daj. Ní yyaj guisíj hua'nij güi si gahui' sij. ²²Ni guixiguín garlanj go'ngo yun'unj xana nicaj dugüi' nga ni únj rian gachin' Jesúś. Ní gara yan'anj ruhua ni únj xi'í si gataj ne gunun únj. ²³Ní rian nun nari' ne Jesúś, ní nanicaj ne rian ni únj. Ní nata' ne gunun ni únj sisí gurugüi' huij ángel rian ne. Ní gataj nungüej ángel daj gunun ne sisí hua ni'na' Jesúś. ²⁴Hué dan ní gan'anj go'ngo ni dugüi' ni únj rian gachin' Jesúś. Ní nari' anin' sij daj rún' gataj ni yun'unj daj. Sani nun guini'i anin' sij man'an Jesúś mánj. —Daj gataj nungüej sij.

²⁵Ngaa ní gataj Jesúś gunun nungüej sij:

—Tsínj nun acaj cuenta huin nungüej é re'. Ní na'ue guxuman yoo ruhua nungüej é re' nga si garun

ni tsínj ga'mi si-nuguan' Yan'anj asij ná. ²⁶Sé si xanga' si hua nian guiran' Cristo sayun ngaa achin natu sij rian hua 'ueé xata' gane sij únj. —Daj gataj Jesús.

²⁷Ngaa ni gaxi'i sij ga'mi sij xi'i si-nuguan' Moisés nga si-nuguan' angó ni tsínj ga'mi si-nuguan' Yan'anj asij ná. Ni gataj sij gunun nungüej sí' daran' si ataj si-nuguan' Yan'anj xi'i man'an sij.

²⁸Ni ngaa guisíj nungüej sij xuman' huaj nungüej sij, ni gui'yaj Jesús sisi gata' dian sí' gan'anj sí' rian nungüej sij. ²⁹Sani guereque nungüej sij sisi gunaj sí'. Ni gataj nungüej sij:

—Guná re' nga únj si hua gahuin di'ni, ni hua guini nej. —Gataj nungüej sij gunun Jesús.

Ngaa ni gatúj Jesús guna sí' nga nungüej sij.

³⁰Ni ngaa nne Jesús rian mesa nga nungüej sij, ni guida'a sí' chrachrúnj. Ni ga'u*il*' sí' si guruhua Yan'anj. Ni gura' da'aj sí' ga'u*il*' sí' ra'a nungüej sij. ³¹Ngaa ni hué gue hora daj xacaj cuenta nungüej sij guini'i nungüej sij sisi Jesús huin. Sani hué hora daj ni gan'anj ni'ya yan'anj sí' rian nungüej sij. ³²Ngaa ni nachínj snan'anj nungüej man'an sij dugü*il*' sij. Ni gataj nungüej sij:

—Xanga' ni gahuin nia'i ró' ngaa ga'mi sij nga né' ngaa huaj né' chruhua chrej. Ni gahuin nia'i ruhua né' ngaa digyán sij si-nuguan' Yan'anj riú*n*' nej. —Daj gataj nungüej sij.

³³Ngaa ni hué hora daj, ni naxuman nungüej sij gan'anj nungüej sij xuman' Jerusalén. Ni nari' nungüej sij xan ni tsínj mán

nuhuin yu' nga ni dugü*il*' ni sí' nej.

³⁴Ni gataj ni sí':

—Xanga' ni ganá'nij Señor. Ni gurugü*il*' sij rian Simón. —Daj gataj ni sij.

³⁵Ngaa ni nata' nungüej sij daj gahuin guini'i nungüej sij Jesús chruhua chrej. Ni nata' nungüej sij daj nani'i nungüej sij Jesús ngaa gura' da'aj sí' chrachrúnj ga'u*il*' sí' xa nungüej sij.

Jesús se aparece a los discípulos

³⁶Ni ngaa hua gue a'mi ni sij nuguan' daj, ni gurugü*il*' Jesús ganiquin' sij scanij ni sij. Ni gataj sí' gunun ni sij:

—Gahuin din'inj ruhua á re' aj. —Daj gataj Jesús.

³⁷Ngaa ni ducu guxu'ui' ni sij. Ni gani ruhua ni sij sisi guini'i ni sij 'ngo sta'naj. ³⁸Sani gataj Jesús:

—Ni un sin huin ni nani ruhua á re' únj. Ni un sin huin ni nitaj si mán yya ruhua niman án re' únj.

³⁹Ni'yaj á re' ra'aj nga dacō. Ni xacaj á re' cuenta sisi hué man'anj huin. Guida'a á re', ni ni'yaj á re'. Daj si 'ngo sta'naj nitaj nnecúj daj rún' hua man'anj nan mánj. —Daj gataj Jesús.

⁴⁰Ni ngaa guisíj ga'mi Jesús nuguan' daj, ni digyán sij ra'a sij nga dacój sij rian ni sí'.

⁴¹Sani nun guxuman ruhua ni sij xi'i si ducu huin nia'i ruhua ni sij. Ni garaj yan'anj ruhua ni sij nej. Ngaa ni nachínj snan'anj Jesús ni sij. Ni gataj sí':

—Nicaj á re' si xo' ní'. —Daj gataj Jesús.

⁴²Ngaa ni ga'u*il*' ni sij doj nnee xucuaj nitin nga doj gatsi'i xutan xa

sí!. ⁴³Ni guida'a sij, ni xa sij rian ni sí!. ⁴⁴Ngaa ni gataj sij:

—Hué nan huin nuguan' ga'mi ngá ni é re' ngaa ganéj nga á re'. Ni gatā gunun a ni é re' sisí hua niqan gahuin yya ni nuguan' xi'ij daj rún' garun Moisés nga ni tsínj ga'mi si-nuguan' Yan'anj asij ná ngá ni tsínj garun libro Salmo nej. —Daj gataj Jesús.

⁴⁵Hué dan ni gara da'nga' ruhua ni sij si ataj si-nuguan' Yan'anj, gui'yaj Jesús. ⁴⁶Ni gataj Jesús:

—Gataj si-nuguan' Yan'anj sisí guiran'ānj sayun, huinj Cristo. Ni gahuij. Sani gana'ní chra huá'nij güi. ⁴⁷Ngaa ni ga'mi ni sij ni nuguan' sa' xi'ij rian daran' ni ngüi mán chruhua xungüi. Ngaa ni ganani ruhua ni sij xi'í si-gaquin' ni sij nānico' ni sij Yan'anj. Hué dan ni guinicaj Yan'anj 'ngo niman nico xi'í si-gaquin' ni sij. Ni gaxi'li ni sij xuman' Jerusalén nata' ni sij nuguan' da aj. ⁴⁸Ni huin a ni é

re' ni tsínj guini'i daran' si gui'yā. Ngaa ni ga'ue guiniquin' a ni é re' nata' a ni é re' xi'í ni nuguan' sa' nan. ⁴⁹Ngaa ni riquij Espíritu Santo rian ni é re' daj rún' gataj yya chrē rian án re'. Sani guna á re' xuman' Jerusalén nan da nahuin ra'a nari' nucuaj niman án re', gui'yaj Yan'anj. —Daj gataj Jesús gunun ni sij.

La ascensión

⁵⁰Ngaa ni nicaj Jesús ni sij gan'anj sí' xuman' Betania. Ngaa ni nachi nicaj sí' ra'a sí!. Ni gachínj jni'yaj sí' rian Yan'anj sisí gui'yaj sa' Yan'anj ngá ni sij. ⁵¹Ni diaj hua gue a'mi sa' sí' daj, ni gahuin nini sí' rian ni sij. Ni nān' sí' xata', gui'yaj Yan'anj. ⁵²Ngaa guisíj ga'mi sa' 'ueé ni sij xi'í Jesús, ni nanicaj ni sij gan'anj ni sij xuman' Jerusalén. Ni ducu gahuin nia' ruhua ni sij. ⁵³Ni niganj mán ni sij nuhui nico ga'mi sa' ni sij rian Yan'anj. Ni gataj ni sij sisí sa' 'yaj Yan'anj anj. Amén.